


ԲԱԺԻՆ Դ



ՄՇԱԿՈՒՅԹԸ
1946 - 1965

ՍՈՎԵՏԱՀԱՅ ՄՇԱԿՈՒՅԹԻ ԶԱՐԳԱՑՈՒՄԸ

Հայրենական մեծ պատերազմի հաղթական ավարտից հետո սովետական ամբողջ ժողովուրդը կրկին ձեռնամուխ եղավ խաղաղ ստեղծագործական աշխատանքի։ Սոցիալիզմի կառուցման ավարտման և կոմունիստական շինարարության տարիները Սովետական Հայաստանի համար արտագրողական ուժերի աննախընթաց զարգացման, արդյունաբերության վերելքի և սոցիալիստական գյուղատնտեսության հետագա ամրապնդման ժամանակաշրջան էին։ Հանրապետության էկոնոմիկայի զարգացմանը ղուգընթաց էական փոփոխություններ տեղի ունեցան հասարակության սոցիալական կառուցվածքում։ Հայ ժողովրդի պատմության մեջ կտրեորագույն իրադարձություն էր հայրենադարձության, այս անգամ արդեն՝ մասսայական շահերով, վերսկսումը՝ աշխարհով մեկ սփռված հայերի ներգաղթը։ Սովետական Հայաստանը՝ նտպատերազմյան տարիներին հայ ժողովուրդը, սովետական ամբողջ ժողովրդի հետ միասին, ակտիվ մասնակցություն է ցուցաբերում խաղաղության և մարդկության առաջադիմության համար մղվող պայքարին։

Անցած ժամանակաշրջանը նշանավոր էր նաև հայ ժողովրդի մշակութային կյանքում տեղի ունեցած աննախընթաց վերելքով։ Հայ ժողովուրդը կոմունիստական կուսակցության ղեկավարությամբ ձեռք բերեց նշանակալից հաջողություններ հոգևոր կյանքի բոլոր բնագավառներում՝ ժողովրդական կրթության զարգացման, մասնագիտական կադրերի պատրաստման, գիտության և արգային գրականության ու արվեստի ծաղկման գործում։ Սովետահայ մշակույթի զարգացման հիմքում ընկած է կոմունիստական կուսակցության ծրագրում առաջ քաշված հետևյալ խնդիրը. «Բոլոր աշխատավորներին դաստիարակել բարձր գաղափարայնության և կոմունիզմի նկատմամբ նվիրվածության, աշխատանքի ու հանրային տնտեսության նկատմամբ կոմունիստական վերաբերմունքի ոգով, լիովին հաղթահարել բուրժուական հայացքների ու բարքերի մնացուկները, բազմակողմանիորեն, ներդաշնակորեն զարգացնել անհատին, ստեղծել հոգևոր կուլտուրայի իսկական հարստություն»¹։

¹ «Սովետական Միության կոմունիստական պարտիայի ծրագիրը», Երևան, 1961, էջ 140։

1. ԺՈՂՈՎՐԴԱԿԱՆ ԿՐԹՈՒԹՅԱՆ ՍԻՍՏԵՄԻ ՀԵՏԱԳԱ ԶԱՐԳԱՑՈՒՄԸ: ՄԱՍՆԱԳԻՏԱԿԱՆ ԿԱԴՐՆԵՐԻ ՊԱՏՐԱՍՏՈՒՄԸ

Նոստրաթերադմյան տարիները, հատկապես 50-ական թվականների երկրորդ կեսը և 60-ական թվականները, նշանավորվեցին զգալի փոփոխություններով ժողովրդական կրթության բնագավառում: Այդ փոփոխությունները վերաբերում էին սովետահայ դպրոցի թե՛ նյութական բաղադրիչ և թե՛ ամբողջ ուսումնա-դաստիարակչական աշխատանքի դրվածքին: ՍՍՀՄ ժողովրդական տնտեսության վերականգնման ու զարգացման շորորող հնգամյա պլանի (1946—1950) հաջող կատարումը սովետական պետությանը հնարավորություն տվեց զգալիորեն ավելացնելու ֆինանսական հատկացումները կուլտուրային ու լուսավորությանը, ծավալել դպրոցական լայն շինարարություն: 1946—1950 թվականներին կառուցվեց 28 դպրոցական շենք, որից 10-ը՝ քաղաքներում, 18-ը՝ գյուղական վայրերում: Հաջորդ հնգամյակում շահագործման հանձնվեց դպրոցական 56 շենք, որից 43-ը՝ քաղաքներում, 13-ը՝ գյուղական վայրերում: Հետագա տարիներին դպրոցական շինարարության տեմպերը գնալով աճեցին: 1956 թվականին հանրապետությունում կառուցվեց 12 դպրոցական շենք, 1959 թվականին՝ 31, 1961 թվականին՝ 29¹: 1965 թվականին կառուցվեց 72 դպրոցական շենք, 1966 թվականին՝ 150:

Բարելավվեցին դպրոցական շենքերի տիպային նախագծերը: Ճարտարապետները ձգտում էին օգտագործել հայրենական ճարտարապետության լավագույն նմանումները, աշակերտներին տալ լավ կահավորված ու սարքավորված ժամանակակից շենքեր: Նորակառույց դպրոցական շենքերն ունեն հատուկ կարիներներ, ֆիզկուլտուրայի սրահներ, իսկ որոշ մասը՝ նաև լողավազաններ: Որպես կանոն, բոլոր դպրոցներն ունեն սպորտային հրապարակներ:

Սկսած 1950-ական թվականների կեսերից կոլտնտեսությունները, տնտեսապես հզորանալով, գյուղական շատ վայրերում իրենց միջոցներով կառուցեցին դպրոցական շենքեր:

Դպրոցաշինարարության ծավալման շնորհիվ հանրապետության մեջ դպրոցների թիվը նշանակալից չափով աճեց: 1967 թվականի սեպտեմբերին Հայաստանում դպրոցների թիվը հասնում էր 1596-ի, ուր սովորում էր 593.395 աշակերտ: Չնայած դրան, այնուամենայնիվ, դեռևս զգացվում է դպրոցական շենքերի զգալի պակաս: Դա առաջին հերթին վերաբերում է քաղաքներին, որտեղ պարապմունքները տարվում են երկհերթ: Այդ պատճառով էլ քաղաքներում դպրոցական շինարարության հետագա ընդլայնումը մնում է ժողովրդական կրթության բնագավառի կարևորագույն խնդիրներից մեկը:

Տակավին մինչև Հայրենական մեծ պատերազմը Հայաստանում աշխատանք էր տարվում անցնելու պարտադիր ուսուցման՝ ոչ-լրիվ միջնակարգ (7 դասարան) դպրոցի սահմաններում: Նոստրաթերադմյան առաջին տարիներին այդ աշխատանքը շարունակվեց և հաջորդությամբ իրականացվեց: Այս առնչությամբ, գոյություն ունեցող դպրոցների ընդհանուր թվի մեջ սկսեց ավել-

¹ Տե՛ս «Культурное строительство Армянской ССР. Статистический сборник», Երևան, 1962, էջ 14:

լանալ ոչ-լրիվ միջնակարգ և միջնակարգ դպրոցների քանակը: Այսպես, եթե 1945—46 ուսումնական տարում հանրապետության մեջ գործում էր 615 յոթնամյա և 300 լրիվ միջնակարգ դպրոց, ապա հետագայում դրանց թիվը մեծացավ՝ 1950—51 ուսումնական տարում համապատասխանաբար հասնելով 670 և 309, 1955—56 ուսումնական տարում՝ 626 և 382, 1960—61 ուսումնական տարում՝ 632 և 405 դպրոցի¹:

Ոչ-լրիվ միջնակարգ դպրոցի ծավալով ընդհանուր պարտադիր ուսուցման իրականացումը հնարավորություն տվեց հանրապետության ժողովրդական կրթության առջև դնելու նոր խնդիրներ, որոնք սահմանված էին Սովետական Միության կոմունիստական կուսակցության XXIII համագումարի որոշումներիով: Սովետական կառավարությունը և կոմունիստական կուսակցությունը անհրաժեշտ համարեցին անցնել միջնակարգ ընդհանուր պարտադիր ուսուցման կենսադրժման: Այդ խնդիրը հիմնականում իր լուծումը պետք է ստանար ժողովրդական անասնաբուծության զարգացման նոր հեգմոնակի (1966—1970) ընթացքում: Այդ նպատակով պահանջվում էր դպրոցական շինարարության հետագա ընդլայնում: Հիմնական տեղեկեցրեք, որ նկատվում է վերջին տարիներին, լրիվ միջնակարգ դպրոցների քանակի ավելացումն է, մանավանդ քաղաքներում: Առ մեկը սեպտեմբերի 1967 թվականի դրանց թիվը հասել էր 712-ի: Դպրոցական շինարարության տեմպերի հետագա զարգացումը նախադրյալներ կստեղծի միջնակարգ դպրոցի ծավալով ընդհանուր պարտադիր ուսուցման իրականացման համար:

Ժողովրդական լուսավորության նյութական բազայի ընդլայնումը ետպատերազմյան տարիների սովետահայ դպրոցի զարգացման կողմերից մեկն է միայն: Դրան զուգընթաց, լուրջ փոփոխություններ տեղի ունեցան նաև ուսումնա-դաստիարակչական աշխատանքներում: Որոշումներ կատարվեցին ժողովրդական կրթությունը կատարելագործելու, ուսուցման դրվածքը երկրի տնտեսական զարգացման խնդիրներին համապատասխանեցնելու նպատակով:

1950-ական թվականներից ավելի լուրջ ուշադրություն դարձվեց պոլիտեխնիկական կրթությանը: Միջնակարգ դպրոցի ոչ բոլոր շրջանավարտներն էին կարող շարունակել իրենց կրթությունը բարձրագույն ուսումնական հաստատություններում: Ուստի հարց էր առաջանում՝ աշխատանքի տեղավորել երիտասարդության այն մասը, որը միջնակարգ դպրոցն ավարտելուց հետո չէր ընդունվում բարձրագույն ուսումնական հաստատություն: Մինչդեռ գոյություն ունեցող ժողովրդական կրթության սիստեմը հիմնականում երիտասարդությանը նախապատրաստում էր բարձրագույն ուսումնական հաստատություններում կրթությունը շարունակելու համար: Նոր պայմաններում պահանջ էր առաջացել դպրոցների ուսումնական դրվածքը վերափոխել այնպես, որ շրջանավարտները նախապատրաստվեն ոչ միայն բարձրագույն ուսումնական հաստատություններում իրենց կրթությունը շարունակելու, այլև աշխատանքային գործունեության անցնելու, հանրօգուտ աշխատանքով զբաղվելու համար:

¹ Տե՛ս «Культурное строительство Армянской ССР», էջ 16:

Մեծ ուշադրություն էր դարձվում դպրոցական արհեստանոցների և լաբորատորիաների սարքավորման վրա, որոնք պետք է հնարավորություն տային իրականացնելու աշակերտների արտադրական ուսուցումը: Այդ նպատակով ՍՍՀՄ Մինիստրների սովետի 1955 թվականի մայիսի 16-ի որոշմամբ՝ ձեռնարկություններին թույլատրվեց դպրոցներին անվճար տրամադրել ուսումնական նպատակների համար պիտանի սարքավորումներ: Նույն թվականին համանման որոշում ընդունեց նաև Հայկական ՍՍՀ կառավարությունը: Ի կատարումն այդ որոշման, հանրապետության շատ գործարաններ ու ֆաբրիկաներ միջնակարգ դպրոցների նկատմամբ ստանձնեցին շեֆություն, օգնելով նրանց՝ արհեստանոցներ ստեղծելու, ինչպես նաև դպրոցականների աշխատանքային ուսուցման գործում: Դպրոցներին հասկացվեցին հաստոցներ, շարժիչներ, ավտոմեքենաներ, գործիքներ, զանազան սարքավորումներ: Կառավարությունը դպրոցներին բաց թողեց լրացուցիչ միջոցներ՝ արտադրական ուսուցման արհեստանոցներ հիմնելու համար: Գյուղական դպրոցները կազմակերպվում էին աշակերտական բրիգադներ, որոնք մասնակցում էին գյուղատնտեսական աշխատանքներին: Կազմակերպվեց նաև գյուղատնտեսական տեխնիկայի ուսուցում:

Այդ միջոցառումները ավելցին որոշակի արդյունքներ: Աշակերտները ծանոթանում էին արտադրությանը, ձեռք բերում աշխատանքային որոշ հմտություն, իսկ ուսումնական պրոցեսը մերձեցվում էր կյանքի պահանջներին: Սովետական Միության կոմունիստական կուսակցության XX համագումարը ՍՍՀՄ ժողովրդական տնտեսության զարգացման վեցերորդ հնգամյա պլանի (1956—1960) մասին դիրեկտիվներում ժողովրդական լուսավորության կարևոր խնդիրը համարեց պոլիտեխնիկական կրթության լայն իրագործումը հանրակրթական դպրոցներում: Համագումարի առաջադրած այդ խնդիրը բխում էր պոլիտեխնիկական ուսուցման ուղղությամբ փաստորեն արդեն կատարված որոշակի աշխատանքի արդյունքներից: Դպրոցի պոլիտեխնիկացման արդյունքները ցույց տվեցին, որ դա ճիշտ ուղի է: Ծվ հիրավի, միջնակարգ դպրոցի աշակերտները, հանրակրթական առարկաներից ստացած գիտելիքներին զուգընթաց, սկսեցին գիտելիքների որոշակի պաշար ձեռք բերել նաև տեխնիկայից, ծանոթանալ արտադրական պրոցեսներին: Դպրոցներում մտցրվեցին նոր առարկաներ՝ հանրօգուտ աշխատանք, տնավարություն, ձեռքի աշխատանք:

Ի զարգացումն ժողովրդական կրթության վերաբերյալ կուսակցության XX համագումարի որոշումների՝ ՍՄԿԿ Կենտկոմը և ՍՍՀՄ Մինիստրների սովետը մշակեցին թեզիսների նախագիծ՝ «Կյանքի հետ դպրոցի կապն ամրապնդելու և երկրում ժողովրդական կրթության սիստեմի հետագա զարգացման մասին»: 1958 թվականի նոյեմբերին ՍՄԿԿ Կենտկոմի պլենումը հավանություն տվեց թեզիսների նախագծին և որոշեց այն դնել համաժողովրդական քննարկման:

Թեզիսների հիմնական բովանդակությունը հանգում է դպրոցի պոլիտեխնիկացմանը այն նպատակով, որպեսզի դպրոցն ի վիճակի լինի երիտասարդությունը նախապատրաստել ոչ միայն ուսուցումը բարձրագույն ուսումնական հաստատություններում շարունակելու, այլև այն բանի համար, որպեսզի

որոշակի հասանելից սկսած ամբողջ երիտասարդությունն ընդգրկվի հանրօգուտ աշխատանքի մեջ և գիտությունների հիմունքների ուսուցումը կապվի արտադրական աշխատանքի հետ: Թեղիսներում նշված է, որ առաջներում «դպրոցը դիսպլոր ուշադրությունը նվիրում էր այն բանին, որ ապահովեր սովորողների բուհ ընդունվելու անհրաժեշտ հանրակրթական պատրաստությունը: Դա հանգեցրեց երիտասարդության ուսուցման միակողմանիության, որոշ վերացականության, կյանքից դպրոցի կտրուկելուն, որ պայմանավորեց նաև դաստիարակչական աշխատանքի լուրջ թեթևությունները¹: Դրա հետևանքով, նշված է թեղիսներում, դպրոցների շատ շրջանավարտներ որպես իրենց համար ընդունելի կյանքի միակ ուղի համարում էին կրթության շարունակումը բուհերում կամ միջնակարգ մասնագիտական դպրոցներում, տհաճությամբ էին գնում դորժարան ու ֆաբրիկա, կոլտրնտեսություն ու սովխոզ: Մինչդեռ, միջնակարգ կրթության անընդհատ ընդլայնումն ու զարգացումը, բնականաբար, հանգեցնում է նրան, որ երիտասարդության ճնշող մեծամասնությունը, ավարտելով դպրոցը, պետք է անմիջականորեն ընդգրկվի արտադրական աշխատանքի ոլորտը: Դրան զուգընթաց, տեխնիկական առաջընթացը պահանջում է արդյունաբերությունն ու գյուղատնտեսությունը համալրել այնպիսի երիտասարդ կադրերով, որոնք ունեն բարձր հանրակրթական նախապատրաստություն: Թեղիսներում ընդգծված է դպրոցի աշխատանքի վերակառուցման հրամայական անհրաժեշտությունը: Այդ վերակառուցումը պետք է հանգեր միջնակարգ դպրոցում ընդհանուր, պոլիտեխնիկական և մասնագիտական կրթության ճիշտ հարաբերակցության հաստատման, կրթություն, որը պետք է հիմնված լինի աշխատանքի ու ուսուցման հետ երեխաների և երիտասարդության հանգիստն ու ֆիզիկական նորմալ զարգացումը խելացի կերպով զուգակցելու վրա²: «Այսպիսով, դպրոցում գիտությունների հիմունքների ուսումնասիրման առաջատար սկզբունքը, որը որոշի դասավանդման բովանդակությունը, կազմակերպումն ու մեթոդները, պետք է դառնա ուսուցման սերտ կապը կյանքի հետ, արտադրության հետ, կոմունիստական շինարարության պրակտիկայի հետ»³:



Վաստակավոր ռաուցիչ,
Սոցիալիստական աշխատանքի ճեղս
Ս. Ա. Դադրաշյան

¹ «Կյանքի հետ դպրոցի կապն ամրապնդելու և երկրում ժողովրդական կրթության սխտեմի հետագա զարգացման մասին», Երևան, 1958, էջ 18—19:

² Տե՛ս «КПСС о культуре, просвещении и науке», էջ 71:

³ «Կյանքի հետ դպրոցի կապն ամրապնդելու և երկրում ժողովրդական կրթության սխտեմի հետագա զարգացման մասին», էջ 20:

Հատ թեղիսների, միջնակարգ կրթությունը բաժանվում էր երկու էտապի: Դրանցից առաջինում՝ ութամյա դպրոցում, որը ստեղծվելու էր գոյություն ունեցող յոթնամյա դպրոցի փոխարեն, ուսուցումը պետք է լիներ պարտադիր, իսկ երկրորդ էտապը՝ միջնակարգ դպրոցն էր և լրիվ միջնակարգ կրթությունը: Նախատեսվում էր գիշերօթիկ դպրոցների հետագա զարգացում:

1958 թվականի դեկտեմբերին ՍՍՀՄ Գերագույն սովետը քննարկեց ՍՄԿԿ Կենտկոմի և ՍՍՀՄ Մինիստրների սովետի թեղիսները՝ կյանքի հետ դպրոցի կապը ամրապնդելու և երկրում ժողովրդական կրթության սխեմայի հետագա զարգացման մասին: Գերագույն սովետն ընդունեց օրենք՝ «Կյանքի հետ դպրոցի կապը ամրապնդելու և երկրում ժողովրդական կրթության սխեմայի հետագա զարգացման» վերաբերյալ: Այդ օրենքը հաստատեց ժողովրդական կրթության զարգացման նոր հիմունքներ և ուղիներ:

1959 թվականի ապրիլին կայացած Հայկական ՍՍՀ Գերագույն սովետի հինգերորդ գումարման առաջին նստաշրջանը հավանություն տվեց «Կյանքի հետ դպրոցի կապի ամրապնդման և Հայկական Սովետական Սոցիալիստական Հանրապետության մեջ ժողովրդական կրթության սխեմայի հետագա զարգացման մասին» օրենքի նախագծին: Հանրապետության մեջ սահմանվեց պարտադիր ութամյա ուսուցում, իսկ լրիվ միջնակարգ դպրոցում ուսման տևողությունը դարձավ 11 տարի: Այսպիսով, ուսուցման առաջին էտապը՝ ոչ լրիվ միջնակարգ կրթությունը, ընդգրկում էր 1-ից 8-րդ դասարանները, իսկ ուսուցման երկրորդ էտապը՝ միջնակարգ դպրոցը՝ 9-ից 11-րդ դասարանները: Նախատեսվում էր, որ երիտասարդության մի մասը, աշխատելով արտադրության մեջ, միջնակարգ կրթություն կստանա բռնակրիտ և դուրեկրիտ դպրոցներում:

ՍՄԿԿ Կենտկոմի և ՍՍՀՄ Մինիստրների սովետի թեղիսների քննարկման և սեփական ժողովրդական կրթության մասին օրենքի ընդունման ժամանակ հանրապետական մամուլում, ժողովներում, ինչպես նաև Հայկական ՍՍՀ Գերագույն սովետի սեփական աշխույժ ելույթներ եղան դպրոցում մայրենի և ռուսերեն լեզուների ուսումնասիրման շուրջը: ՍՄԿԿ Կենտկոմի և ՍՍՀՄ Մինիստրների սովետի թեղիսներում նշվում էր, որ սովետական դպրոցում ուսուցման պրոցեսն իրականացվելու է մայրենի լեզուներով: Դրա հետ միասին, միութենական և ինքնավար հանրապետությունների դպրոցներում ուսուցանվում է նաև ռուսաց լեզու: Լեզուների ուսուցման ուղղությամբ այդ դպրոցներում գոյություն ունի երեխաների մեծ ծանրաբեռնում, քանի որ ազգային դպրոցներում երեխաները սովորում են երեք լեզու՝ մայրենի, ռուսերեն և որևէ օտար լեզու: Թեղիսներում առաջարկվում էր, որ ծնողներին իրավունք տրվի վճռելու, թե ինչ լեզվով դպրոց տալ իրենց երեխաներին: Եթե երեխան սովորելու է այն դպրոցում, որտեղ դասավանդումը տարվում է միութենական կամ ավտոնոմ հանրապետություններից մեկի լեզվով, ապա նա, ըստ ցանկության, կարող է սովորել նաև ռուսաց լեզուն: Եվ, ընդհակառակը, եթե երեխան սովորելու է ռուսական դպրոցում, ապա նա կարող է ըստ ցանկության սովորել միութենական կամ ավտոնոմ հանրապետություններից մեկի լեզուն: Այդ

¹ «Կյանքի հետ դպրոցի կապի ամրապնդելու և երկրում ժողովրդական կրթության սխեմայի հետագա զարգացման մասին», էջ 27—28:

դրույթն իր ադատահայտությունը գտավ նաև Հայկական ՍՍՀ դպրոցական ուս-
ֆորմի նախագծում:

Այսպիսով, հանրապետության ուսական դպրոցներում հայերենի դասու-
վանդումը և հայկական դպրոցներում ուսերենի դասավանդումը համարվում
էր ոչ պարտադիր, դրանց լուծումը թողնվում էր ծնողների կամքին: Այդ դրույ-
թը հանդիպեց լուրջ առարկության:



Դպրոցական շենք Երևանում

Այսուհանդերձ, ՀՍՍՀ Գերագույն սովետի նստաշրջանի ընդունած օրեն-
քում ասված էր. «Այն դպրոցներում, որտեղ ուսուցումը տարվում է հայերեն
կամ այլ լեզուներով, ուսաց լեզու սովորելը, ինչպես նաև այն դպրոցներում,
որտեղ ուսուցումը տարվում է ուսերեն և այլ լեզուներով, հայոց լեզու սո-
վորելը թողնվում է ծնողների հայեցողությանը»¹: Սակայն իրականում, դպրո-
ցական ուսֆորմի իրականացման ընթացքում, ուսերենի դասավանդումը հայ-
կական դպրոցներում և հայերենի դասավանդումը ուսական դպրոցներում
կրում էր պարտադիր բնույթ, այդ առարկաների գծով դրվող դնահատական-
ները թե՛ մեկ և թե՛ մյուս դեպքում դրանցվում էին հաստունության ատեստա-
տում: Ավելին, միջոցառումներ մշակվեցին հայերենի և ուսերենի դասու-
վանդման դրվածքը հանրակրթական դպրոցներում բարելավելու համար:
Դպրոցի մասին օրենքի կենսագործման առաջին իսկ տարիներին երևան եկան
այդ ուսֆորմի թե՛ առավելությունները և թե՛ թերությունները: Կյանքը ճշտում-

¹ «Սովետական Հայաստան», 1959, № 93:

ներ մտցրեց ռեֆորմի մեջ, մի կողմ նետելով այն, ինչը դուրս եկավ ոչ ճիշտ, չդիմացավ ժամանակի և կյանքի փորձությունը:

Անկասկած, պետք է միանգամայն ճիշտ համարել այն մեծ ուշադրությունը, որ դարձվեց միջնակարգ մասնագիտական կրթությանը: Նթև օրենքի ընդունման տարում հանրապետությունում գործում էր 37 տեխնիկում՝ 14 հազար սովորողներով, ապա 1965 թվականին տեխնիկումների թիվը հասավ 42-ի, իսկ սովորողների թիվը աճեց մեկ և կես անգամ, հասնելով 23,1 հազարի:

Հայն դարդացում ստացավ երեկոյան ուսուցումը միջնակարգ մասնագիտական հաստատություններում: Գրեթե բոլոր տեխնիկումներում կազմակերպվեցին երեկոյան բաժիններ: 1965 թվականին տեխնիկումների ցերեկային բաժանմունքներում սովորում էր 11,9 հազար, իսկ երեկոյան բաժիններում՝ 11,2 հազար ուսանող: Մեծ ուշադրություն էր դարձվում մասնագետների պատրաստմանը այն մասնագիտությունների գծով, որոնք համապատասխանում էին հանրապետության արդյունաբերության նոր ուղղություններին, ինչպիսիք են՝ հաշվիչ մեքենաների արտադրությունը, էլեկտրոնիկան ու ռադիոտեխնիկան, կապի միջոցները, սարքաշինությունը և այլն:

Դպրոցի մասին նոր օրենքի ընդունումից հետո Հայաստանում շարունակվեց լաշխատանքը պոլիտեխնիկական կրթության զարգացման ուղղությամբ: Միջոցառումներ ձեռնարկվեցին արտադրական արհեստանոցները նոր սարքավորումներով հագեցնելու, դրանք որակյալ մասնագետներով ապահովելու համար: Այս բոլորի հետ միասին, այդ ընդամենում դեռևս կային էական թերություններ: Այսպես, Հայաստանում որոշ տարածում էին գտել դպրոցների պրոֆիլացման պրակտիկան և մասնագետների պատրաստումը զանազան նեղ մասնագիտությունների գծով, մի բան, որը փաստորեն հանգեցնում էր պրոֆեսիոնալ տեխնիկական կրթության սխտեմի կրկնությունը, այն նույն «արհեստի» ուսուցմանը, որի դեմ իր ժամանակին հանդես էր եկել Ն. Կ. Կրուպսկայան: Փորձը ցույց էր տվել, որ այն մասնագիտությունները, որոնք ընտրվում էին այս կամ այն դպրոցի կողմից, հաճախ կրում էին պատահական բնույթ: Դպրոցն ավարտելուց հետո շրջանավարտները, աննշան բացառությամբ, չէին լաշխատում դպրոցում ձեռք բերած մասնագիտությամբ:

Տակավի՛ն սովետական դպրոցական շինարարության արշալույսին, Վ. Ի. Լենինը հանդես էր գալիս վաղաժամ մասնագիտացման և պրոֆեսիոնալացման դեմ, պոլիտեխնիկացումը մոնոտեխնիկացումով փոխարինելու դեմ: Պոլիտեխնիկական կրթության մասին Ն. Կ. Կրուպսկայայի թեզիսների առթիվ արած իր դիտողություններում Վ. Ի. Լենինը խորհուրդ էր տալիս խուսափել վաղաժամ մասնագիտացումից, իսկ արհեստակցական-տեխնիկական զբոսը պետք էր ընդլայնել և ուժեղացնել հանրակրթական առարկաների դասավանդումը:

1963—64 ուսումնական տարում վերացվեց դպրոցների մասնագիտացումը, 1964—65 ուսումնական տարում միջոցներ ձեռնարկվեցին դպրոցական կրթությունը երկու շրջանի տեղափոխելու ուղղությամբ. առաջին շրջան՝ ոչլրիվ միջնակարգ դպրոց՝ յոթ դասարանի ծավալով և լրիվ միջնակարգ դպրոց՝ 10 դասարանի ծավալով: 1966—67 ուսումնական տարվանից դպրոցներում

մտցվեցին քննություններ՝ ոչ-լրիվ միջնակարգ դպրոցն ավարտողների համար՝ 7-րդ դասարանում և լրիվ միջնակարգ դպրոցն ավարտողների համար՝ հասունության ատեստատի քննություններ 10-րդ դասարանում:

Ուշագրություն արժանի է հանրապետության այն դպրոցների փորձը, ուր բարձր դասարաններին տրվում է լայն պրոֆիլի մասնագիտական թեքում: Այսպես, Երևանի և Հայաստանի այլ քաղաքների մի շարք դպրոցների բարձր դասարաններում ուսուցումը տարվում է մաթեմատիկայի կամ ֆիզիկայի թեքումով:

Մանկավարժական միտքը շարունակում է իր որոնումները, ձգտելով հասնել դպրոցական ուսուցման առավել կատարելագործված ձևերի:

Մոսկվայի և Նովոսիբիրսկի օրինակով 1960-ական թվականների սկզբին Երևանի գիշերօթիկ դպրոցներից մեկին տրվեց մաթեմատիկական թեքում: Դպրոցը կապված է Երևանի պետական համալսարանի ֆիզիկա-մաթեմատիկական ֆակուլտետի հետ:

Տարեցտարի հանրապետությունում աճում էին մանկավարժական կադրերը: 1958—59 ուսումնական տարում Սովետական Հայաստանի դպրոցներում աշխատում էր 19.950 ուսուցիչ, 1960—61 ուսումնական տարում՝ 21.257, 1963—64 ուսումնական տարում՝ 24.806 ուսուցիչ: 1966 թվականին ուսուցիչների թիվը Հայաստանում հասավ 26 հազարի: Քանակական աճին զուգընթաց, դնալով բարձրանում էր մանկավարժական կադրերի որակավորումը: Սովետական Հայաստանում աշխատող ուսուցիչների 60 տոկոսից ավելին ուներ բարձրագույն և թերի բարձրագույն կրթություն: Մանկավարժական բարձրորակ կադրեր էին պատրաստում Երևանի պետական համալսարանը, Խ. Աբովյանի անվան հայկական մանկավարժական, Վ. Բրյուսովի անվան ռուսաց և օտար լեզուների, Լենինականի մանկավարժական և հայկական հեռակա մանկավարժական ինստիտուտները:

Իրենց մանկավարժական լավագույն աշխատանքով աչքի ընկան Երևանի Ն. Կ. Կրուպսկայայի անվան դպրոցի դիրեկտոր Մ. Հայկազունին, Կամո քաղաքի միջնակարգ դպրոցի ուսուցիչ Ա. Դ. Ղազանչյանը, Ալավերդու շրջանի Թումանյանի ավանի միջնակարգ դպրոցի ուսուցիչ Մ. Ա. Թումանյանը, Կալինինոյի շրջանի Պրիվոլնոյե գյուղի դպրոցի ուսուցիչ Ն. Լ. Գոլուբյատնիկովը, Հոկտեմբերյան քաղաքի դպրոցի ուսուցչուհի Ա. Ե. Մկրտչյանը, Մարտունու շրջանի Ներքին Գետաշեն գյուղի ուսուցիչ Դ. Ա. Նահապետյանը և շատ ու շատ ուրիշներ:

Հանրապետության ուսուցչության կյանքում մեծ իրադարձություն էր Հայաստանի ուսուցիչների 1960 թվականին կայացած համագումարը: Համագումարը քննարկեց դպրոցի վերակառուցման առաջին տարվա արդյունքները, երիտասարդ սերնդի դաստիարակության գործում Հայաստանի կոմերիտմիության մասնակցության հարցը: Համագումարին հղած ողջույնի մեջ Հայաստանի կոմունիստական կուսակցության Կենտկոմն ու Հայկական ՍՍՀ Մինիստրների սովետը նշեցին հանրապետության ուսուցիչների մեծ ու անձնվեր աշխատանքը: Համագումարի մասնակիցները կոչ ուղղեցին բոլոր ուսուցիչներին, ժողովրդական լուսավորության աշխատողներին, ծնողներին և հանրապետության հասարակությանը՝ իրենց ուժերը տրամադրել դպրոցական կրթության բարե-

լավման, երիտասարդ սերնդի կոմունիստական դաստիարակության գործին: Կոմունիստական կուսակցությունն ու սովետական կառավարությունը բարձր գնահատեցին Հայաստանի ուսուցչության աշխատանքը: Մատաղ սերունդի ուսուցման ու դաստիարակման ասպարեզում բազմամյա բեղմնավոր աշխատանքի համար հանրապետության մի խումբ ուսուցիչներ 1960 թվականին պարգևատրվեցին ՍՍՀՄ շքանշաններով ու մեդալներով: Լենինի շքանշանի արժանացան Թ. Ս. Աղաջանյանը (Ղափանի դպրոցի ուսուցչուհի), Բ. Ա. Բաղդասարյանը (Երևանի Ա. Ս. Պուշկինի անվան դպրոցի դիրեկտոր), Հր. Ս. Բոյաջյանը (Երևանի Ֆ. Ջերժինսկու անվան միջնակարգ դպրոցի դիրեկտոր), Մ. Ս. Զոփուռյանը (Ալավերդու շրջանի Ուղտնլար գյուղի դպրոցի ուսուցչուհի), Բ. Ա. Սիրիկյանը (Սևանի շրջանի Լճառն գյուղի դպրոցի ուսուցիչ), Ա. Ն. Ոսկանյանը (Ապարանի դպրոցի ուսուցչուհի), հանրապետության ժողովրդական լուսավորության հնագույն գործիչ, Երևանի պետական համալսարանի դոցենտ Ս. Ն. Շահվերդյան և ուրիշներ, թվով 34 մարդ: «Աշխատանքային կարմիր դրոշմ» շքանշանով պարգևատրվեցին 68, «Պատվո նշան» շքանշանով՝ 106 և «Աշխատանքային արիության համար» մեդալով՝ 267 ուսուցիչ: 1969 թվականին Երևանի Մանուկ Աբեղյանի անվան դպրոցի ուսուցիչ Ս. Ա. Դադրաշյանը արժանացավ Սոցիալիստական աշխատանքի հերոսի բարձր կոչման: Հանրապետության ավելի քան 900 մանկավարժներ կրում են Հայկական ՍՍՀ վաստակավոր ուսուցչի պատվավոր կոչում: Մանկավարժական կադրերի աշխատանքը խթանելու գործում մեծ նշանակություն ունեցավ կառավարության որոշումը ուսուցիչների աշխատավարձը բարձրացնելու վերաբերյալ:

Ընդհանուր պարտադիր միջնակարգ ուսուցման մասին ՍՄԿԿ XXIII համագումարի որոշումը կարևոր խնդիր դրեց նաև Սովետական Հայաստանի ժողովրդական կրթության աշխատողների առջև: Ընդհանուր պարտադիր միջնակարգ կրթությանն անցնելուց զատ՝ անհրաժեշտ էր բուն կրթության բովանդակությունը համապատասխանեցնել ժամանակակից գիտության, տեխնիկայի ու կուլտուրայի զարգացման պահանջներին: Դա ինքնըստինքյան խնդիր էր դնում՝ նշանակալից փոփոխություններ կատարել գոյություն ունեցող ուսումնական ծրագրերում և պլաններում: Սովետական մանկավարժական գիտության շատ ներկայացուցիչներ բազմիցս արտահայտվել են հօգուտ աշակերտների ծանրաբեռնվածության թեթևացման: Հայտնի է նաև, որ ժամանակակից գիտական ու տեխնիկական առաջընթացի բազմաթիվ հարցեր դպրոցական դասագրքերից դուրս են մտնում: 1966—67 ուսումնական տարվանից աշխատանք ծավալվեց տիպային ուսումնական պլանի նախագծի վերանայման ուղղությամբ: Միաժամանակ պետք է ավարտվեին ուսումնական ծրագրերի կատարելագործման աշխատանքները: Ուսումնական նոր ծրագրերն ու պլանները կոչված են ապահովելու դպրոցում դասավանդվող բոլոր առարկաների գիտական-տեսական բարձր մակարդակը, օժանդակելու աշակերտության մտավոր զարգացմանը: 1966—67 ուսումնական տարվանից երկրի մի շարք դպրոցներում մտցվեցին ֆակուլտատիվ դասընթացներ, որոնց նպատակն է՝ աշակերտությանը ավելի խոր գիտելիքներ հաղորդել բնական ու հասարակական գիտություններից, սովորողների մեջ զարգացնել այս կամ այն ունակություն-

նոր Դա հնարավորություն տվեց պարզելու յուրաքանչյուր աշակերտի նախասիրությունն ու հակումները, նրանց օգնեց ընտրելու ապագա մասնագիտությունը: ՍՍՀՄ լուսավորության մինիստրության որոշմամբ աշխատանքներ էին տարվում միջնակարգ դպրոցի կանոնադրության մշակման ուղղությամբ: Այդ միջոցառումները կոչված էին բարձրացնելու ուսումնա-դաստիարակչական դործի մակարդակը և աջակցելու մատաղ սերնդի աշխատանքային գործունեության նախադրամասումանը:



Շախմատի գծով 1963—1969 թթ. աշխատքի շեմպիոն
Տ. Վ. Պետրոսյան

Սովետահայ դպրոցը, հենվելով ձեռք բերած հաջողությունների վրա, թևակոխել է դարգացման նոր ժամանակաշրջան. «Կոմունիզմին անցնելը ենթադրում է դաստիարակել ու պատրաստել կոմունիստորեն դիտակից և բարձր կրթված մարդիկ, որոնք ընդունակ են ինչպես ֆիզիկական, այնպես էլ մտավոր աշխատանքի, ակտիվ գործունեության՝ հասարակական և պետական կյանքի բոլոր բնագավառներում, գիտության և կուլտուրայի բնագավառում»¹:

Ծաղկապսակալի շրջանում իրականացված մի շարք միջոցառումների շնորհիվ որոշակիորեն բարձրացավ ժողովրդի նյութական բարեկեցությունը. կրճատվեց աշխատանքային շաբաթը, լայն հնարավորություններ ստեղծվեցին ամենի բովանդակալից օգտագործելու քաղաքի և գյուղի աշխատավորների-

¹ «Սովետական Միության կոմունիստական պարտիայի ծրագիրը», էջ 147—148:

րի ազատ ժամանակն ու Հանգիստը Այս բոլորի հետևանքով գյուղում մեծ վերելք ասլրեց նաև ֆիզիկական կուլտուրան, ստեղծվեց մարզային ընկերությունների լայն ցանց: 1965 թվականին Հայաստանում գործում էին ավելի քան 20 մարզադաշտ, մոտ 3000 մարզային տարբեր հրապարակ:

Սովետական Հայաստանի մարզիկները զգալի հաջողություններ ձեռք բերեցին ֆիզիկական կուլտուրայի տարբեր բնագավառներում: 1953 թվականից սկսած Երևանի «Արարատ» ֆուտբոլային խումբը մասնակցում է ՍՍՀՄ ֆուտբոլի գծով առաջնությանը, հանգիստումներ ունենում արտասահմանյան ֆուտբոլային խմբերի հետ (Իրան, Լիբանան, Սիրիա, Ֆրանսիա և այլն): Հայ լավագույն մարզիկները մասնակցեցին օլիմպիական խաղերին՝ 1952 թվականին (Հելսինկի), 1956 թվականին (Մելբուրն), 1960 թվականին (Հռոմ), 1964 թվականին (Տոկիո), 1968 թվականին (Մեխիկո), բարձր պահելով սովետական սպորտի դրոշմը: Աշխարհով մեկ հայտնի են աշխարհի և օլիմպիական խաղերի չեմպիոններ Հրանտ Շահինյանի և Ալբերտ Ազարյանի (մարմնամարզություն), Վլադիմիր Ենգիբարյանի (բռնցքամարտ), Իգոր Նովիկովի (ժամանակակից հնգամարտ) անունները: Հայկական շախմատային դպրոցի սան, Հայաստանի նախկին չեմպիոն Տիգրան Պետրոսյանը 1959 թվականին նվաճեց ՍՍՀՄ շախմատի չեմպիոնի կոչումը, իսկ 1963 թվականին՝ հաղթելով Միխայիլ Բոտվիննիկին, դարձավ աշխարհի չեմպիոն: 1966 թվականին գրոսմայստեր Տիգրան Պետրոսյանը պահպանեց շախմատի գծով աշխարհի չեմպիոնի բարձր կոչումը՝ հաղթելով Բ. Սպասկուն: Տիգրան Պետրոսյանը վեց տարի անընդմեջ հանդիսանում էր աշխարհի չեմպիոնը:



Սովետական Հայաստանի տնտեսության արագ զարգացումը և արդյունաբերական նոր ճյուղերի ստեղծումը մեծապես խթանեցին բարձրագույն կրթության սիստեմի հետագա զարգացմանն ու կատարելագործմանը: Ժողովրդական տնտեսության համար բարձրորակ մասնագիտական կադրերի պատրաստումը կարևոր պետական խնդիր է, որի հաջող լուծումով զգալիորեն պայմանավորված են տնտեսական զարգացման տեմպերն ու մակարդակը: Բարձրագույն կրթության սիստեմի զարգացման խնդիրները մշտապես գտնվում են կուռակցության և կառավարության ուշադրության կենտրոնում:

Ետպատերազմյան տարիներին բարձրագույն կրթության զարգացումը Սովետական Հայաստանում աչքի էր ընկնում ուսանողության քանակական աճով և երեկոյան ու հեռակա բարձրագույն ուսուցման սիստեմի ընդլայնմամբ, ինչպես և նոր մասնագիտությունների ավելացմամբ: Փոփոխություններ կատարվեցին նաև ուսումնական աշխատանքի դրվածքում:

Հայրենական մեծ պատերազմի ավարտից հետո ընդլայնվեցին բարձրագույն ուսումնական հաստատություններում կատարվող ընդունելությունները: Անհրաժեշտ էր բարձրագույն կրթություն ստանալու հնարավորություն տալ նրանց, ովքեր պատերազմի ընթացքում զրկվել էին դրանից: Նախկին ճակատայինների համար կառավարությունը սահմանեց արտոնություններ: Հանրապետության բարձրագույն ուսումնական հաստատություններում ուսա-

նույնների թիվը սկսեց անընդհատ աճել: 1950—51 ուսումնական տարում Սովետական Հայաստանի 15 բարձրագույն ուսումնական հաստատություններում սովորում էր 15 հազար ուսանող: Հաջորդ տարիներին կատարվեց մի շարք բարձրագույն ուսումնական հաստատությունների խոշորացում, իսկ ուսանողության թիվը գնալով աճում էր: Այսպես, 1953—54 ուսումնական տարում Հայաստանում գործում էր 13 բարձրագույն ուսումնական հաստատություն՝ 17,8 հազար ուսանողներով, 1955—56 ուսումնական տարում՝ 12 բարձրագույն ուսումնական հաստատություն՝ 19,4 հազար ուսանողներով, 1957—58 ուսումնական տարում՝ 11 բուհ, 20,3 հազար ուսանողներով:

Մեծ ուշադրություն էր դարձվում բարձրագույն ուսումնական հաստատությունների ուսումնական բազայի ընդլայնմանը: 1950-ական թվականներին ծավալվեց Երևանի պոլիտեխնիկական ինստիտուտի նոր ուսումնական շենքերի շինարարությունը, ավարտվեց Երևանի գյուղատնտեսական ինստիտուտի ուսումնական շենքերի կառուցումը: Ուսումնական շենքերի շինարարությունն ավելի մեծ ծավալ ընդունեց 1960-ական թվականներին: Շահագործման հանձնըվեց Երևանի պետական համալսարանի նոր շենքը, ավարտվեց պոլիտեխնիկական ինստիտուտի և Հայկական մանկավարժական ինստիտուտի նոր շենքերի շինարարությունը: Նույն տարիներին Երևանի նորաստեղծ շրջաններում բարձրացան ուսանողական հանրակացարանների բազմահարկ շենքեր:

Պատերազմից անմիջապես հետո Հայաստանի բարձրագույն ուսումնական հաստատություններում ստեղծվեցին նոր ֆակուլտետներ ու բաժիններ: 1945 թվականին առաջին ուսանողներն ընդունեց Երևանի պետական համալսարանի երկրաբանական ֆակուլտետը: Հետագա երկու տասնամյակների ընթացքում այդ ֆակուլտետի շրջանավարտները կազմեցին Հայաստանի երկրաբան կադրերի կորիզը: 1949 թվականին երկրաբանական ֆակուլտետ կազմակերպվեց նաև Երևանի պոլիտեխնիկական ինստիտուտում: 1950—60-ական թվականներին կազմակերպվեց կադրերի պատրաստում՝ ավելի քան 50 նոր մասնագիտությունների՝ այդ թվում աստղագիտության, հաշվիչ մեքենաների, էլեկտրոնիկայի, սիլիկատային քիմիայի, ֆիզիկայի, ռադիոտեխնիկայի, սարքաշինության, ավտոմատիկայի, պոլիմերների տեխնոլոգիայի, արհեստական մետաքսաթելի, միջազգային հարաբերությունների պատմության, կիրառական մետաքսաթելի, արդյունաբերության էկոնոմիկայի, սննդարդյունաբերության տեխնոլոգիայի, մանկաբուժության, ատամնաբուժության գծով և այլն:

Նշված ժամանակաշրջանում Հայաստանում բարձրագույն կրթության դարգացման մյուս աչքի ընկնող գիծը կրթության աշխարհագրական տեղաբաշխման որոշ ընդլայնումն էր: 1959 թվականին կենտրոնացած էր Կիրովականում՝ ստեղծվեցին Երևանի պոլիտեխնիկական ինստիտուտի ֆիլիալներ, որոնք կադրեր են պատրաստում մեքենաշինության, արդյունաբերական ու քաղաքացիական շինարարության և այլ մասնագիտությունների գծով: Պոլիտեխնիկական ինստիտուտի կենտրոնական և Կիրովականի ֆիլիալների ստեղծումը կարևոր իրադարձություն էր հանրապետության կուլտուրական կյան-

¹ Տե՛ս «Культурное строительство Армянской ССР», էջ 63:

քում և զգալի չափով նպաստեց այդ քաղաքների ընդհանուր կուլտուրական մակարդակի բարձրացմանը:

Հանրապետության բարձրագույն կրթության սխառնում լուրջ փոփոխություններ տեղի ունեցան «Կյանքի հետ զպրոցի կապի ամրապնդման և Հայկական ՍՍՀ-ում ժողովրդական կրթության սխառնմի հետագա զարգացման մասին» (1959) օրենքի ընդունումից հետո: Այդ օրենքով բարձրագույն դրպրոցի խնդիրն էր համարվում՝ «բարձրորակ մասնագետների պատրաստումը, որոնք դաստիարակված լինեն մարքս-լենինյան ուսմունքի հիման վրա, տիրապետեն հայրենական գիտության ու տեխնիկայի նորագույն նվաճումներին, լավ գիտենան գործի պրակտիկան»¹: Օրենքը սահմանեց բուհերի ընդունելության նոր կանոններ, որոնք արտոնություն են տալիս աշխատանքի ստաժ ունեցողներին:

Նշանակալից քայլեր կատարվեցին բարձրագույն ուսումնական հաստատություններում գիտահետազոտական աշխատանքների կազմակերպման ու ծավալման ուղղությամբ: Այսպես, 1960-ական թվականներին Երևանի պետական համալսարանում կազմակերպվեց 3 պրոբլեմային և 7 գիտահետազոտական լաբորատորիա: Ստեղծվեց Հայկական ՍՍՀ գիտությունների ակադեմիայի և Երևանի պետական համալսարանի միացյալ հաշվողական կենտրոնը, ուր մեխանիկա-մաթեմատիկական ֆակուլտետի ուսանողները անցնում են հատուկ պրակտիկա և կատարում իրենց դիպլոմային աշխատանքները: Համալսարանի գիտնականները նշանակալից հաջողությունների հասան մաթեմատիկայի, առաձգականության և պլաստիկության տեսության, փորձնական ֆիզիկայի, կենսաբանության, քիմիական թերմոդինամիկայի և գիտական այլ պրոբլեմների մշակման մեջ: Մի շարք պրոբլեմային լաբորատորիաներ կազմակերպվեցին նաև Երևանի պոլիտեխնիկական ինստիտուտում: Դրանցից շատերը կատարում են այնպիսի աշխատանքներ, որոնք անմիջականորեն առնչվում են հանրապետության արդյունաբերության զարգացման խնդիրներին: Գիտահետազոտական աշխատանքները նշանակալից չափով ընդլայնվեցին Երևանի գյուղատնտեսական և անասնաբուժական-անասնաբուժական ինստիտուտներում: Այդ ինստիտուտներում մշակվող գիտական պրոբլեմները ենթարկված են հանրապետության գյուղատնտեսության զարգացման խնդիրներին:

Մեծ աշխատանք կատարվեց Հայաստանի բարձրագույն ուսումնական հաստատությունները պրոֆեսորա-դասախոսական բարձրորակ կազրերով համալրելու ուղղությամբ: 1967 թվականին հանրապետության բարձրագույն ուսումնական հաստատություններում դասախոսում էր 2865 մարդ, այդ թվում՝ գիտության 190 դոկտոր ու պրոֆեսոր, 1120 գիտության թեկնածու: Բարձրագույն ուսումնական հաստատությունների մեծամասնությունն ունի ասպիրանտուրա: Ասպիրանտների մի մասը գիտական պատրաստություն է ստանում երկրի առաջատար գիտական կենտրոններում՝ Մոսկվայում, Լենինգրադում, Նովոսիբիրսկում և այլուր: Սովետական իշխանության տարիներին հանրապետության բարձրագույն ուսումնական հաստատությունները երկրին

¹ «Սովետական Հայաստան», 1959, № 93:

տվել են 68 հազար մասնագետ-շրջանավարտներ: 1960-ական թվականներին սովետաճայ մտավորականության ճնշող մեծամասնությունը նրանք էին, ովքեր մասնագիտություն էին ստացել սովետական իշխանության օրոք:

Դպրոցի մասին նոր օրենքի ընդունումից հետո անցած տարիները ցույց տվեցին, որ բարձրագույն որակավորում ունեցող կադրերի պատրաստման հիմնական ձևը, այնուամենայնիվ, պետք է հանդիսանա բարձրագույն ուսումնական հաստատությունների ցերեկային ստացիոնար ցանցը:

Ուսումնական լայն բազայի շինարարության, նոր ամբիոնների կազմակերպման և ինստիտուտներում գիտահետազոտական սեկտորների ստեղծման շնորհիվ հանրապետության բարձրագույն ուսումնական հաստատությունները աճեցին և ընդհանուր ճանաչում գտան ամբողջ Սովետական Միության մեջ: 1967 թվականի սեպտեմբերին Սովետական Հայաստանի բարձրագույն ուսումնական հաստատություններում սովորում էր 44 հազար մարդ, որոնք կրթություն էին ստանում 134 մասնագիտությունների գծով: Սովետական Հայաստանի բարձրագույն դպրոցները հաջողությամբ են կատարում բարձրորակ մասնագետների՝ կոմունիստական հասարակության առաջավոր կառուցողների, պատրաստման իրենց խնդիրը:

2. ԳԻՏՈՒԹՅԱՆ ԶԱՐԳԱՑՈՒՄԸ

1950—1960-ական թվականները Սովետական Հայաստանի համար գիտական մտքի բուռն զարգացման ժամանակաշրջան էին: Կոմունիստական կուսակցության և սովետական կառավարության հոգատարության շնորհիվ այդ տարիներին հանրապետության մեջ ստեղծվեցին մի շարք գիտահետազոտական կազմակերպություններ, որոնք ի վիճակի էին լուծելու տեսական ու կիրառական նշանակություն ունեցող կարևոր խնդիրներ: Հայաստանում գիտական հետազոտությունների և առհասարակ գիտական աշխատանքների ընդլայնումը չի սահմանափակվում միայն հանրապետության ժողովրդական տնտեսության զարգացման պահանջներով:

Հայտնի է, որ 1950-ական թվականներին սովետական երկիրը թեև կոխեց գիտատեխնիկական հեղաշրջման նոր ժամանակաշրջան: Այդ հանգամանքն իր կնիքը դրեց նաև Հայաստանում գիտության զարգացման վրա: Ինչպես սովետական ամբողջ գիտության, այնպես էլ սովետաճայ գիտության համար բնորոշ էր գիտության տարբեր բնագավառների ավելի ու ավելի ճյուղավորումը: Մաթեմատիկայից, քիմիայից, ֆիզիկայից, կենսաբանությունից և մյուս գիտություններից սկսեցին ճյուղաղատվել նոր ուղղություններ, որոնք արագորեն ձևավորվում էին որպես գիտական ինքնուրույն բնագավառներ: Հետազոտություններ էին ծավալվում գիտությունների ընդհանուր կապակցություններում:

Լուրջ տեղաշարժեր կատարվեցին նաև տեխնիկայի բնագավառում, որտեղ սկսեցին առաջատար դեր խաղալ ավտոմատիկան ու կիբեռնետիկան:

Գիտական աշխատանքի ծավալումը և նոր ուղղությունների առաջացումը թեև դրեց գիտական կադրերի արագ աճի, նրանց որակավորման բարձրացման անխուսափելի պահանջ: Դա առավել ընդգծված կարելի է տեսնել հան-

րապետության գիտությունների ակադեմիայի օրինակով, նթև իր հիմնադրման տարում գիտությունների ակադեմիան ուներ ընդամենը 410 աշխատող, որոնցից գիտական աշխատողներ էին միայն 150-ը, ապա 1953 թվականին ակադեմիայի գիտահետազոտական հիմնարկներում աշխատում էր 1350 մարդ, այդ թվում 500 գիտական աշխատողներ: 1963 թվականին ակադեմիայի հիմնարկներում աշխատում էր 3021 մարդ, այդ թվում ավելի քան 950 գիտական աշխատողներ, 1967 թվականին՝ 4100 մարդ, որոնցից 1330-ը գիտական աշխատող, այդ թվում՝ 84-ը գիտությունների դոկտոր, 524-ը՝ թեկնածու:

Ընդլայնվեց գիտահետազոտական հիմնարկների ցանցը: 1958 թվականին Հայաստանում գործում էր 69 գիտահետազոտական հիմնարկ, 1961 թվականին՝ 84, 1963 թվականին՝ 103, իսկ 1967 թվականին՝ 112: 1967 թվականին այդ հիմնարկներում ընդգրկված աշխատողների ընդհանուր թիվը անցնում էր 20 հազարից, որից ավելի քան 8 հազարը գիտական աշխատողներ էին:

1950—1960-ական թվականներին Հայաստանում գիտության զարգացման բնորոշ գիծն այն էր, որ գիտական հետազոտությունների արդյունքներն ստացել էին մեծ նշանակություն և լայն ճանաչում գտել մեր երկրի սահմաններից դուրս: Առաջատար ուղղություններ էին դարձել ֆիզիկա-մաթեմատիկական, քիմիական և տեխնիկական գիտությունները, ինչպես նաև հայագիտությունը:

Նտպատերազմյան տարիներին Հայկական ՍՍՀ գիտությունների ակադեմիան դարձավ Հայաստանի գիտական մտքի իսկական շտաբը և երկրի գիտական առաջատար կենտրոններից մեկը: 1947 թվականին Հայկական ՍՍՀ գիտությունների ակադեմիայի ընդհանուր ժողովը հարգեց ակադեմիկոս Հովսեփ Օրբելու խնդրանքը՝ կենդանի էրմիտաժի ղեկավարությունը ստանձնելու կապակցությամբ իրեն հանրապետության գիտությունների ակադեմիայի պրեզիդենտի պաշտոնից ազատելու վերաբերյալ: 1944 թվականին, վերադառնալով կենդանի, Ն. Ս. Օրբելին ղեկավարում էր էրմիտաժի վերականգնման աշխատանքները: Ընդհանուր ժողովը ընդհակառակը հայտնեց Ն. Օրբելուն, ընդգծելով նրա ներդրած մեծ ավանդը հանրապետության գիտությունների ակադեմիայի հիմնադրման ու զարգացման գործում: Ընդհանուր ժողովը Հայկական ՍՍՀ գիտությունների ակադեմիայի պրեզիդենտ ընտրեց ականավոր գիտնական ակադեմիկոս Վիկտոր Համազասպի Համբարձումյանին:

Նտպատերազմյան տարիներին Հայկական ՍՍՀ գիտությունների ակադեմիան համալրվեց նոր իսկական անդամներով ու թղթակից-անդամներով: 1945 թվականին առաջին անգամ անցկացվեցին Հայկական ՍՍՀ գիտությունների ակադեմիայի թղթակից-անդամների ընտրություններ: Ընտրվեցին հնագետ Բ. Բ. Պիոտրովսկին, որը գլխավորում էր Կարմիր բլուրի պեղումների գիտական արշավախումբը, անվանի բուսաբաններ Ա. Լ. Թախթաջյանը և Մ. Կ. Զալլախյանը: 1947 թվականին Հայկական ՍՍՀ գիտությունների ակադեմիայի ակադեմիկոսներ ընտրվեցին մաթեմատիկոս Ա. Լ. Շահինյանը, ֆիզիոլոգ է. Ա. Հասրաթյանը, պատմաբան Ա. Ռ. Հովհաննիսյանը: 50-ական թվականներին ակադեմիկոսներ ընտրվեցին Ն. Խ. Հարությունյանը (մեխանիկա), Գ. Ա. Դավթյանը (ագրոքիմիա), Մ. Գ. Ներսիսյանը (պատմություն), Ա. Գ. Իոս.

սիֆյանը (էլեկտրատեխնիկա), Ա. Լ. Մնշոյանը (քիմիա), Մ. Մ. Զրբաշյանը (մաթեմատիկա), Գ. Խ. Աղաջանյանը (ագրոտեխնիկա), Ա. Բ. Կարինյանը (գրականագիտություն), Մ. Վ. Կասյանը (մեքենաշինություն), Ս. Ն. Մերգելյանը (մաթեմատիկա), Ս. Ս. Մկրտչյանը (երկրաբանություն) և ուրիշներ: 1960-ական թվականներին ակադեմիկոսներ ընտրվեցին Ա. Ս. Ղարիբյանը (լեզվաբանություն), Ա. Գ. Հովհաննիսյանը (պատմություն), Ա. Գ. Նազարովը (շի-



Սոցիալիստական աշխատանքի հերոս, ՀՍՄՀ Գիտությունների
ակադեմիայի պրեզիդենտ Վ. Հ. Համբարձումյան

նարարական մեխանիկա), Ս. Տ. Երեմյանը (պատմություն), Մ. Գ. Մանվելյանը (անօրգանական քիմիա), Ա. Բ. Նալբանդյանը (քիմիական ֆիզիկա), Ս. Ա. Համբարձումյանը (մեխանիկա), Կ. Ա. Մելիք-Օհանջանյանը (գրականագիտություն) և ուրիշներ: Ակադեմիկոսներ ընտրվեցին ականավոր գեղանկարիչ, ՍՍՀՄ ժողովրդական նկարիչ Մարտիրոս Սարյանը, մեր ժամանակի ականավոր կոմպոզիտոր, ՍՍՀՄ ժողովրդական արտիստ Արամ Խաչատրյանը, գրող Ստեփան Զորյանը: Գիտնականների մի մեծ խումբ ընտրվեց Հայաստանի գիտությունների ակադեմիայի թղթակից-անդամ:

Մինչև 1961 թվականը Հայկական ՍՍՀ գիտությունների ակադեմիայի սիստեմի մեջ մտնում էին ֆիզիկա-մաթեմատիկական, տեխնիկական, կենսաբանական, բժշկական, քիմիական և հումանիտար ուղղության գիտահետազոտական հիմնարկները:

1961 թվականի ապրիլ ամսին ՍՄԿԿ Կենտրոնական կոմիտեն և ՍՍՀՄ Մինիստրների սովետը որոշում ընդունեցին երկրում գիտահետազոտական աշխատանքների կոորդինացման և ՍՍՀՄ գիտությունների ակադեմիայի գործունեության բարելավման մասին: Այդ որոշման համաձայն անհրաժեշտ համարվեց ՍՍՀՄ գիտությունների ակադեմիայի գործունեությունը կենտրոնացնել գիտության առավել հեռանկարային և արագ զարգացող ուղղությունների վրա, որոնք ամենից շատ են նպաստում երկրի ժողովրդական տնտեսություն և մշակույթի զարգացման: Որոշման մեջ նշված էր, որ գիտությունների ակադեմիան պետք է ապահովի բնական և հասարակական գիտությունների զեռով գիտական ու մեթոդական ղեկավարությունը և հետազոտական աշխատանքների ժամանակին ու բարձրորակ կատարումը: Միութենական հանրապետությունների, այդ թվում Հայաստանի գիտությունների ակադեմիայում, կատարվեց վերակառուցում, որի հետևանքով տեխնիկական ու բժշկական ուղղության մի շարք գիտահետազոտական հիմնարկներ ակադեմիայի սիստեմից դուրս բերվեցին և հանձնվեցին ղառադան գերատեսչություններին: Հայաստանում համապատասխան գերատեսչություններին հանձնված հիմնարկների թվում էին ֆիզիկայի, ջրային պրոբլեմների, էներգետիկայի, ռենտգենոլոգիայի և ուռուցքաբանության, սրտաբանության և այլ ինստիտուտներ: Դրանից առաջ գիտությունների ակադեմիայի սիստեմից դուրս էին բերվել գյուղատնտեսական գիտահետազոտական հիմնարկները՝ գրենկոործության և խաղողագործության, պտղաբուծության, բույսերի զեննետիկայի ու սելեկցիայի և այլ ինստիտուտներ, որոնք հանձնվել էին Հայկական ՍՍՀ գյուղատնտեսության մինիստրությանը:


1961 թվականին կատարված վերակառուցումից հետո Հայկական ՍՍՀ գիտությունների ակադեմիայի սիստեմում մնացել էին հետևյալ բաժանմունքները՝ ֆիզիկա-մաթեմատիկական և տեխնիկական գիտությունների, քիմիական գիտությունների, կենսաբանական գիտությունների, հասարակագիտական և երկրի մասին գիտության բաժանմունքները: 1960-ական թվականներից Հայկական ՍՍՀ գիտությունների ակադեմիայի սիստեմում որոշ աշխատանքներ սկսվեցին տեխնիկական գիտությունները զարգացնելու ուղղությամբ:

Վերջին տարիներին Հայաստանում մեծ զարգացում են ստացել մաթեմատիկայի զեռով տարվող հետազոտական աշխատանքները: Այդ մարզում ավանդական ուղղություն է հանդիսանում մոտավորության տեսությունը կոմպլեքսային բնագավառում: Այդ ասպարեզում ձեռք բերված առաջին հաջողությունները կապված են ակադեմիկոսներ Ա. Լ. Շահինյանի, Մ. Մ. Զրբաշյանի և Ս. Ն. Մերգելյանի անունների հետ: 1950-ական թվականների կեսերից՝ սկսած մաթեմատիկայի բնագավառում ծավալված գիտահետազոտական աշխատանքների շրջանակը աստիճանաբար լայնանում է, սկզբում ընդգրկելով կլա-

¹ Տե՛ս «КПСС о культуре, просвещении и науке», М., 1963, էջ 497—498:

սիկ անալիզի նոր ուղղությունները, իսկ այնուհետև՝ ֆունկցիոնալ անալիզը և դիֆերենցիալ հավասարումները:

Մեխանիկայի ուղղությամբ նշանակալից արդյունքներ են ձեռք բերվել սողքի ընդհանուր դժային և ոչ-դժային տեսության, կառուցումների և նրանց տարրերի սողացման հաշվարկման էֆեկտիվ մեթոդների, միատարր և ոչ միատարր նյութերի (բետոնի, ապակե պլաստիկների, գրունտի և այլն) սողացման



Հայկական ՍՍՀ Գիտությունների ակադեմիայի նախագահությունը շենքը

փորձնական հետազոտությունների մշակման բնագավառում: Հայտնի է, որ սողացումը էապես ազդում է մեքենաների և կառուցումների մասերի ամրության, դիմացկունության և դինամիկության վրա: Հայաստանում սողացման տեսության զարգացման մեջ մեծ է գիտնական մաթեմատիկոսների և մեխանիկների ներդրումը, որոնց գլխավորում է Հայկական ՍՍՀ գիտությունների ակադեմիայի ակադեմիկոս Ն. Խ. Հարությունյանը: Հայաստանի մեխանիկների ուսումնասիրությունները մեծ ճանաչում են գտել ինչպես Սովետական Միությունում, այնպես էլ նրա սահմաններից դուրս:

1950-ական թվականների կեսերից հետազոտական աշխատանքներ ծավալվեցին հաշվողական մաթեմատիկայի և կիրառական մեխանիկայի բնագավառում: Հաշվողական մաթեմատիկայի հիմնական կենտրոն դարձավ Հայկական ՍՍՀ գիտությունների ակադեմիայի և Երևանի պետական համալսարանի հաշվողական կենտրոնը: Այստեղ կարևոր արդյունքներ են ձեռք բերվել մաթեմատիկական և կիրառական խնդիրների լուծման մեթոդների ուղղությամբ: Գիտնականներն ու ինժեներները մշակեցին սկզբունքային սխեմաներ և նախագծեցին «Հրազդան», «Նաիրի» և այլ տիպի էլեկտրոնային հաշվիչ բարդ մե-

քենաները, որոնց օգնությամբ լուծվում են գիտական ու ժողովրդա-տնտեսական նշանակություն ունեցող խնդիրներ: Հաշվողական կենտրոնը դարձավ գիտական այն հիմնարկը, որտեղ մաթեմատիկական մեթոդների, կիրառական և ավտոմատացման կիրառման շնորհիվ մշակվում են կարևոր պրոբլեմներ գիտությունների ընդհանուր կապակցություններում: 1960-ական թվականներին հետազոտություններ էին տարվում մաթեմատիկական լեզվաբանության, գիտատեխնիկական գրականության թարգմանության և այդ նպատակով մասնագիտացված էլեկտրոնային մեքենաներ ստեղծելու ուղղությամբ: Այդ աշխատանքների շնորհիվ ունիվերսալ մեքենաների վրա ստացվեց հայերենից ռուսերեն թարգմանություն: Գիտական լեզվաբանները կազմեցին, իսկ մաթեմատիկոսները կրճատագրեցին մաթեմատիկական տեքստերի բառարան՝ 6.000 բառ ծավալով: 1960-ական թվականների ընթացքում մեքենայական թարգմանության գծով Նրևանում անցկացվեցին խորհրդակցություններ և սիմպոզիումներ, որոնց մասնակցում էին Սովետական Միության տարբեր քաղաքների մասնագետներ:

Զարգացում ստացավ մաթեմատիկական մեթոդների ու հաշվողական տեխնիկայի միջոցների կիրառումը տնտեսագիտության և բժշկության բնագավառում:

Նոպատիրադմյան ժամանակաշրջանում գիտահետազոտական աշխատանքներն ընդլայնվել և կարևոր հաջողություններ են ձեռք բերվել նաև ֆիզիկայի բնագավառում: 1940-ական թվականների կեսերից հանրապետության մեջ մշակվող միջուկային ֆիզիկայի պրոբլեմներին ավելացան տեսական ֆիզիկայի, ատոմներների ֆիզիկայի, մետաղաֆիզիկայի, մագնիսային երևույթների ֆիզիկայի բնագավառների խնդիրները:

1958 թվականից ֆիզիկայի ինստիտուտում սկսվեցին աշխատանքները ՍՍՀՄ-ում խոշորագույն էլեկտրոնային արագացուցչի նախագծման, ապա կառուցման ուղղությամբ՝ 6 միլիարդ էլեկտրոն-վոլտ էներգիայով: Աշխատանքները կատարվում էին ՍՍՀՄ գիտությունների ակադեմիայի թղթակից-անդամ Ա. Ի. Ալիխանյանի ղեկավարությամբ: 1967 թվականին էլեկտրոնային արագացուցչի կառուցումն ավարտվեց: Նրա շահագործմամբ Հայաստանի և Սովետական Միության շատ ֆիզիկոսներ հնարավորություն ստացան բարդ փորձեր կատարելու միջուկային ֆիզիկայի բնագավառում: 1967 թվականի սեպտեմբերին ՍՄԿԿ Կենտրոնական կոմիտեն և ՍՍՀՄ Մինիստրների սովետը ողջույնի հեռագիր ուղարկեցին Նրևանի ֆիզիկայի ինստիտուտի կոլեկտիվին, բարձր գնահատելով սովետահայ ֆիզիկոսների նվաճումը՝ Նրևանում էլեկտրոնային արագացուցչի գործարկումը: Արագածի և Նոր Ամբերդի կայաններում շարունակվեցին հետազոտությունները գերբարձր էներգիաների մասնիկների միջուկային փոխազդեցությունների հետազոտման գծով՝ կոսմիկական ճառագայթների ուսումնասիրման ասպարեզում: 1950—1960-ական թվականների ընթացքում ֆիզիկայի ինստիտուտի համար կառուցվեց շինությունների մի ամբողջ կոմպլեքս: Ավանդական են դարձել «Ֆիզիկոսների դարնանային դպրոցները», որոնք անցկացվում են Նոր Ամբերդում: Գարնանը այստեղ են ժամանում Սովետական Միության խոշորագույն ֆիզիկոսներ և արտասահմանյան հյուրեր: Բանավեճեր են տեղի ունենում ֆիզիկայի

պրորելմաների շուրջը, որոնց ակտիվ մասնակցում է գիտական երիտասարդությունը:

Տեսական ֆիզիկան երիտասարդ այն գիտություններից է, որի զարգացումը Հայաստանում սկսվել է 1950—1960-ական թվականներին: Նրա մի շարք բնագավառներում՝ կոսմիկական ճառագայթման տեսություն, միկրոսկոպիկ էլեկտրադինամիկա, արագացուցիչների տեսություն և այլն, հայ ֆիզիկոսները հասել են նշանակալից հաջողությունների: Երիտասարդ տեսաբան-ֆիզիկոսների մի խումբ, ակադեմիկոս Վ. Հ. Համբարձումյանի և Հայկական ՍՍՀ գիտությունների ակադեմիայի թղթակից-անդամ Գ. Ս. Սահակյանի ղեկավարությամբ, մի շարք աշխատանքներ կատարեց գերխիտ իրկնային մարմինների տեսության զարգացման բնագավառում: Տեսական ֆիզիկայի մարզում կատարված հետազոտությունների զարգացումը հնարավորություն տվեց 1967 թվականին Հայկական ՍՍՀ գիտությունների ակադեմիայի սիստեմում կազմակերպել ֆիզիկական պրորելմաների ինստիտուտ:

Ուղիսական Հայաստանի գիտության զարգացման համար բոլորովին նոր ուղղություն է պոլիմերների ֆիզիկայի ուսումնասիրությունը: Նրա հիմնական խնդիրն է՝ ստեղծել պոլիմերներ, որոնք տարբեր գործոնների ազդեցության ներքո ձեռք են բերում ֆիզիկական նոր հատկություններ: Միաժամանակ հետազոտություններ են կատարվում՝ պարզելու համար պոլիմերների քիմիական կառուցվածքի և նրանց քիմիական հատկությունների միջև եղած կապը: Դա հնարավորություն կտա սինթեզելու այս կամ այն պոլիմերը՝ ցանկացած ֆիզիկական հատկություններով: Այդ աշխատանքներն իրագործվում են մասնավորապես Երևանի պոլիմերների գիտահետազոտական ինստիտուտում:

Մետաղաֆիզիկայի բնագավառում ուսումնասիրություններ ծավալվեցին մետաղների պլաստիկական հատկությունների, ինչպես նաև մետաղների սառը մշակման ժամանակ փոքր ու մեծ ճեղքվածքների առաջացման ուսումնասիրության գծով: 1960-ական թվականներին լեռնային մետալուրգիայի գիտահետազոտական ինստիտուտում հետազոտություններ էին կատարվում Հայաստանում արդյունահանվող մոլիբդենի մեխանիկական և էլեկտրաֆիզիկական հատկությունները պարզելու համար:

Համաշխարհային ճանաչում են գտել աստրոֆիզիկայի բնագավառում Հայաստանում կատարված ուսումնասիրությունները: Բյուրականի աստրոֆիզիկական աստղադիտարանը, որի առաջին աշխատանքային շենքերը սկսեցին կառուցվել Հայրենական մեծ պատերազմից անմիջապես հետո, անցած քսան տարիներին դարձավ աստրոֆիզիկայի գիտահետազոտական խոշոր կենտրոններից մեկը աշխարհում:

Բյուրականի աստղադիտարանի գիտական ուսումնասիրությունները, որոնք ղեկավարում է խոշորագույն աստրոֆիզիկոս Վ. Հ. Համբարձումյանը, 1950—1960-ական թվականներին ընթանում էին երկու հիմնական ուղղությամբ՝ գալակտիկայի (Միր Կաթինի) կառուցվածքի օրինաչափությունների, աստղերի և աստղային համակարգությունների ծագման ու զարգացման և կոսմիկական նյութի հետազոտությունների գծով:

Նոստալոգիայի առաջին տարիներին Բյուրականի աստղագիտարանում մեծ արդյունքներ ձեռք բերվեցին տեսական հարցերի, մասնավորապես լույսի տարալուծման նոր տեսության և լույսի կլանման միջաստղային երկվայթի ուսումնասիրության գծով: Այդ տեսակետը առաջ է քաշել ակադեմիկոս Վ. Հ. Համբարձումյանը: 1947 թվականին Գալակտիկայում հայտնաբերվեցին նոր տիպի աստղային համակարգություններ, որոնց տրվեց աստղային ասոցիացիաների կամ աստղասփյուռների անվանումը: Աշխարհայացքային նշանակություն ունեցող այդ հայտնադրությունը խթանեց աստղային կոսմոգոնիայի զարգացմանը և կանխորոշեց Բյուրականի աստղագիտարանի հետազոտությունների զարգացման հետագա ընթացքը: Աստղասփյուռների հայտնաբերման համար 1950 թվականին ակադեմիկոս Վ. Հ. Համբարձումյանը և Բյուրականի աստղագիտարանի ղեկավար Գ. Ս. Մարգարյանը արժանացան ՍՍՀՄ Պետական մրցանակի:

Աստղասփյուռների ուսումնասիրությունը հնարավորություն տվեց բացահայտելու աստղերի և աստղային համակարգությունների ծագման ու զարգացման կարևոր օրինաչափություններ: Այդ մարդում կատարված հետազոտությունները բերեցին այն նոր հետազոտության, որ տիեզերքում գոյություն ունեն գիտությունը տակավին անհայտ զոնովաժային խիտ մարմիններ, որոնք ծնում են աստղեր և օժտված են ներքին էներգիայի հսկայական պաշարներով:

1950—1960-ական թվականներին Բյուրականում ստեղծվեց ղեկավար օբյեկտների մի ամբողջ համալիր և աստղագետների ավան: 1956 թվականի սեպտեմբերին, երբ ավարտվել էր հիմնական շենքերի շինարարությունը, տեղի ունեցավ Բյուրականի աստղագիտարանի հանդիսավոր բացումը, որին մասնակցում էին նաև սովետական և արտասահմանյան հյուրեր:

Բյուրականի աստղագիտարանը դարձել է միջազգային ղեկավար սեսիաների ու խորհրդակցությունների հավաքատեղի: Ակադեմիկոս Վ. Հ. Համբարձումյանը 1962—1965 թվականներին Աստղագետների միջազգային միության պրեզիդենտն էր: Այդ միության սեսիաներից մեկը անցկացվեց Երևանում, 1964 թվականին: 1967 թվականը նշանավոր տարի էր Հայկական ՍՍՀ գիտությունների ակադեմիայի Բյուրականի աստղագիտական աստղագիտարանի կյանքում: Աստղագիտության զարգացման բնագավառում ձեռք բերված հաջողությունների համար աստղագիտարանը պարգևատրվեց Լենինի շքանշանով: Երկրի աստղագիտական հիմնարկներից Բյուրականի աստղագիտարանն առաջինն արժանացավ այդ բարձր պարգևին:

Ռադիոֆիզիկայի և էլեկտրոնիկայի բնագավառում Բյուրականի աստղագիտարանում սկսված ուսումնասիրություններն իրենց հետագա զարգացումն ստացան Հայկական ՍՍՀ գիտությունների ակադեմիայի ռադիոֆիզիկայի և էլեկտրոնիկայի ինստիտուտում, որը հիմնադրվեց 1960 թվականին: Աշտարակում ինստիտուտի համար կառուցվեց շենքերի մի ամբողջ համալիր՝ բաղմամթիվ լաբորատորիաներ, բնակելի տներ: Ինստիտուտում ղեկավարվողական աշխատանքներ են տարվում գերբարձր հաճախականության ռադիոֆիզիկայի, քվանտային ռադիոֆիզիկայի, էլեկտրոնային ավտոմատիկայի, քվանտային օպտիկայի բնագավառներում:

1950—1960-ական թվականներին մեծ ծավալ ընդունեցին քիմիայի բնագավառի հետազոտական աշխատանքները, որոնց սկիզբը դրվել էր դեռևս սոցիալիստական շինարարության նախապատերազմյան տարիներին։ Այդ բնագավառում Հայաստանում զարգանում են հետևյալ հիմնական ուղղությունները՝ օրգանական նուրբ սինթեզ, ացետիլենի և նրա ածանցյալների քիմիա, ամոնիումի միացությունների քիմիա, ֆիզիկական քիմիա, քիմիական տեխնոլոգիա, անօրգանական քիմիա։



Սոցիալիստական աշխատանքի հերոս,
ՀՍՄՀ ԳԱ-ի իսկական անդամ Ա. Լ. Մեջոյան

1956 թվականին հանրապետության գիտությունների ակադեմիայի սիստեմում ստեղծվեց նուրբ օրգանական քիմիայի ինստիտուտը, որը զբաղվում է կենսաբանորեն ակտիվ միացությունների սինթեզով։ Ինստիտուտը, Հայկական ՍՍՀ գիտությունների ակադեմիայի ակադեմիկոս Ա. Լ. Մեջոյանի գլխավորությամբ, նշանակալից հաջողությունների է հասել զեղանյութերի ստեղծման, ինչպես նաև կենսաբանական ակտիվ միացությունների նպատակասլաց սինթեզման ասպարեզում։ Քիմիկոսների և զեղագործների համատեղ ջանքերով ստացվեցին և բժշկության մեջ ներդրվեցին նոր զեղանյութեր (գանգլիերոն, կվատերոն, դիտիլին, սուբբիտլին, բրոտիլին, արպենալ և այլ-

լըն)։ Այդ ղեղանյութերը լայն տարածում գտան սրտանոթային, նյարդային-հոգեկան և այլ հիվանդությունների բուժման համար։ Սինթեզի բնագավառում նուրբ օրգանական քիմիայի ինստիտուտում կատարված ուսումնասիրությունները հնարավորություն տվեցին հիմնելու Երևանի քիմիական ռեակտիվների գործարանը։ 1950—1960-ական թվականներին նուրբ օրգանական քիմիայի ինստիտուտի կոլեկտիվը բժշկական նոր ղեղանյութերի և քիմիական միացությունների ստեղծման համար ստացավ 24 հեղինակային վկայական։ Նուրբ օրգանական քիմիայի ինստիտուտի համար կառուցվել է լաբորատոր շենքերի մի ամբողջ համալիր, որը սարքավորված է գիտություն ու տեխնիկայի վերջին խոսքով։

1957 թվականին հիմնվեց Հայկական ՍՍՀ գիտությունների ակադեմիայի օրգանական քիմիայի ինստիտուտը։ Այստեղ գիտահետազոտական աշխատանքներ ծավալվեցին ացետիլենի և նրա ածանցյալների քիմիայի, ինչպես նաև ամոնիումի միացությունների բնագավառում։ Անցած տարիներին ինստիտուտում մշակվել են մի շարք նոր սինթեզներ, որոնք տեխնիկա-տնտեսական արժեքավոր նշանակություն ունեն։ 1960-ական թվականներին ինստիտուտի կոլեկտիվը լուծել է քիմիական տեխնոլոգիայի մի շարք կարևորագույն խնդիրներ, որոնք ունեն պրակտիկ նշանակություն։ Նոր սինթեզների մշակման և քիմիկո-տեխնոլոգիական պրոցեսների կատարելագործման համար ինստիտուտի կոլեկտիվը ստացել է ավելի քան 30 հեղինակային վկայական։

Քիմիական ֆիզիկայի բնագավառի հետազոտությունների կենտրոն դարձավ Հայկական ՍՍՀ գիտությունների ակադեմիայի քիմիական ֆիզիկայի լաբորատորիան, որը հիմնադրվել է 1959 թվականին։ Այստեղ, Հայկական ՍՍՀ ԳԱ ակադեմիկոս Ա. Բ. Նալբանդյանի ղեկավարությամբ, մշակվում է պրոբլեմների մի ամբողջ կոմպլեքս՝ կապված քիմիական պրոցեսների մեխանիզմների հետ։

Լայնորեն ծավալվեցին նաև 1957 թվականին կազմակերպված քիմիայի գիտահետազոտական ինստիտուտի աշխատանքները։ Ինստիտուտի գործունեության հիմնական ուղղությունը լեռնային հանքատեսակների կոմպլեքսային մշակումն է։ Նրա աշխատակիցները, Հայկական ՍՍՀ գիտությունների ակադեմիայի իսկական անդամ Մ. Գ. Մանվելյանի գլխավորությամբ, հետազոտում էին նեֆելինային սիենիտների կոմպլեքսային վերամշակման մեթոդը։ Ինստիտուտի և նրան առընթեր ստեղծված փորձնական գործարանի աշխատանքների արդյունքների հիման վրա սկսվեց Հրազդանի լեռնա-քիմիական կոմբինատի շինարարությունը։

Նշանակալից են բիրքիմիայի բնագավառում կատարված հետազոտությունները, որոնց կենտրոնը դարձավ 1961 թվականին հիմնադրված Հայկական ՍՍՀ գիտությունների ակադեմիայի բիրքիմիայի ինստիտուտը։ Ուսումնասիրությունների հիմնական ուղղությունը, որոնք ղեկավարում է Հայկական ՍՍՀ ԳԱ ակադեմիկոս Հ. Ն. Բունիաթյանը, հանդիսանում է գլխուղեղի ֆունկցիոնալ բիրքիմիան։

Ետպատերազմյան տարիները նշանավորվեցին գիտական հետազոտությունների զարգացմամբ նաև երկրաբանության բնագավառում։ Դրանք տարվում էին Հայկական ՍՍՀ գիտությունների ակադեմիայի երկրաբանական գի-

առաջությունների ինստիտուտում, հանրապետության երկրաբանական վարչությունում; Երևանի պետական համալսարանի երկրաբանական ֆակուլտետում և լենա-մետալուրգիական գիտահետազոտական ինստիտուտում: Կարևոր պրոբլեմներից էր հանրապետության երկրաբանական քարտեզների ստեղծումը: Անհրաժեշտ էր կազմել Հայկական ՍՍՀ գեոմորֆոլոգիական, մետաղածագումաբանական, հիդրոերկրաբանական քարտեզներ, հանքային նյութերի առանձին տեսակների կանխագուշակման քարտեզներ և այլն: Գիտական կարևորագույն խնդիրներ, որի վրա աշխատում էին Հայաստանի երկրաբանները, Հայկական ՍՍՀ գիտությունների ակադեմիայի իսկական անդամներ Ի. Գ. Մաղաքյանի և Ս. Ս. Մկրտչյանի ղեկավարությամբ, օգտակար հանածոների հանքավայրերի կազմավորման և տեղաբաշխման պայմանների ուսումնասիրությունն էր՝ օգտակար հանածոների հանքավայրերի հայտնաբերման և երկրաբանական արդյունավետ հետազոտությունների համար: 1950 թվականին Սովետական Հայաստանի մի խումբ առաջատար երկրաբաններ՝ Ս. Ս. Մկրտչյանը, Պ. Ս. Սահակյանը, Ս. Ա. Մովսիսյանը, Գ. Մ. Հարությունյանը, Ի. Գ. Մաղաքյանը և ուրիշներ արժանացան ՍՍՀՄ Պետական մրցանակի: ՍՍՀՄ Պետական մրցանակ շնորհվեց նաև Հայկական ՍՍՀ ԳԱ ակադեմիկոս Կ. Ն. Պաֆֆենհոլցին՝ «Հայաստանի երկրաբանությունը» հետազոտության համար:

Օգտակար հանածոների կանխագուշակման գծով Հայաստանի երկրաբանների կողմից կատարված հետազոտությունները հնարավորություն ընձեռեցին նպատակասլաց ուղղություն տալու երկրաբանական-հետազոտական աշխատանքներին և հայտնաբերելու պղնձի, մոլիբդենի, կապարի, ոսկու, երկաթի, ցինկի և այլ մետաղների մի շարք արդյունաբերական հանքավայրեր: Լայն ծավալ ստացան աշխատանքները ոչ հանքային օգտակար հանածոների՝ աղի, գիպսի, բարիտի, հանքաներկերի, շինարարական տարբեր նյութերի հանքավայրերի ուսումնասիրության գծով: Հայաստանում հայտնաբերված օգտակար հանածոների բազայի վրա ստեղծվել ու աշխատում են լեռնահանքային, քիմիական, շինանյութերի արդյունաբերության և այլ ձեռնարկություններ: 1960-ական թվականներին սկսվեցին աշխատանքները նավթի ու գազի հանքավայրերի հետախուզման ուղղությամբ:

1950—1960-ական թվականներին լուրջ ուսումնասիրություններ կատարվեցին հիդրոերկրաբանության բնագավառում: Հանրապետության տարբեր շրջաններում հայտնաբերվեցին բուժական նշանակություն ունեցող հանքային ջրեր:

Հայաստանում երկրաբանական գիտության բնագավառում կատարված ուսումնասիրությունների արդյունքներն ընդհանրացված են «Հայկական ՍՍՀ երկրաբանությունը» բազմահատոր աշխատությունում:

1961 թվականին լենինականում կազմակերպվեց Հայկական ՍՍՀ գիտությունների ակադեմիայի գեոֆիզիկայի և ինժեներական սեյսմոլոգիայի (երկրաշարժագիտության) ինստիտուտը՝ անդրանիկ ակադեմիական հիմնարկը հանրապետության երկրորդ քաղաքում: Հայկական ՍՍՀ գիտությունների ակադեմիայի ակադեմիկոս Ա. Գ. Նազարովի գլխավորությամբ ինստիտուտի աշխատակիցները հետազոտություններ են ծավալել օգտակար հանածոների

հետախուզման գեոֆիզիկական մեթոդների օգտագործման ուղղությամբ, ինչպես նաև սեյսմոլոգիայի մի շարք պրոբլեմների գծով, որոնք ունեն կիրառական նշանակություն: Ինստիտուտում մշակվում ու կատարելագործվում են սեյսմիկական սարքավորումներ՝ ուժեղ երկրաշարժերի գրանցման համար:

Զգալի ծավալ են ընդգրկել կենսաբանական և գյուղատնտեսական գիտությունների բնագավառներում կատարված հետազոտությունները: Ծաղատերազմյան առաջին տարիներին Հայկական ՍՍՀ գիտությունների ակադեմիայի թղթակից-անդամ, հետազայում ՍՍՀՄ գիտությունների ակադեմիայի թղթակից-անդամ Ա. Լ. Թախթաջյանի ղեկավարությամբ նշանակալից աշխատանքներ տարվեցին բուսաբանության ուսումնասիրության բնագավառում: Լայն ծավալ ընդունեցին Հայաստանի բուսական աշխարհը հետազոտելու աշխատանքները, որոնց արդյունքներն ամփոփվեցին «Հայաստանի բուսական աշխարհը» բազմահատոր աշխատության մեջ: Մեծ ուշադրություն էր դարձվում բուսական հումքի ուսումնասիրման և օգտագործման վրա, աշխատանքներ էին տարվում քաղաքների ու գյուղերի կանաչապատման ուղղությամբ:

Կենսաբանության բնագավառի հետազոտությունների ընդհանուր վիճակի վրա խիստ բացասաբար ազդեց այն դրությունը, որը 1940-ական թվականների վերջերից ստեղծվել էր սովետական ամբողջ կենսաբանական գիտության մեջ: Ամենից առաջ այդ վիճակը բնութագրվում էր գիտական քննադատության ճնշմամբ և հակագիտական տեսակետների տարածմամբ: Այդ պատճառ դարձավ կենսաբանական գիտությունների այնպիսի կարևոր բնագավառների ետ մնալուն, ինչպիսիք են՝ գենետիկան, ագրոբիոլոգիան, բույսերի ու կենդանիների ֆիզիոլոգիան և այլն: Բանն այնտեղ հասավ, որ այդ տարիներին սովետական կենսաբանական գիտության մեջ մենաշնորհ դիրք ունեցող ակադեմիկոս Տ. Դ. Լիսենկոն ժխտեց կլասիկ գենետիկայի նվաճումները, իսկ այդ գիտությունը հայտարարվեց կեղծ-գիտական, իդեալիստական տեսություն: 1948 թվականին կենսաբանության հարցերի վերաբերյալ բանավեճի ընթացքում Տ. Դ. Լիսենկոն ու նրա կողմնակիցները հաշվեհարդար էին տեսնում իրենց գիտական հակառակորդների հետ՝ գիտական բանավեճի փոխարեն առաջ քաշելով անհիմն քաղաքական մեղադրանքներ: Կենսաբանության հարցերին նվիրված բանավեճ կազմակերպվեց նաև Հայաստանում: Այստեղ նույնպես Տ. Դ. Լիսենկոյի կողմնակիցներն իրենց հակառակորդներին մեղադրում էին «իդեալիզմի», «վեյսմանիզմ-մորգանիզմի» մեջ: Արդյունքը եղավ այն, որ կենսաբանական գիտության մի շարք կարևոր բնագավառների հետազոտություններ փաստորեն դադարեցվեցին:

Կենսաբանական գիտության մեջ ստեղծված այդ աննորմալ վիճակի շրտկումը սկսվեց միայն 1960-ական թվականներին: Թույլ տրված սխալներն ուղղվեցին: Սկսեցին զարգանալ կենսաբանական գիտության նորադույն ուղղությունները՝ բիոնիկան, հիդրոպոնիկան, ռադիացիոն գենետիկան և այլն:

1960-ական թվականներին մեծ ուշադրություն դարձվեց անտառատեսակների և անտառագիտության գծով տարվող հետազոտություններին, որոնց նպատակն էր պահպանել և ճիշտ օգտագործել հանրապետության անտառային զանգվածները, ստեղծել նոր անտառաշերտեր:

Կենդանաբանության բնագավառում աշխատանքներ էին տարվում հանրապետության կենդանական աշխարհի ուսումնասիրման ուղղությամբ, մշակվում էին գյուղատնտեսական վնասատուների դեմ պայքարի կենսաբանական միջոցառումները: Հետազոտություններ էին կատարվում գյուղատնտեսական կենդանիների հիվանդությունների դեմ պայքարելու ուղղությամբ: Այդ հետազոտությունների արդյունքներն ունեցան դորժնական կարևոր նշանակություն:

Նշանակալից զարգացում ստացան միկրոբիոլոգիայի բնագավառի հետազոտությունները: 1961 թվականին կազմակերպված Հայկական ՍՍՀ գիտությունների ակադեմիայի միկրոբիոլոգիայի ինստիտուտը ուսումնասիրություններ էր կատարում միկրոօրգանիզմների սելեկցիայի ասպարեզում: Այդ ուսումնասիրությունները հնարավորություն տվեցին ստեղծելու միոսթենական նշանակության մի քանի պատրաստուկներ (պրեպարատներ): 1960-ական թվականներին աշխատանքներ էին տարվում՝ Հայաստանում միկրոբիոլոգիական արդյունաբերություն կազմակերպելու ուղղությամբ: Միկրոբիոլոգիական արդյունաբերությունը՝ անասնապահության համար բակտերիալ պատրաստուկների արտադրությունը, ըստ էության, գիտության իսկական զավակն է: Հայաստանում ստեղծվում է խոշոր բակտերիական գործարան, որն արտադրելու է նիտրատներ (ազոտաթթվի աղեր), ազոտաբակտերիաներ, սիլոսային մակարոններ: Աշխատանքներ են ձեռնարկվել Հայաստանում լիզինի արտադրություն կազմակերպելու համար: Այդ նպատակով կառուցվում է գործարան:

Լուրջ աշխատանքներ կատարվեցին Հայաստանի հողերի ուսումնասիրման գծով: Այդ հետազոտություններն սկսված էին դեռևս Հայրենական մեծ պատերազմից առաջ, իսկ վերջին տարիներին դրանք ծավալվեցին հետազոտման նոր մեթոդներով: 1966 թվականին կազմակերպվեց ագրոքիմիական պրոբլեմների և հիդրոպոնիկայի ինստիտուտը, որի աշխատանքները զլխավորում է Հայկական ՍՍՀ ԳԱ ակադեմիկոս Գ. Ս. Դավթյանը:

Հանրապետության գյուղատնտեսական մինիստրության մի շարք գիտահետազոտական հիմնարկներ՝ հողագործության, բույսերի պահպանման, գյուղատնտեսության էկոնոմիկայի, խաղողագործության և գինեգործության, անասնաբուծության և այլ ինստիտուտներ ծավալեցին գիտական ու պրակտիկ լայն գործունեություն, որի նպատակն է կատարելագործել գյուղատնտեսական էկոնոմիկան, բարձրացնել գյուղատնտեսական մշակույթների բերքատվությունը և անասնապահության մթերատվությունը, աճեցնել գյուղատնտեսական կուլտուրաների նոր տեսակներ և անասունների նոր ցեղեր:

Հանրապետության մեջ ուշագրավ աշխատանքներ էին կատարվում ֆիզիոլոգիայի բնագավառում: Հայկական ՍՍՀ ԳԱ ֆիզիոլոգիայի ինստիտուտը զբաղվում էր վեգետատիվ նյարդային համակարգության ուսումնասիրությամբ, զարգացնելով սովետական ականավոր ֆիզիոլոգ, աշխարհահռչակ գիտնական Լ. Ա. Օրբելու ուսմունքը: Այդ բնագավառում ինստիտուտը վերջին տարիներին դարձել է Միության առաջավոր կենտրոններից մեկը: 1965 թվականին Երևանում անցկացվեց ֆիզիոլոգների հերթական համամիութենական համագումարը:

Հայաստանի ֆիզիոլոգներն արդյունավետ ուսումնասիրություններ են կատարում նաև գյուղատնտեսական կենդանիների մթերատվությունը բարձրացնելու ուղղությամբ: Այդ ուսումնասիրությունները, որ տարվում են Հայկական ՍՍՀ ԳԱ իսկական անդամ Ս. Կ. Կարապետյանի ղեկավարությամբ, ունեն ոչ միայն գիտական, այլև գործնական նշանակություն:

Նոպատեհագիտական տարիներին հասարակական գիտությունների զարգացումը բնորոշվում է խոշոր տեղաշարժերով, անցյալի լուրջ սխալների հաղթահարմամբ և ստեղծագործական այն վերելքով, որ առաջ եկավ Սովետական Միության կոմունիստական կուսակցության XX համագումարից հետո: Անհատի պաշտամունքի հետևանքով, հատկապես 1940-ական թվականների վերջերին և 1950-ական թվականների սկզբներին, հասարակական գիտությունների զարգացումն ընթանում էր ծանր պայմաններում: Անհատի պաշտամունքի մթնոլորտը հատկապես վնասակար ազդեցություն ունեցավ պատմական, տնտեսագիտական և փիլիսոփայական գիտությունների վրա: Հասարակական գիտության համար ստեղծված այդ ընդհանուր վիճակը ակներև էր նաև Հայաստանում: Պատմական հետազոտությունների հեղինակները, մասնավորապես նորագույն շրջանի պատմաբանները, որոնք զբաղվում էին հեղափոխական շարժման և սոցիալիստական շինարարության հարցերով, ստիպված էին պատմական դեպքերն ու իրադարձությունները հարմարեցնել այն ժամանակ տիրապետող դոգմաներին, անտեսել մի շարք հեղափոխական գործիչների դերը, ստեղծելով ըստ էության անգեմ պատմություն: Հայ ժողովրդի պատմության մի շարք կարևոր ժամանակաշրջաններ արժանանում էին սխալ, կանխակալ լուսաբանման, իսկ պրոլեինների մի ամբողջ շարք առհասարակ անտեսվում և չէր լուսաբանվում: Պատմական հետազոտությունները տառապում էին սխեմատիզմով, հաճախ հանգում էին «Համկ(բ)Պ պատմության համառոտ դասընթացի» դրույթների կրկնության: Խառնաշփոթություն էր տիրում տնտեսագիտության, հատկապես սոցիալիզմի քաղաքատնտեսության մի շարք արմատական հարցերում: Հասարակական գիտությունների համար այդ տարիներին բնորոշ էր տիրացությունը, սխեմատիզմը, ինքնուրույն վերլուծության բացակայությունը:

Հասարակական գիտությունների զարգացմանը մեծապես վնասեցին պատմության, լեզվաբանության, գրականագիտության և տնտեսագիտության վերաբերյալ Հայաստանում 1948—1952 թվականներին կազմակերպված բանավեճերը: Պատմության և գրականագիտության զարգացմանը հատկապես լուրջ վնաս հասցրեց այսպես կոչված «միասնական հոսանքի» տեսության շուրջը ծավալված բանավեճը: Յուրաքանչյուր մշակույթի սոցիալական երկվության մասին լենինյան ուսմունքի դիրքերից ճիշտ կերպով քննադատելով «միասնական հոսանքի» տեսությունը, Հայաստանում այդ բանավեճը կազմակերպողները ճգնում էին ինչ գնով էլ լինի պատմաբանների և գրականագետների շրջանում գտնել այդ տեսության «համախոհներ» և «մեթկացնել» նրանց: Դա, բնականաբար, հասցրեց նրան, որ գիտական կարծիքների ազատ փոխանակման և ստեղծագործական բանավեճ մղելու փոխարեն սովետական շատ գիտնականներ առատորեն մեղադրվեցին կոսմոպոլիտիզմի, միասնական հոսանքի տեսության համախոհի և այլ «մեղքերի» մեջ, իսկ անցյալի

մի շարք գրական-հասարակական գործիչներ հայտարարվեցին «նացիոնալիստներ»։ Նրվար տարիներ արգելքի տակ դրվեց XIX դարի երկրորդ կեսի հայ հասարակական մտքի պատմության հետազոտումը։ Գիտնականների հասցեին անհիմն մեղադրանքներ և նշավակումներ թույլ տրվեցին նաև լեզվաբանությանը նվիրված բանավեճերի ժամանակ։

Կուլակցության XX համագումարը նշանավորեց հասարակական գիտությունների զարգացման նոր փուլ ամբողջ երկրում։ Ազատվելով անցյալի բեռից ու դժբախտից՝ հասարակական գիտությունների բնագավառի աշխատողներն ստացան ստեղծագործական լայն հնարավորություններ։

1950—1960-ական թվականներին պատմագիտության բնագավառում ուսումնասիրություններ ծավալվեցին հայ ժողովրդի պատմության, ինչպես նաև հնագիտության, ազգագրության ու արևելագիտության գծով։ Անցած տարիների ընթացքում սովետահայ պատմաբանները ձեռք բերեցին նշանակալից հաջողություններ։ Մշակվել են հայ ժողովրդի պատմության մի շարք հանգուցային պրոբլեմներ՝ Ուրարտական պետության ծագումն ու պատմությունը, Հայաստանի հին և միջին դարերի սոցիալ-տնտեսական ու քաղաքական պատմությունը, օտարերկրյա զավթիչների դեմ հայ ժողովրդի մղած ազդալին-ազատագրական պայքարի պատմությունը, հայ ժողովրդի՝ ռուսական կողմնորոշման սկզբնավորումն ու զարգացումը և հայ-ռուսական քաղաքական, տնտեսական ու մշակութային հարաբերությունները, Արևելյան Հայաստանի միացումը Ռուսաստանին, կապիտալիստական հարաբերությունների զարգացումը Հայաստանում և այլն։

1950-ական թվականների վերջերից և մանավանդ 1960-ական թվականներին, հայագիտության մեջ սկսեց լուրջ ուշադրության առարկա դառնալ մի բնագավառ, որը մինչ այդ գրեթե անտեսված էր։ Խոսքը վերաբերում է գաղութահայության և սփյուռքի պատմությանը։

Մեծ ուշադրություն էր դարձվում Հայաստանի սովետական ժամանակաշրջանի պատմության հարցերի, մասնավորապես հեղափոխական շարժումների և սովետական իշխանության հաստատման, Հայկական ՍՍՀ-ում սոցիալիստական ու կոմունիստական շինարարության, մշակույթի բնագավառում հայ ժողովրդի ձեռք բերած նվաճումների պատմության լուսաբանմանը։

Հայաստանի XIX դարի հասարակական-քաղաքական մտքի ուսումնասիրման և հայ ժողովրդի ազատագրական պայքարի գաղափարախոսության լուսաբանման գործում մեծ է Հայկական ՍՍՀ ԳԱ ակադեմիկոս Ա. Գ. Հովհաննիսյանի վաստակը։

Հայ-ռուսական հարաբերությունների պատմությունը լուսաբանված է Հայկական ՍՍՀ ԳԱ ակադեմիկոս Մ. Գ. Ներսիսյանի մի շարք աշխատություններում։ Սովետահայ պատմագրության մեջ նա առաջիններից մեկը ձեռնարկեց թուրքական բռնապետության դեմ XIX դարում և XX դարի սկզբին հայ ժողովրդի մղած ազգային-ազատագրական պայքարի պատմության ուսումնասիրությունը։

Արևելյան Հայաստանի՝ Ռուսաստանին միանալու հարցերը միջազգային հարաբերությունների տեսանկյունից և հայ-ռուսական հարաբերությունների մի քանի կարևոր պրոբլեմներ քննարկվել են Հայկական ՍՍՀ ԳԱ ակադեմի-

կոս Ա. Ռ. Հովհաննիսյանի հետազոտություններում: Դրան զուգընթաց, Ա. Ռ. Հովհաննիսյանը բեղմնավոր աշխատանք է կատարում ֆրանսիական բուրժուական մեծ հեղափոխության ժամանակաշրջանի սոցիալիստական գաղափարների պատմության լուսարանման ուղղությամբ:

Միջնադարյան Հայաստանի պատմության; հայ ժողովրդի ծագման, ինչպես նաև Հայաստանի և նրան սահմանակից երկրների պատմական աշխարհագրության ուսումնասիրության գործում մեծ է Հայկական ՍՍՀ ԳԱ ակադեմիկոս Ս. Տ. Երեմյանի ծառայությունը:

Մի շարք կարևոր հետազոտություններ նվիրվեցին Հայաստանում հեղափոխական շարժումների պատմությանը, սովետական իշխանության հաստատման համար Հայաստանի աշխատավորների մղած պայքարին, Հայաստանում կոմունիստական կազմակերպությունների գործունեությանը, սոցիալիստական և կոմունիստական շինարարության պատմությանը: Այս ասպարեզում հայտնի դարձան Հայաստանի ԳԱ ակադեմիկոս Մ. Աղայանի և թղթակից-անդամ Գ. Ղարիբջանյանի աշխատությունները:

1950—1960-ական թվականներին նշանակալից հաջողությունների հասավ հնագիտությունը: Հայաստանի բազմահարուստ հնագիտական հուշարձանների ուսումնասիրությունը տվեց գիտական մեծ նշանակություն ունեցող արդյունքներ ոչ միայն Հայաստանի պատմության, այլև համաշխարհային քաղաքակրթության ուսումնասիրման առումով: Նշված շրջանում հատկապես արդյունավետ էին համաշխարհային ճանաչում ստացած ուրարտական հուշարձանների (Թեյշեբաինի, էրեբունի), ինչպես նաև հին շրջանի հուշարձանների (Գառնի) պեղումները: Վերջին տարիներին հաջողությամբ շարունակվում էին դեռևս Հ. Ա. Օրբելու կողմից սկսված աշխատանքները հայերեն արձանագրությունների հավաքման և հրատարակման ուղղությամբ: Սովետական Հայաստանում հնագիտության զարգացման գործում մեծ ներդրում ունեն Հայկական ՍՍՀ ԳԱ ակադեմիկոս Բ. Բ. Պիտտրովսկին, թղթակից-անդամ Բ. Ն. Առաքելյանը, պրոֆ. Կ. Գ. Ղաֆադարյանը, և մյուս հնագետները: 1959 թվականին Հայաստանի գիտությունների ակադեմիայի կազմում ստեղծվեց հնագիտության և ազգագրության ինստիտուտ, որը գլխավորում է հնագիտության բնագավառի բոլոր աշխատանքները: Նույն թվականին կազմակերպվեց պատմագիտության գիտահետազոտական մի այլ կենտրոն՝ Հայկական ՍՍՀ գիտությունների ակադեմիայի արևելագիտության բաժինը: Անցած տարիներին Հայաստանի արևելագետները հրատարակել են մի շարք աշխատություններ նվիրված Թուրքիայի, Իրանի, Իրաքի և Մերձավոր Արևելքի այլ երկրների պատմությանը:

1950—1960-ական թվականներին նշանակալից հաջողությունների հասավ հայ գրականագիտությունը: Այդ նվաճումների հիման վրա հաղթահարվեցին այն սխալները, որոնք թույլ էին տրվել անցյալում մի շարք հայ գրողների գրական ժառանգության գնահատման հարցում: Կուսակցության XX համագումարից հետո հայ ժողովուրդը կրկին տեղ դարձավ իր մեծ գրողներ Ծղիշե Չարենցի և Ակսել Բակունցի գրական ժառանգությանը, նշանակալից աշխատանք կատարվեց Բաֆթու, Պարոնյանի և մյուս գրողների ստեղծագործության ուսումնասիրության ուղղությամբ: Հայ գրականագետներն ստեղծե-

ցին մի շարք զնգհանրացնող աշխատություններ հայ գրականության պատմության դժուր Մասնավորապես, 1960-ական թվականներին հրատարակվեցին «Հայ նոր գրականության պատմության» երեք հատորները, «Սովետահայ գրականության պատմության» երկհատորյակը և այլ աշխատություններ։ Միաժամանակ Հայկական ՍՍՀ գիտությունների ակադեմիայի գրականության ինստիտուտը իրականացրեց հայ գրականության դասականների՝ Հ. Պարոնյանի, Ռ. Պատկանյանի, Մ. Աբեղյանի, Մ. Նալբանդյանի, Ե. Չարենյի, Հ. Հովհաննիսյանի երկերի հրատարակությունը։ Ավագ սերնդի գրականագետների՝ Հայկական ՍՍՀ ԳԱ ակադեմիկոս Կ. Մելիք-Օհանջանյանի, թղթակից-անդամ Մ. Մկրտչյանի և ուրիշների հետ մեկտեղ սովետահայ գրականության զարգացման մեջ իրենց ներդրումը կատարեցին երիտասարդ սերնդի գրաքննադատներն ու գրականության պատմաբանները։

1950-ական թվականներին որոշակի հաջողություններ ձեռք բերվեցին լեզվաբանության բնագավառում։ Հայոց լեզվի պատմությունը (քերականությունը, բառարանագրությունն ու բառագիտությունը) գտնվում էր սովետահայ լեզվաբանների ուշադրության կենտրոնում։ 1960-ական թվականների կեսերին մեծ հետաքրքրություն առաջացավ մանավանդ կիրառական լեզվաբանության նկատմամբ՝ կապված հետազոտության մաթեմատիկական մեթոդների կիրառման հետ։ Հայաստանում լեզվաբանության զարգացման գործում գիտական մեծ վաստակ ունեն Հայկական ՍՍՀ ԳԱ ակադեմիկոս Ա. Ղարիբյանը, թղթակից-անդամներ Գ. Սևակը, Է. Աղայանը, Գ. Զահուկյանը և ուրիշներ։

Նկատելի նվաճումներ ձեռք բերվեցին նաև արվեստագիտության, փիլիսոփայության և հումանիտար մյուս գիտությունների մարզերում։

1950-ական թվականների կեսերից նշանակալից ծավալ ստացան կոնկրետ էկոնոմիկայի բնագավառի հետազոտությունները։ 1960-ական թվականներին ստեղծվեցին տնտեսագիտական բնույթի մի շարք ինստիտուտներ, որոնք մշակում էին արդյունաբերության ու գյուղատնտեսության էկոնոմիկայի բազմաթիվ հարցեր, զբաղվում Հայաստանի նյութական և աշխատանքային ռեզերվների ուսումնասիրությամբ։ Ժողովրդական տնտեսության կառավարման նոր մեթոդների և տնտեսական ռեֆորմի անցկացման կապակցությամբ վերջին տարիներին հանրապետության առաջատար շատ ձեռնարկություններին կից ստեղծվեցին տնտեսագետների խմբեր, որոնք զբաղվում են ձեռնարկությունների շահութաբերության խնդիրներով։

Այսպիսով, սոցիալիստական շինարարության ավարտման և կոմունիզմի կառուցումն սկսելու հտպատերազմյան տարիները Սովետական Հայաստանում գիտության բոլոր զարգացման ժամանակաշրջան էին։ Գիտության բոլոր բնագավառներում հանրապետության գիտնականները հասան մեծ հաջողությունների։ Որպես արտադրողական ուժ, գիտությունը Սովետական Հայաստանում ակտիվ մասնակցում է կոմունիստական շինարարության մեծ խրնդիրների լուծման համաժողովրդական գործին։

1950—1960-ական թվականներին հանրապետության մեջ արդյունաբերական նոր ճյուղերի կազմակերպման և դրանց արագ աճի կապակցությամբ լայն ծավալ ընդունեցին տեխնիկայի բնագավառի աշխատանքները։ Այդ տա-

րինքերին Սովետական Հայաստանում կաղմակերպվեց նախագծային ինստիտուտների և կոնստրուկտորական բյուրոների լայն ցանց, որտեղ ինժեներական պրպտուն միտքը լուծում է տեխնիկական կարևորության շատ հարցեր՝ կապված արդյունաբերության ավտոմատացման, տեխնոլոգիական պրոցեսների կատարելագործման և զարգացման հետ։ Տեխնիկական մտքի զարգացման առանձնահատուկ կողմերից մեկն էլ հանրապետության առաջատար արդյունաբերական ձեռնարկություններում հատուկ կոնստրուկտորական բյուրոների ստեղծումն էր։ Հայաստանի արդյունաբերության կողմից թողարկվող արտադրանքի անվանատեսակների ընդլայնումը, — սկսած տրանսֆորմատորներից մինչև սառնարանները, ավտոմատիկայի և կառավարման միջոցներից մինչև ավտոմեքենաները, շարժական էլեկտրականայններից մինչև ինքնաբեռնարկիչները, — խթանեց տեխնիկական մտքի առաջընթացը հանրապետության մեջ։

Հայկական ՍՍՀ-ում տեխնիկական առաջատար ուղղություններից է հիդրոէներգետիկան, որի զարգացումն սկսվել էր դեռևս նախքան պատերազմը։ Ենթադրադմյան առաջին տարիներին Հայկական ՍՍՀ գիտությունների ակադեմիայի ջրային էներգետիկայի ինստիտուտը, Հայկական ՍՍՀ ԳԱ ակադեմիկոս Ի. Շլիազարյանի գլխավորությամբ, հետազոտություններ ծավալեց Սևան-Հրազդան կասկադի հիդրոտեխնիկական հանգույցների, Կուլբիշևի և մի շարք այլ խոշոր հիդրոէլեկտրակայանների մոդելավորման ուղղությամբ։ Տեխնիկական այդ համարձակ լուծումը հնարավորություն կտա փոքրացնելու և միևնույնի հասցնելու Սևանի ջրերի ծախսումը և պահպանելու լճի մակարդակը բավարար բարձրության վրա։ 1963 թվականից սկսվեցին Սևան-Արփա ջրային ուղու հետազոտական, ապա շինարարական աշխատանքները։ Այդ ջրուղով Արփայի ջրերը պիտի հոսեն դեպի Սևան։

«Հիդրոնախագիծ» ինստիտուտի հայկական բաժանմունքի ինժեներները մեծ աշխատանք կատարեցին Հայաստանի նոր էլեկտրակայանների և մասնավորապես Որոտանի կասկադի նախագծման ուղղությամբ։

Ենթադրադմյան առաջին տասնամյակում նշանակալից աշխատանք կատարվեց էլեկտրաէներգիայի և էլեկտրատեխնիկայի բնագավառում։ Այդ աշխատանքները գլխավորում էր Հայկական ՍՍՀ ԳԱ ակադեմիկոս Ա. Իոսիֆյանը։ Այնուհետև Երևանում ստեղծվեց կոմպլեքսային էլեկտրասարքավորման համամիութենական գիտահետազոտական ինստիտուտ, որը պոլիտեխնիկական ինստիտուտի մի շարք կոնստրուկտորական բյուրոների հետ միասին զբաղվում էր էլեկտրամեքենաշինության խնդիրների համակողմանի մշակմամբ։ 1960-ական թվականներին ծնունդ առան տեխնիկական բնագավառի նոր ուղղություններ՝ ջերմաէներգետիկան և հեկրատեխնիկան, էներգոսիստեմների մաթեմատիկական մոդելավորումը և այլն։

1950—1960-ական թվականներին Սովետական Հայաստանում գիտության ու տեխնիկայի զարգացման շնորհիվ զգալիորեն ավելացավ գիտատեխնիկական բնագավառի աշխատողների թիվը։ Գիտատեխնիկական մտավորականությունը սովետահայ մտավորականության առաջատար ջոկատներից մեկն է։

3. ՀԱՅ ԺՈՂՈՎՐԴԻ ՄՇԱԿՈՒԹԱՅԻՆ ԿԱՊԵՐԻ ԸՆԴԱՐՁԱԿՈՒՄԸ

Սովետական մշակույթը ինտերնացիոնալ մշակույթ է։ Նա հաստատում է ժողովուրդների բարեկամության ու եղբայրության ազնիվ գաղափարները։ Ժառանգելով բազմադարյան անցյալի լավագույն, առաջավոր ավանդույթները, որոնք արտահայտում են ազատության և հավասարության գաղափարներ, սովետական կուլտուրան զարգանում է որպես եղբայր-ժողովուրդների կուլտուրա։

Սովետական կուլտուրան մեր երկրի բոլոր ժողովուրդների սեփականությունն է, քանի որ ամեն մի ժողովուրդ իր ավանդն է ներդնում նրա գանձարանը։ Ժողովուրդների միջև մշակութային կապերի գոյությունը նոր երևույթ չէ։ Հայ ժողովրդի և մյուս ժողովուրդների մշակույթների, նրանց առաջավոր ներկայացուցիչների փոխադարձ կապերը գալիս են հեռավոր անցյալից։ Բայց իրենց դրական նշանակությամբ հանդերձ, անցյալում այդ կապերը կրել են միայն պատահական բնույթ։ Այս կամ այն ժողովրդի կուլտուրական նվաճումների մասին առաջներում տեղյակ էին միայն մյուս ժողովուրդների առանձին ներկայացուցիչները։

Սոցիալիզմի դարաշրջանում դրությունը բոլորովին փոխվում է։ Կուլտուրական հեղափոխության իրականացման շնորհիվ ստանալով իրենց սեփական մշակույթին տիրապետելու բոլոր հնարավորությունները, ժողովրդական մասսաները միաժամանակ մեծ հետաքրքրություն են ցուցաբերում համաշխարհային մշակույթի նվաճումների նկատմամբ։ Կուլտուրական մերձեցման պրոցեսը սոցիալիզմի ժամանակ խորանում է, ընդլայնվում, նրա զարգացման տեմպերը տանում է դեպի սովետական ժողովուրդների միասնական մշակույթի ստեղծումը։

Նախապատերազմյան շրջանում դեռևս ուր էր սկսվում սոցիալիստական բոլոր ազգերի կուլտուրաների փոխադարձ ազդեցությունը։ Այդ շրջանում տիրապետողը ռուսական սովետական մշակույթի ազդեցությունն էր ՍՍՀՄ մյուս ժողովուրդների մշակույթների վրա, մի երևույթ, որը պայմանավորված էր պատմականորեն։ Կուլտուրական շինարարությանը զուգընթաց, որը հանգեցրեց ՍՍՀՄ ժողովուրդների կուլտուրական մոկարդակների հավասարեցման, գնալով ավելի որոշակիորեն էր արտահայտվում մշակույթների փոխադարձ հարստացման տեմպերը։ Կոմունիզմի շինարարության ժամանակաշրջանում այդ տեմպերը դարձավ ՍՍՀՄ ժողովուրդների մշակույթների զարգացման աչքի ընկնող գիծը։ Արդեն կարելի է նշել ոչ միայն ռուսական մշակույթի ազդեցությունը մյուս սոցիալիստական կուլտուրաների վրա, այլև մեր երկրի բոլոր ժողովուրդների կուլտուրաների փոխադարձ հարստացման ու մերձեցման ձևավորված պրոցեսը։ Հարկ է ընդգծել, որ մեր երկրի ժողովուրդների հարաբերությունները կրել են որակական փոփոխություններ։ Մշակութային կապերից, որպիսիք կային առաջներում, դրանք արդեն վերածվել են մշակութային կատարյալ համագործակցության։

Սովետական ժողովուրդների կուլտուրական համագործակցությունը հենվում է ՍՍՀՄ բոլոր ազգերի աշխատավորների՝ գնալով ամրապնդվող տնտեսական ու քաղաքական միասնության վրա։ Դեռևս «Կոմունիստական կուսակ-

ցության մանիֆեստում»¹ Կ. Մարքսն ու Ֆ. Էնգելսը մատնանշում էին, որ պատմական զարգացման ընթացքում ընդլայնվում են կապերը ժողովուրդների միջև, ուժեղանում է նրանց փոխազդեցությունը ինչպես տնտեսության, այնպես էլ մշակութի ասպարեզում: «Հին տեղական և ազգային կղզիացածության և սեփական արտադրության արդյունքների հաշվին գոյությունը սոհայանելուն փոխարինելու է գալիս ազգերի փոխադարձ բազմակողմանի կապն ու բազմակողմանի կախումը: Սա հավասարապես վերաբերում է ինչպես նյութական, այնպես էլ հոգևոր արտադրությանը: Առանձին ազգերի հոգևոր գործերի արգասիքը դառնում է ընդհանուր սեփականություն: Ազգային միակողմանիությունն ու սահմանափակությունն ավելի ու ավելի անհնար են դառնում»²:

ՍՍՀՄ ազգային մշակույթները զարգանում են սոցիալիստական գաղափարախոսության ընդհանուր հիմքի վրա: Սոցիալիստական գաղափարախոսությունը, որը սովետական մշակույթի բովանդակությունն է, ընդհանուր է ՍՍՀՄ բոլոր ժողովուրդների համար: Ունենալով սոցիալիստական ընդհանուր բովանդակություն, յուրաքանչյուր ազգային մշակույթ միաժամանակ տարբեր է իր ազգային առանձնահատկություններով, աղբյուրի ձևով: Մշակույթի ազգային առանձնահատկությունը երևան է գալիս ազգային ավանդույթների, ազգային ոճի ու երանգի մեջ, որոնք հատուկ են տվյալ ազգի մշակույթին: Ընդհանուր, բովանդակությամբ սոցիալիստական կոլտուրայի ստեղծման ժամանակաշրջանում այդ ազգային առանձնահատկությունները չեն համահարթվում, չեն վերանում: Ավելին, սովետական այս կամ այն ժողովրդի ազգային առաջադիմական առանձնահատկությունը ժողովուրդների կոլտուրաների մերձեցման շնորհիվ դուրս է գալիս ազգային շրջանակներից և ընդունվում մյուս ժողովուրդների կողմից: Հենց այդ առանձնահատկությունն է նշված Սովետական Միության կոմունիստական կուսակցության ծրագրում: «Ազգային ձևերը չեն քարանում, այլ կերպարանափոխվում, կստաբիլագործվում և մերձենում են միմյանց, ազատվելով հնացած այն ամենից, ինչը հակասում է կյանքի նոր պայմաններին»³:

Այսպիսով, ազգային մշակույթի զարգացումը կոմունիստական շինարարության պայմաններում նախատեսում է ոչ միայն մշակույթի սոցիալիստական համագործակցության ըստ ամենայնի զարգացում, այլև նրա ազգային ձևերի ու ազգային առանձնահատկության հետագա կուտարելագործում: Ընդ որում, մշակույթի ազգային առաջադիմական գծերն ու ավանդույթները պահպանվում և լայն տարածում են ստանում, իսկ հին, իրենց դարն ապրած ձևերը վերանում են: Այդ հիմքի վրա էլ մշակվում են Սովետական Միության ժողովուրդների ազգային մշակույթների ընդհանրության գծերը, որոնք, ազգային կոլտուրաներից յուրաքանչյուրի ամբողջ յուրօրինակությամբ հանդերձ, իրենց ամբողջության մեջ կազմում են միասնական սովետական մշակույթ:

Կոլտուրական շինարարության հարուստ փորձը ՍՍՀՄ-ում, այդ թվում Սովետական Հայաստանում, վկայում է, որ ազգային մշակույթների փոխու-

¹ Կ. Մարքս, Ֆ. Էնգելս, Կոմունիստական կուսակցության մանիֆեստը, Նրևան, 1952, էջ 40:

² «Սովետական Միության կոմունիստական պարտիայի ծրագիրը», էջ 138:

դարձ հարստացումն իրենից ներկայացնում է բեղմնավոր մի պրոցես, որը տանում է ոչ թե դեպի ազգային կուլտուրաների առանձնահատկությունների վերացում, այլ, ընդհակառակը, դեպի այն ամեն լավագույնի բացահայտումը, որով հարուստ է սովյալ ազգի կուլտուրան, դեպի այդ լավագույնի մասսայականացումը, այսինքն՝ նաև մյուս ազգերի սեփականություն դարձնելը: Բոլոր ժողովուրդների կուլտուրական նվաճումների վրա խարսխված ինտերնացիոնալ մշակույթը ամենեւին էլ ապազգային չէ: Այն իրենից ներկայացնում է մի միասնություն՝ բազմազանության մեջ: Եվ այդ բազմազանությունը սոցիալ-քաղաքական ու տնտեսական զարգացմանը զուգընթաց դառնում է բոլոր ժողովուրդների սեփականությունը:

Կոմունիստական կուսակցությունն ամեն կերպ օժանդակում է մեր երկրի ժողովուրդների կուլտուրաների փոխադարձ հարստացմանը, դրա մեջ տեսնելով կոմունիստական հասարակության մշակույթի ստեղծման հիմնական ուղին: Ընդ որում, առաջ է քաշվում սովետական բոլոր ազգերի ընդհանուր մշակույթի ինտերնացիոնալ հիմքի հետագա զարգացման, սոցիալիստական ազգերի կուլտուրաների ազգային ձևերի կատարելագործման ու մերձեցման, յուրաքանչյուր ազգի առաջադիմական ավանդույթները սովետական մյուս ազգերի սեփականությունը դարձնելու խնդիրը:

Հայ ժողովրդի մշակութային կապերը, որոնք 1950—1960-ական թվականներին հասան աննախընթաց զարգացման, վկայում են, որ հայկական մշակույթի զարգացումը բնորոշվում է ոչ միայն իր ծաղկմամբ, այլև մյուս ժողովուրդների մշակույթների հետ գնալով ընդլայնվող փոխադարձ հարստացմամբ ու մերձեցմամբ: Այս տենդենցն իր արտահայտությունն է գտել հայ ժողովրդի հոգևոր ստեղծագործության բոլոր բնագավառներում՝ գիտության, դրականության ու արվեստի մեջ:

Ժամանակակից գիտության զարգացումն անհնար է առանց նվաճումների փոխանակման: Սովետական մյուս հանրապետությունների գիտնականների հետ Հայաստանի գիտնականների համագործակցությունը արտահայտվում է ժողովրդա-տնտեսական կարևոր պրոբլեմների և տեսական հետազոտությունների մշակման, միասնական արշավախմբերի, գիտական սեսիաների ու կոնֆերանսների անցկացման, փորձի, գիտական հետազոտությունների արդյունքների փոխանակման և այլ ձևերով: Փոխադարձ հետաքրքրություն ներկայացնող գիտական պրոբլեմների համատեղ մշակման բազմապիսի օրինակներից է Հայաստանի, Վրաստանի և Ադրբեջանի գիտնական-էներգետիկների ստեղծագործական համագործակցությունը: 1950—1960-ական թվականներին այդ հանրապետությունների էներգետիկները նախապատրաստեցին և գիտականորեն հիմնավորեցին Անդրկովկասի էներգասիստեմի միավորման անհրաժեշտությունը: Այդ աշխատանքների շնորհիվ հնարավոր դարձավ ստեղծել Անդրկովկասի միասնական էներգասիստեմ, որը մեկ ընդհանուր ցանցի մեջ է ընդգրկում Հայաստանի, Ադրբեջանի ու Վրաստանի էլեկտրակայանները, ժողովրդական տնտեսությունը ապահովելով էլեկտրաէներգիայի ավելի հուսալի մատակարարմամբ:

Ստեղծագործական սերտ կապերով են բնորոշվում աստրոֆիզիկայի բնագավառի ուսումնասիրությունները: Հայկական ՍՍՀ գիտությունների ակադե-

միայն Բյուրականի աստրոֆիզիկական աստղադիտարանը գիտական կոնֆերանսների ու սիմպոզիումների կենտրոն է։ Բյուրականի աստղադիտարանը նշանակալից օգնություն է ցույց տվել Ադրբեջանական ՍՍՀ Շամախիի աստղադիտարանի կոնկերտին՝ հետազոտության նոր մեթոդների յուրացման գործում։ Բյուրականի աստղադիտարանի տերիտորիայում է գտնվում Լենինգրադի համալսարանի աստղագիտական բազան։ Այստեղ Լենինգրադի և Հայաստանի գիտնականները կատարում են համատեղ հետազոտություններ։ Իրենց հերթին Բյուրականի աստղադիտարանի շատ աշխատակիցներ Լենինգրադի համալսարանում են անցնում ուսուցման դասընթացը։

Ընդարձակվել ու զարգացել են հասարակական գիտությունների աշխատողների կապերը։ 1950—1960-ական թվականներին Հայաստանի գիտնականներն ակտիվ մասնակցություն ունեցան գիտական շատ կոնֆերանսների և սեսիանների՝ նվիրված պատմության, տնտեսագիտության, հնագիտության, ազգագրության, արևելագիտության, լեզվաբանության, գրականագիտության և հասարակական մյուս գիտությունների զանազան հարցերին։ Հատկապես բեղմնավոր էին Հայաստանի և Ուկրաինայի պատմաբանների ստեղծագործական կապերը։ Նրանք զբաղվում են հայ և ուկրաինական ժողովուրդների դարերի ի վեր հաստատված պատմական կապերի և Ուկրաինայում գոյատևած հայկական գաղթավայրերի պատմության ուսումնասիրությամբ։ 1959 թվականին՝ Նրևանում, 1962 թվականին՝ Կիևում և Լվովում, իսկ 1967 թվականին՝ կրկին Նրևանում կազմակերպվեցին հայ և ուկրաինական պատմաբանների համատեղ գիտական սեսիաներ։

Սովետահայ գիտության նվաճումները ճանաչում են գտել նաև մեր երկրի սահմաններից դուրս։ Ընդարձակվել են հայ գիտնականների միջազգային կապերը։ Արտասահմանյան մի քանի երկրներում թարգմանվել ու հրատարակվել են ակադեմիկոս Վ. Հ. Համբարձումյանի, Հայկական ՍՍՀ ԳԱ ակադեմիկոսներ Ն. Խ. Հարությունյանի, Ի. Գ. Մաղաքյանի, Վ. Ա. Ֆանարջյանի և այլ գիտնականների աշխատությունները։ 1965 թվականից Հայկական ՍՍՀ գիտությունների ակադեմիան սկսել է հրատարակել «Աստրոֆիզիկա» հանդեսը։ Այնուհետև այդ հանդեսը սկսեց լույս տեսնել նաև անգլերեն՝ ԱՄՆ-ում։ Հայագետների միջազգային շրջաններում մեծ համբավ ունի «Պատմա-բանասիրական հանդեսը», որ հրատարակում է Հայկական ՍՍՀ գիտությունների ակադեմիան՝ 1958 թվականից սկսած։ Նրան աշխատակցում են արտասահմանյան շատ երկրների հայագետներ։ 1960-ական թվականներին Նրևանում, արտասահմանյան գիտնականների մասնակցությամբ, կազմակերպվեցին Աստղագետների միջազգային միության սեսիան, միջազգային սիմպոզիում մաթեմատիկայի գծով, ֆիզիոլոգների կոնգրես և այլ կոնֆերանսներ ու սիմպոզիումներ։

Սովետական ժողովուրդների կուլտուրական համագործակցության զարգացման մեջ մեծ է գեղարվեստական գրականության դերը։ Գրականությունը բարերար ներգործություն և ազդեցություն ունի նոր մարդու հոգեկան կերպարի ձևավորման վրա։ Սովետական գեղարվեստական գրականությունը ժողովրդին մոտ է և հասկանալի հենց նրանով, որ արտահայտում է նրա շահերն ու նպատակները, հաստատում է կոմունիստական հասարակության գաղա-

փարենբերգ: Սովետական Հայաստանի գրողներն իրենց լուսման են մտնում ժողովուրդների բարեկամության ամրապնդման գործում: Ընդհանուր աշխարհայացքը, միևնույն նպատակներն ու խնդիրները այն հիմքն են, որի վրա խորը խաղվում է Սովետական Միության ժողովուրդների օրըստօրե զարգացող ու ծաղկող գրական բարեկամությունը:

Մեր երկրի ժողովուրդների կուլտուրաների փոխադարձ հարստացման յայտուն ցուցանիշներից մեկն էլ այն է, որ բոլոր ժողովուրդների գրական ժառանգությունն ու ժամանակակից գրական երկերը գնալով ավելի ու ավելի են դառնում սովետական յուրաքանչյուր ժողովրդի սեփականությունը: Հայ ժողովուրդը, մասնավորապես, հնարավորություն է ստացել իր մայրենի լեզվով կարդալու ողջ մեծ գրողների անմահ գործերը, մեր երկրի մյուս ժողովուրդների գրական լավագույն երկերը:

Գեղարվեստական գրականության թարգմանությունը գրականությունների մերձեցման, փոխադարձ ծանոթացման և հարստացման ամենագործնական ուղիներից մեկն է: 1950—1960-ական թվականներին հայերեն հրատարակվեցին ողջ, ուկրաինական, վրացական, ադրբեջանական, լիտվական և մյուս ժողովուրդների գրականությունների դասական գործերը, ինչպես նաև ժամանակակից գրողների ստեղծագործությունները: Մեր երկրի լավագույն գրողները միշտ էլ ընդգծել են փոխադարձ շփումների, ազգային գրականությունների լավագույն գործերը ՍՄՇՄ ժողովուրդների լեզուներով թարգմանելու անհրաժեշտությունը: Վրացական ականավոր գրող Կոստանդին Գամսախուրդիան իր «Վարպետաց-վարպետի աջը» վեպի հայերեն հրատարակման կապակցությամբ 1960 թվականին գրել է. «Ես մեծ հուզմունքով եմ վերցնում գրիչս այս մի քանի խոսքերը գրելու համար. ինձ համար, իրոք, ուրախալի է, որ իմ վեպը հնչելու է եղբայրական հայերի նշանավոր և հնագույն լեզվով... Մենք, վրացիներս, սիրում ենք ձեզ, հայերիդ, նաև նրա համար, որ մենք, երկվորյակների պես, նման ենք մեկս մյուսին: Մեր ժողովուրդների ողբերգական պատմությունները նման են միմյանց: Մեր սարերը, մեր լեռները, մեր դեռերը, վերջապես մեր լեզուներն ու ճարտարապետությունը ապացուցում են այդ բարեկամության նմանությունը... Հայաստանում ես ունեմ ևս մեկ լուսավոր ու մեծ բարեկամ, որի նկատմամբ տածած սերը միշտ էլ կենդանի է իմ մեջ,— դա հայ ժողովուրդն է, որը հայտնի է իր մշակույթով, իր բազմադարյան տառապանքներով և իր արիությամբ»:

Իրենց հերթին անցյալի ու ժամանակակից հայ գրողների՝ Հովհ. Թումանյանի, Ալ. Շիրվանզադեի, Ավ. Իսահակյանի, Դ. Դեմիրճյանի, Ե. Չարենցի, Մուրացյանի, Նար-Դոսի, Ստ. Զորյանի, Գ. Սարյանի, Վ. Անանյանի, Հր. Քոչարի, Շիրազի, Ս. Կապուտիկյանի, Պ. Սևակի և ուրիշների գործերը բազմիցս թարգմանվել ու հրատարակվել են ուղեւորներ, ինչպես նաև ՍՄՇՄ այլ ժողովուրդների լեզուներով: Ետպատերազմյան տարիները ՍՄՇՄ ժողովուրդների գրականությունների հետագա մերձեցման ժամանակաշրջան էին, մի հանգամանք, որը հանդիսացավ ժողովուրդների ընդհանուր կուլտուրական մոկարդակի բարձրացման կարևոր գործոն:

Զարգանալով ու հարստանալով ստեղծագործական նոր նվաճումներով, հայ գրականությունը, սովետական ամբողջ գրականության հետ միասին,

պատվով է կատարում իր մեծ դերը:

Ժողովուրդների բարեկամության ամրապնդման և մշակույթների փոխադարձ հարստացման մեջ մեծ դեր է խաղում արվեստը: 1950—1960-ական թվականներին նշանակալից չափով ընդլայնվեցին հայ արվեստի կապերը մեր երկրի մյուս ժողովուրդների արվեստների հետ: Այդ կապերն արտահայտվում են բազմապիսի ձևերով՝ թատերական կոլեկտիվների և կատարողների փոխադարձ հյուրախաղեր, արվեստի ու կուլտուրայի օրեր, շաբաթների և տասնօրյակների կազմակերպում և այլն: Ծննդատեղային տարիներին Հայաստանում ելույթներ ունեցան երկրի առաջատար թատերական կոլեկտիվները՝ ՍՍՀՄ Մեծ թատրոնը, Վրաստանի ու Ադրբեջանի օպերային և դրամատիկ թատրոնները, սովետական հանրապետությունների երգի-պարի անսամբլները և այլն: Մյուս կողմից, հայ արվեստի ներկայացուցիչները հյուրախաղերով Մոսկվայի, Վրաստանի, Ադրբեջանի, Ուկրաինայի և այլ հանրապետությունների ու մարզերի շատ քաղաքների աշխատավորությանը ներկայացրին հայ ժողովրդի արվեստը:

1965 թվականին անցկացվեցին հայ արվեստի տասնօրյակ՝ էստոնիայում և էստոնական արվեստի տասնօրյակ՝ Հայաստանում: 1967 թվականին, Հոկտեմբերյան սոցիալիստական մեծ հեղափոխության 50-ամյակի տոնակատարության կապակցությամբ, Մոսկվայում կազմակերպվեցին հայկական մշակույթի օրեր:

Հայ մշակույթը դուրս եկավ նաև համաշխարհային ասպարեզ: 1966 թվականին անցկացվեցին հայ արվեստի շաբաթներ՝ Չեխոսլովակիայում և Բուլղարիայում, իսկ 1967 թվականին՝ հայկական կուլտուրայի օրեր՝ Լեհաստանում: Հայաստանը հյուրընկալեցին ընդունեց Բուլղարիայի ու Չեխոսլովակիայի արվեստի ներկայացուցիչներին:

Հայկական ՍՍՀ-ն մասնակցեց Բրյուսելի (1958) և Մոնրեալի (1967) միջազգային ցուցահանդեսներին: Այդ ցուցահանդեսներում հայ արվեստի վարպետների ելույթները, ինչպես նաև հայ նկարիչների գործերը ունեցան մեծ հաջողություն և արժանացան մրցանակների:

Ազգային կուլտուրաների մերձեցման և փոխադարձ հարստացման գործում մեծ դեր խաղացին ՍՍՀՄ ժողովուրդների կուլտուրաների աչքի ընկնող գործիչների հոբելյանների տոնակատարությունները, որոնք արդեն ավանդական ուժ են ստացել ու դարձել են մեր երկրի բոլոր ժողովուրդների մշակույթների ընդհանուր տոներ: 1962 թվականին երկրում լայնորեն նշվեց ադրբեջանական ականավոր մտածող և լուսավորիչ Միրզա Ֆաթալի Ախունդովի ծննդյան 150-ամյակը, 1963 թվականին՝ հայ մեծ բանաստեղծ, Անդրկովկասի ժողովուրդների բարեկամության երգիչ Սայաթ-Նովայի ծննդյան 250-ամյակը, 1966 թվականին՝ վրաց մեծ բանաստեղծ Շոթա Ռուսթավելու ծննդյան 800-ամյակը: Հայ գրողներն ու արվեստագետները գործունե մասնակցություն ունեցան այդ և մյուս հոբելյաններին:

ՍՍՀՄ ժողովուրդների կուլտուրական համագործակցությունը գաղափարական և ստեղծագործական հզոր ուժ է, որը նպաստում է աշխատավորների կոմունիստական դաստիարակությանը, սովետահայ մշակույթի հետագա զարգացմանն ու ծաղկմանը:

ԳՐԱԿԱՆՈՒԹՅՈՒՆԸ

1. ԳՐԱԿԱՆՈՒԹՅՈՒՆԸ ԵՏՊԱՏԵՐԱԶՄՅԱՆ ԱՌԱՋԻՆ ՏԱՍՆԱՄՅԱԿՈՒՄ

1946 թվականին, պատմական նոր իրադրության պահանջով, ՀամԿ(Բ)Կ կենտկոմը գաղափարական աշխատանքի մասին ընդունեց մի շարք որոշումներ («Զվեզդա» և «Լենինգրադ» ամսագրերի մասին, «Դրամատիկական թատրոնների խաղացանկի և նրա բարելավման միջոցառումների մասին» և «Մեծ կյանք» կինոֆիլմի մասին):

Այդ որոշումներում առաջադրվեցին սովետական գրականության և արվեստի զարգացման նոր շրջանի գլխավոր խնդիրները:

Առաջնահերթ խնդիր համարվեց բուրժուական գաղափարախոսության խորթ ազդեցությունների հաղթահարումը և սովետական մարդկանց գեղարվեստական լիարժեք կերպարների ստեղծումը:

Նույն թվականի սեպտեմբերին, տեական ընդմիջումից հետո, գումարվեց Հայաստանի գրողների երկրորդ համագումարը, ուր քննարկվեցին գրական-ստեղծագործական աշխատանքի արժատական հարցեր: Պոեզիայի, արձակի, թատերագրության, քննադատության և գրականագիտության անցած ճանապարհի ու արդի վիճակի հանգամանալի վերլուծությունից բացի, համագումարում արծարծվեցին գրականության գաղափարայնության ու ժողովրդայնության, դասական ժառանգության ավանդների քննադատական յուրացման ու գեղարվեստական վարպետության, թեմատիկայի հարստացման ու ժամանակակից գրական լեզվի զարգացման խնդիրները:

Գրողների համագումարն անցավ սովետական հասարակության կյանքը գաղափարական խորությամբ ու բարձր արվեստով արտացոլելու նշանաբանով: Այն վճռական նշանակություն ունեցավ գրականության զարգացման համար, գրողների ուշադրությունը կենտրոնացնելով արդիական թեմաների ու գրվածքների քաղաքացիական կենսական բովանդակության խորացման վրա:

Համագումարում արտահայտվեցին նաև անձի պաշտամունքի հետ կապված որոշ վարչարարական միտումներ. մասնավորապես սխալ գնահատվեցին Հայրենական պատերազմի տարիներին ասպարեզ եկած պատմական վեպերն ու մի շարք երիտասարդ բանաստեղծների (Ս. Կապուտիկյան, Գ. Էմին, Մ. Մարգարյան) ստեղծագործության քննարկման մոտիվները: Այդ սխալները բխում էին սոցիալիստական ռեալիզմի մեթոդի աղանդավորական, վարչարարական մեկնաբանությունից: Ժխտվում էր պատմական թեմայի և

անհատական ապրումների քնարի գոյության հնարավորությունը սոցիալիստական արվեստի շրջանակներում:

Համագումարին մասնակցելու համար հրավիրված էին նաև սփյուռքահայ գրականության մի շարք ներկայացուցիչներ (Զ. Որբունի, Կ. Սիտալ, Լ. Մեսրոպ, Վ. Վահյան և ուրիշներ): Հայաստանի գրողների միության նախագահ Ավետիք Իսահակյանը համագումարի բացման խոսքում այդ փաստը գնահատեց որպես սովետահայ և սփյուռքահայ գրականությունների մերձեցման առաջին լուրջ ձեռնարկում, որպես նշանավոր երևույթ բազմադարյան հայ գրականության պատմության մեջ: Համագումարում հատուկ զեկուցում կարդացվեց «Արտասահմանյան ժամանակակից հայ գրականությունը» թեմայով (զեկուցող՝ Էդ. Թոփչյան): Առաջին անգամ խոսակցություն բացվեց մեծ եղեռնի արհավիրքներից հետո աշխարհով մեկ ցրված գաղթավայրերում զարգացող հայ գրականության ուղիների ու միտումների շուրջը: Մասնավորապես ընդգծվեց հայ սովետական գրականության բարեբար նշանակությունը սփյուռքի գրողների երկերը թափանցած հուսահատությունը հաղթահարելու և ազգապահպանման ոգին ուժեղացնելու գործում:

Նստադատերազմյան առաջին տասնամյակը որոշ իմաստով, մանավանդ թեմատիկայով, հանդիսացավ պատերազմի տարիների գրական ընթացքի շարունակությունը: Օգտվելով պատերազմի ուղիներում կուտակած կենսափորձից ու պատերազմի վերապրումների հարուստ պաշարից, գրողները նորից ու նորից դիմեցին ֆաշիզմի դեմ սովետական ժողովրդի մղած հերոսական պայքարի անմոռանալի դրվագներին:

Ազատագրական պայքարում ժողովրդի ցուցաբերած հերոսության ու բարոյական ամրության թեմայի հիմնական յուրացնողը եղավ մեծ կտավը՝ Վեպը: Այս ժանրում հանդես եկան Հր. Քոչարը («Մեծ տան զավակները»), Հմ. Սիրսար («Արարատ»), Ս. Խանզադյանը («Մեր գնդի մարդիկ»), Քր. Թափալցյանը («Պատերազմ»-ի առաջին և երկրորդ հատորները), Մ. Շաթիրյանը («Զինվորներ») և ուրիշներ:

Հայ գրողների ռազմական վեպերում, ինչպես և սովետական մյուս ազգերի գրողների երկերում, այս կամ այն չափով արտահայտվեցին սխեմատիկ պատկերացումներ (մասնավորապես մեր զորքերի նահանջի ողբերգական շրջանի մասին) և պատերազմը գունազարդելու միտումներ: Անկախ այս և ուրիշ թերություններից (կենցաղային նյութի ծանրաբեռնում, հոգեբանական ճշմարտության փոխարինում հրապարակախոսական ճառերով, վիսպական կոնֆլիկտների անբավարար խորություն), այդ վեպերում արտացոլվեցին «խրամատային ճշմարտության» որոշ իրական գծեր և ստեղծվեցին սովետական հայրենասերների մի շարք կերպարներ:

Պատերազմի մասին գրված վեպերից հաջողվածը Հրաչյա Քոչարի «Մեծ տան զավակները» գիրքն է (առաջին հատորը լույս տեսավ 1953 թվականին, երկրորդը՝ 1957 թվականին): Վեպի հիմքում դրված է հայկական այն դիվիզիայի հերոսական գործերի պատմությունը, որը ձևավորվել էր դեռևս քաղաքացիական պատերազմի օրերին: Քոչարը նկարագրում է դիվիզիայի մասնակցությունը պաշտպանական ծանր մարտերին (առաջին հատոր) և Ստալինգրադի ճակատամարտին (երկրորդ հատոր):

Սովետական բազմազգ զինվորների հերոսական բնավորության ձևավորման գեղարվեստական խնդիրը լուծելու համար հեղինակն առանձնահատուկ ուշադրություն է դարձրել ժողովուրդների գաղափարական-հոգեկան շահերի միասնության թեմային։ Ռեմանտիկական-քնարական շնչով նա պատմում է Մեծ տան զավակների արյամբ սրբազործված եղբայրության, հայրենասիրական ապրումների, հոգեկան շահերի միասնության մասին։ Վեպի միջով կարմիր թելի պես անցնում է «տարբեր են ծննդավայրերը, բայց հայրենիքը մեկ է» նշանաբանը։ Այս գիտակցությունը ամենազորեղ մարտական զենքն էր, որով հայրենիքի զինվորները համախմբվեցին՝ պաշտպանելու վտանգված երկիրն ու ժողովուրդներին խաղաղ աշխատանքը։

Սովետական բանակի շարքային զինվորների, հրամանատարների, ժողովրդական վրիժառուների սխրանքների մասին պատմելուց բացի, Հր. Քոչարը «Մեծ տան զավակները» վեպում ցուցադրեց նաև պատերազմի իրադրության հետ կապված դժվարությունների առանձին կողմերը։ Մանր պայմաններում հաղթանակի հեռանկարը կորցրած հուսահատության հոգեբանությունը նա արտացոլեց գեներալ Գալունովի, իսկ փառասիրության թեման՝ Ուխարովի կերպարներով։ «Մեծ տան զավակները» թարգմանվեց ռուսերեն և արժանացավ ուշադրության։

Պատերազմի տարիների թիկունքի կյանքի մասին է պատմում Մ. Արմենի. «Ցասլա» վեպը (1952)։ Դրամայի ասպարեզում ուշագրավ էր Գ. Բորյանի «Բարձունքներում» պիեսը (1947), ուր քնարական ջերմ շնչով ներկայացվում են Կովկասի հերոս-պաշտպանների մարտական բարեկամության դրվագները։

Անցած պատերազմի վերհուշի հիմքի վրա ձևավորվեց հայ պոեզիայի հերոսական բովանդակությունը։ Շարունակելով ռազմաճակատային քնարի ավանդները, պոեզիան դարձավ իր արյունը հայրենի հողին նվիրաբերած սերնդի կերպարին։ Հր. Հովհաննիսյանի «Իմ կյանքի երգը» (1947), Գ. Բորյանի «Լիրիկական լուսաբաց» (1945), Վ. Դավթյանի «Առաջին սեր» (1946), Հ. Սահյանի «Որոտանի եզերքին» (1946) ժողովածուների, Արշ. Սարգսյանի, Վ. Արամյանի, Դ. Կոմունու և մյուս նախկին ճակատայինների բանաստեղծությունների քնարական հերոսները այն երիտասարդներն են, որոնք իրենց ապրումներով ու երազանքներով հաստատում են հայրենի հողին հավատարիմ մնալու նվիրական գաղափարը։ Պատերազմի զինվորի հավատարմության ու հավատի բյուրեղացումն է Համո Սահյանի «Նաիրյան դալար բարդի» բանաստեղծությունը, ուր որպես կեցության բարձր շափանիշ մեծարվում է հայրենի եղերքը։

... Ես երգիչ հրի, սրի, շահ չունեմ քո սիրուց զատ,
Քեզ նման կանաչ կյանքով, քեզ համար ելած մարտի,
Կմեռնեմ, միայն թե դու դարերում ազատ խըշշառ,
Իմ հեռո՛ւ, հեռո՛ւ, հեռո՛ւ, նաիրյան դալար բարդի։

Սովետական երիտասարդի հերոսական բնավորությունը բացահայտելու առումով նշանակալից էին Հր. Հովհաննիսյանի սոնետներն ու բալլադները։ Հերոսական տարեգրություններին բնորոշ ոճով բանաստեղծը օրհնում է հի-

շատակն այն նահատակներին, ովքեր իրենց արշամբ սրբագործեցին հայրենիքի հավերժությունը:

Իր դրական ուղին սկսելով պատերազմի տպավորություններով, Վահագն Դավթյանը գրեց «Ճանապարհ սրտի միջով» (1953) քնարական ասքը: Նյութ դարձնելով հայ ժողովրդի խիզախ զավակ Հունան Ավետիսյանի հայտնի սրբագործությունը, Վ. Դավթյանը այդ պոեմում բացահայտել է սովետական հայրենասիրության աղբյուրներն ու հերոսության հոգեբանությունը:

Սովետական գրականության մեջ, նրա պատմության ամբողջ ընթացքում, պատերազմի թեման անբաժան է եղել խաղաղության գաղափարից: Խաղաղության թեման հատկապես կարևորվեց հապատերազմյան առաջին տասնամյակում՝ նոր պատերազմը կանխելու համար ծավալված խաղաղության համաշխարհային շարժման օրերին: Հավատարիմ մնալով սովետական գրականության մարդասիրական սկզբունքներին, հայ գրողները ևս իրենց գրվածքներում արձագանքեցին այդ շարժմանը:

Նաիրի Զարյանի «Խոսք աշխարհին», «Պատասխան ժանիս Զուլմաշին», «Խաղաղության աղավնին» բանաստեղծություններում, Հովհաննես Շիրազի «Գիրք խաղաղության և սիրո» (1949), Պ. Սևակի «Անմահները հրամայում են» (1949), Մ. Մարգարյանի «Մոր ձայնը» (1950), Ա. Գրաշու «Երգը թռչում է աշխարհով մեկ» (1952) ժողովածուներում, Գ. էմինի, Սարմենի, Ս. Տարոնցու ոտանավորներում հրապարակախոսական կրթող խոսքով պաշտպանվում է խաղաղության սովետական գաղափարախոսությունը:


Քաղաքական բանաստեղծություններից ու հրապարակախոսական հոգվածներից զատ, խաղաղության գաղափարը ներթափանցեց հայ արձակի այն երկերը (Ստեփան Ալաջաջյան՝ «Անապատում», «Պարտություն», Աբիգ Ավագյան՝ «Շիկացած հողը», Գարեգին Սևունց՝ «Թեհրան»), որոնք նվիրված էին Արևելքի ժողովուրդների ազգային-ազատագրական շարժումներին: «Իրանական նոթեր» հրապարակախոսական գրքից հետո «Թեհրան» երկհատոր վեպում (1952) Գ. Սևունցը իրանական ռեակցիայի դեմ դեմոկրատական ուժերի մղած պայքարը մեկնաբանում է որպես խաղաղության շարժման յուրահատուկ արտահայտություն: «Թեհրանը» թարգմանվեց սովետական և արտասահմանյան մի շարք ժողովուրդների լեզուներով:

Հայ ժողովրդի մոտավոր անցյալը պատկերող վեպերից ուշագրավ էին Խաչիկ Դաշտենցի «Խոզեղանը» (1949) և Աղավնու «Շիրակը» (1953): Մի ընտանիքի կենսագրության օրինակով Դաշտենցը ներկայացրել է 1915 թվականի մեծ եղեռնի արհավիրքները, իսկ Աղավնին ժողովրդական կյանքի հյուսիս գույներով ցուցադրեց հեղափոխական ինքնագիտակցության կազմավորման ընթացքը հայ գյուղում: «Շիրակը», թարգմանվելով ռուսերեն, արժանացավ դրական գնահատության և համարվեց հայ արձակի նվաճումը:

Հայ գրականությունը նշված տասնամյակում չբավարարվեց միայն պատերազմի ու անցյալի նյութով: Նրա հիմնական բովանդակությունը դարձավ ժողովրդի արդիական կյանքն ու աշխատանքը: Ժամանակակից թեմայով գրվեցին զգալի քանակությամբ վեպեր ու պոեմներ, պիեսներ ու բանաստեղծություններ: Բայց արդիականության պրոբլեմների գեղարվեստական յուրացումը տեղի ունեցավ բարդ ու հակասական ընթացքով: Ռեալիստական առողջ

սկզբունքների կողքին գրականության մեջ պարարտ հող գտան մակերեսային ու սխեմատիկ արտացոլումները, գունազարդումն ու երևույթների անկիրթ արծարծումները: Բանվոր դասակարգի և գյուղի մասին պատմող մեծաթիվ վեպերում մարդկանց իրական հարաբերություններին ու հոգեբանությանը փոխարինեցին անարյուն սխեմաներն ու հովվերգական մտացածին միջավայրը: Վեպերի մեծ մասը ողողվեց կենցաղային մանրուքների նատուրալիստական նկարագրություններով: Պիեսներից դուրս մղվեց դրամատիզմի կարևորագույն սլոյմանը՝ մարդու հոգեկան ներքին դրաման: Քնարերգության մեջ բարգավաճեցին ներբողագրական, շքեղադարձ ոճերն ու արտահայտչական հակառակադասական եղանակները՝ ճառն ու խրատը:

Այս երևույթների առաջացման սպառնալույսը, հասարակական կյանքի զարգացման նոր ձևերի ու միտումների անբավարար ճանաչողությունից բացի, նաև այն մթնոլորտն էր, որ թելադրում էր անձի պաշտամունքը: Գրական ընթացիկ կենցաղում սովորություն դարձան կյանքի այս կամ այն երևույթի գրոհային արձագանքի սկզբունքը, վարչարարությունն ու պատեհապաշտությունը: Ռեալիստական գրականության զարգացմանը անհամատեղելի գոնում-զարդումն ու անկոնֆլիկտայնությունը այնքան մեծ տարածում գտան, որ «հիմնավորվեցին» անգամ տեսականորեն: Դա համարվեց «սոցիալիստական արվեստի բովանդակական ոճի» բնորոշ արտահայտություն:



Գրող Եղիշեի Եղիշյան

Նտպատերազմյան տասնամյակում տեղ գտած այս երևույթները, որքան էլ տարածված ու ամուր լինեին, այնուամենայնիվ, չէին կարող կասեցնել գրականության առաջընթացը: Ժամանակի վարչարարական դժվարությունների միջով և գեղագիտական մոլորությունները հաղթահարելով, իր իրավունքներն էր հաստատում ժամանակակից մարդու և ժողովրդի կյանքը պատկերող ռեալիստական արվեստը: Այս շրջանում Ն. Զարյանը ամբողջացրեց «Հացավան» վեպը (1947), գրեց «Աղբյուրի մոտ» (1949) և «Փորձադաշտ» (1950) կատակերգությունները: «Անկոնֆլիկտ դրամայի» տեսության տիրապետության պայմաններում Ն. Զարյանը բեմ հանեց սովետական հասարակության հակասությունները ներկայացնող կերպարներ, դրանց թվում դասական թատերադրության արժանի այնպիսի կերպար, ինչպիսին Բալաբեկն է: Անհատապաշտական հոգեբանությունը մարմնացնող Բալաբեկը, որպես հատուկ անուն, մտավ ժողովրդի մեջ:

Գյուղի զարգացման դժվարություններն ու հոգսերը արտացոլելու դիրքավորումով ժամանակի «հովվերգական վեպերից» առանձնացավ Սերո Խան-

զադյանի «Հողը» (1954): Պատմելով Զանգեզուրի լեռնային գյուղերից մեկի մարդկանց դժվարին պայքարի ու աշխատանքի մասին, Ս. Խանդադյանը «Հողը» վեպում կերտեց նաև ժողովրդի բարոյական բարձր գծերը մարմնացնող մի շարք կերպարներ (Գարեգին Մովսիսյան, Մանուշ, Բաղդասար պապ): «Հողը» միացավ սովետահայ արձակի բնաշխարհիկ ուղղությանը: Այդ ուղղության ամենաընդգծված դեմքը այս ժամանակաշրջանում Վախթանգ Անանյանն էր: Նրա որսորդական ու բնասիրական պատմվածքների պրակները, ինչպես նաև համամիութենական մրցույթներում մրցանակի արժանացած «Սևանի ափին» (1951) և «Հովաղաձորի գերիները» (1956) վիպակները, Թարգմանվեցին քսանից ավելի լեզուներով:

Այս ժամանակաշրջանի պոեզիայի զարգացումը ևս ընթացավ ստեղծագործական հակասություններով: Բանաստեղծական ժողովածուների մեծ մասին պակասում էր ինքնուրույն հայացքը կյանքի հանդեպ: Վերամբարձ ոճերը փոխարինեցին արտահայտման ռեալիստական ձևերին, հրապարակախոսական անկենդան դարձվածքները՝ քնարական սկզբունքին, նկարագրական երկարաբանությունը՝ հասարակական այրող հարցերի ինքնատիպ լուծումներին: Բանաստեղծական ձիրք ունեցողները կա՛մ դժվարությամբ էին հաստատում մարդու ներքին աշխարհի հարստությունը արտահայտելու անվիճելի իրավունքը, կա՛մ, ընկնելով ծայրահեղության մեջ, կենսական բարձր սկզբունքը փոխարինում էին մանրաթեմայնությամբ ու «քնարական գեղեցկագրությամբ»: Հայ սովետական պոեզիայի զարգացումը կաշկանդող երևույթների մասին լուրջ խոսակցություն բացվեց գրողների երրորդ համագումարին (1954, հուլիս) նախորդած բանավեճում:

Տասնամյակի քնարերգությունը, անտարակույս, ճգնաժամի մեջ չէր, ինչպես ենթադրում էին բանավեճի որոշ մասնակիցներ: Հաղթահարելով վարչարարական արգելքներն ու գեղագիտական նախապաշարմունքները, բանաստեղծների նոր սերունդը պոեզիա բերեց ժամանակի գծերն ու հոգեբանությունը: Ներբողագրական բանաստեղծության վերակենդանացած ձևերը հաղթահարելու և կյանքի նկատմամբ սեփական հայացք մշակելու առումով ընդգծվեցին Գ. էմինի, Ս. Կապուտիկյանի, Հ. Սահյանի նոր գրքերը:

1951 թվականին Պետական մրցանակի արժանացավ Գ. էմինի «Նոր ճանապարհ» բանաստեղծությունների ժողովածուն, որը վերակենդանացնում էր Ե. Զարենցի քաղաքաշինական բանաստեղծության ավանդները:

1952 թվականին Պետական մրցանակի արժանացավ նաև Սիլվա Կապուտիկյանի «Ե՛մ հարազատները» (1951) ժողովածուն: Սովետական հայրենիքի տարբեր անկյունները ճանապարհորդած բանաստեղծուհին այդ գրքում պատմում է սովետական մարդկանց հարազատության ու բարեկամության մասին, որով ամրացավ կեցության սոցիալիստական ոճը: «Ե՛մ հարազատները» բազմազան հետաքրքրություններով, լայն շնչով, զգացմունքներով հարուստ գիրք է: «Ե՛մ հարազատները» բանաստեղծուհուն գրավում են ոչ թե ինչ-ինչ էկզոտիկ հատկանիշներով, այլ առօրյայի գեղեցկությամբ, ժամանակակիցների հոգեկան գծերի հարստությամբ, աշխատանքի ստեղծարար բովանդակությամբ:

Ս. Կապուտիկյանի ստեղծագործության լավագույն էջերից մեկը սիրա-

յին քնարն է, որով նա բարոյական բարձր շափանիշներ տվեց երիտասարդ բնթևը:

Անհատական ապրումների ազնվությամբ աչքի ընկավ նաև Մ. Մարգարյանի «Փշատեհի» (1953) գիրքը:

Պոեզիայում ռեալիստական արտահայտչությունն ու ժողովրդական կենդանի ոճը վերակենդանացրեց Համո Սահյանը, 1955 թվականին ասպարեզ բերելով «Բարձունքի վրա» ժողովածուն: Բնությանը նվիրված ոտանավորներով և բնանկարներով նա արտահայտում է ժամանակակիցների տաղնասյներն ու երազանքները, մանկության կարոտն ու հավատարմությունը հայրենի հողին: Ազգային-ժողովրդական ավանդներով իր ճաշակը կրթած բանաստեղծը տվեց լեռնային բնության այնպիսի ներշնչված պատկերներ, որոնք կարելի է դասել բնանկարչության դասական արժեքների շարքը:

Գրականագիտության դարգացման վրա բացասական ազդեցություն ունեցավ 1952 թվականին կազմակերպված բանավեճը, որը նվիրված էր «միասնական հոսանքին»: Անցյալի գրողների ու մտածողների արդիական, նշանակության պրոբլեմի գիտական քննության փոխարեն՝ այդ բանավեճում ասպարեզ բերվեցին նրանց ժառանգության ժխտման վնասակար միտումներ: Ազգային-ազատագրական շարժումների դեմոկրատական բովանդակության և անցյալի մի շարք խոշոր գործիչների (Բաֆֆի, Ստ. Նազարյան, Ռ. Պատկանյան) ժառանգության հակադիտական մեկնաբանություններից բացի բանավեճում միտումնավոր քննադատության ենթարկվեցին մի շարք ականավոր գիտնականների (Մ. Աբեղյան, Ա. Տերտերյան) գրականագիտական աշխատությունները:

Չնայած աննպաստ պայմաններին՝ աղանդավորական կաշկանդումներին, գրականագիտությունը դրական արդյունքների հասավ մասնավորապես մեծ լուսավորիչ Խ. Աբովյանի և հեղափոխական-դեմոկրատ Մ. Նալբանդյանի ժառանգությունը հետազոտելու ասպարեզում:

Խ. Աբովյանի մահվան 100-ամյակի և Մ. Նալբանդյանի ծննդյան 125-ամյակի հոբելյանները, որոնք տոնվեցին համամիութենական ծավալով, նրանց գրական ու հրապարակախոսական ժառանգության ուսումնասիրման նոր փուլի սկիզբ դարձան: Հրապարակված գրքերից գրականագիտական լուրջ արժեքներ են Ա. Տերտերյանի «Աբովյան» մենագրությունը և Ա. Ինճիկյանի «Մ. Նալբանդյանի կյանքի տարեգրությունը»:

Ծաղկաբույսի դարձյալ առաջին տասնամյակում դրական գործ արվեց հայ մարքսիստական գրաքննադատության հիմնադիրներ Ստ. Շահումյանի և Ս. Սպանդարյանի ժառանգությունը մասսայականացնելու ուղղությամբ: Մ. Ա. բեղյանի անվան գրականության ինստիտուտը ավարտեց պրոլետարական գրականության հիմնադիր Հակոբ Հակոբյանի երկերի հրատարակությունը:

2. ԳՐԱԿԱՆՈՒԹՅՈՒՆ ԱՐԴԻ ԺԱՄԱՆԱԿԱՆԵՐԶԱՆՈՒՄ

Հայ սովետական գրականության արդի շրջանը (1956—1968) աչքի ընկավ նոր միտումներով, գրականության կենսական բովանդակության խորացման ու արտահայտչական ձևերի նորացման ընդգծված հատկանիշներով:

Գրականության բոլոր ժանրերի զարգացման համար բարերար նշանակություն ունեցավ սովետական հասարակության կյանքում լենինյան դեմոկրատիայի սկզբունքների հաղթանակը:

Մարդու հոգեբանության ճանաչման տեսանկյունը և իրականության սոցիալական կապերի վերլուծման սկզբունքը՝ մեծ ու բովանդակալից արվեստի վճռական չափանիշները, դարձան գրականության ուղեցույց նշանաբաններ: Թոթափելով աղանդավորական կաղապարները և իր էության սխալաստիկական մեկնաբանությունները, սոցիալիստական ռեալիզմի մեթոդը վերստին հաստատեց բազմամյա փորձով ստուգված չափանիշների կենսունակությունը: Սոցիալիստական ռեալիզմը գիտակցվեց որպես իրականության հակասությունները բացահայտող, հասարակական զարգացման օրինաչափությունները իմաստավորող, գրականությունը բազմազան ձևերով ու ոճերով հարստացնող մեթոդ:

Հայաստանի գրողների երրորդ (1954, հուլիս) և չորրորդ (1959, հունվար), ինչպես և սովետական գրողների համամիութենական երկրորդ (1954, դեկտեմբեր) և երրորդ (1959, մայիս) համագումարները, ամփոփելով ետպատերազմյան գրականության դրական արդյունքները և բացահայտելով գրականության զարգացումը կաշկանդող երևույթների պատճառները, արդյունավետ ուղիներ նշեցին ժողովրդի և կյանքի հետ գրականության կապերը խորացնելու, նրա բովանդակությունը հարստացնելու, գրական վարպետությունը բարձրացնելու համար: Առաջնահերթ խնդիր համարվեց նախորդ տասնամյակի գրականության մեջ արտահայտված վնասակար երևույթների (իրականության գունազարդում, հակասությունների կոծկում, սխեմատիզմ և այլն) հաղթահարումը և ժամանակակիցների հոգեբանության հետազոտումը:

Արդի շրջանի գրականության զարգացման ցայտուն կողմերից մեկն այն է, որ երկար ճանապարհ անցած հեղինակների կողքին ստեղծագործական դիրքերում ամրապնդվեց բանաստեղծների ու արձակագիրների մի նոր, շնորհալի սերունդ: Այս սերունդը բերեց ժամանակակիցների հոգեբանության մեջ խորանալու և գեղարվեստական ձևերը նորացնելու առողջ միտումներ:

Հասարակական գիտակցության մեջ կատարված էական տեղաշարժերը, մարդու գնահատման հումանիստական չափանիշները և ժողովրդի ստեղծագործ աշխատանքը այս շրջանում՝ կյանքի կոչեցին վեպերի ու վիպակների, բանաստեղծությունների ու պոեմների, պատմվածքների ու դրամաների, ուղեգրական նոթերի ու մեմուարների մի վարար հոսանք: Դա միայն քանակ չէ, այլև գեղարվեստական այնպիսի որակ, որ նշանավորում է գրականության առաջընթացը և գծում նրա զարգացման գրավիչ հեռանկարները:

Գրականության առաջընթացում բացառիկ արդյունավետ նշանակություն ունեցան տեղական բաժանումից հետո նորից շարք վերադարձած Եղիշե Չարենցի և Ակսել Բակունցի ավանդները: Ե. Չարենցի հռչակած քաղաքացիական քնարի սկզբունքները և նրա պոեզիայի կենդանի չափանիշները արգասավորեցին ժամանակի գեղարվեստական մտածողությունը՝ կոչելով նրան դեպի մարդու իրական գիտակցության բացահայտում, դեպի ժամանակի սոցիալական այրող հարցերի ու ժողովրդի անցած ճանապարհի խոր իմաստավորում: Ա. Բակունցի արձակի ավանդները կարևոր նշանակություն ունե-

ցան ժամանակակից գրականության ազգային նկարագիրը հաստատելու և ռեալիստական հայացքը խորացնելու մեջ:

Պատմական նոր իրադրության հանդեպ առանձնապես զգալուն դառնալից հայ բանաստեղծների քնարը: Հաղթահարելով նախորդ տասնամյակի հեռավորական ընկերն ու ներբողագրական սխեմաները, պոեզիան դուրս եկավ զարգացման նոր բնագծեր: Բանաստեղծական պատկերի ներքին հարստություն, հումանիստական բարձր հայացք, հոգեբանական խորացում, քաղաքացիական ներշնչանք, բանաստեղծական ձևերի ու կառուցվածքների բազմազանություն,—սրանք արդի շրջանի հայկական պոեզիայի այն հատկանիշներն են, որոնցով նա արժանացավ համամիութենական ճանաչման:

Պոեզիայի զարգացման մեջ վճռական դեր խաղաց այն ճշմարտության ըմբռնումը, որ մարդու իրական գիտակցության ու ներքին աշխարհի հարստության ճանաչումն է նրա առարկան,—դարերով հաստատված ճշմարտություն, որ մի որոշ ժամանակ փոխարինվեց «տիեզերական անհատին» փառաբանող օղաներով:

Ջարգացման նոր ուղիները ճշտելու համար պոեզիան այս շրջանում հետադարձ մի հայացքով դարձավ իր անցած ճանապարհին: Թե՛ տեսության մեջ, թե՛ բուն բանաստեղծության ներսում խոսակցություն բացվեց նրա առարկայի, հասարակական կոչման ու խնդիրների շուրջը: Խոսակցության նյութ դարձան ոտանավորի հուզական և դատողական սկզբունքների համադրման, ավանդականի և նորարարականի, դասական կառուցվածքների և արտահայտչական նորագույն ձևերի հարաբերության, բանաստեղծական պատկերի յուրահատկության, պոեզիայի նախահիմքերի, նրա նորացման ու հարստացման աղբյուրների, իսկական ժողովրդայնության և ժողովրդական տարող հագած, բայց ըստ էության արխայիկ ոճաբանության հարցերը: Անկախ ծայրահեղություններից ու սխալ դատողություններից, պոեզիայի շուրջը ծավալված վեճերը դրական նշանակություն ունեցան՝ հաստատելով մի շարք էական ճշմարտություններ: Եվ դրանց թվում ամենաէական ճշմարտությունը, որ անհատական գույների և ընկալումների զանազանությամբ հանդերձ, բանաստեղծները պարտավոր են լինել իրենց ժամանակի ու ժողովրդի կյանքի արտահայտիչները, լուծելու «մարդու մարդկայնացման» հումանիստական խնդիրը:

Դատապարտելով ներբողագրական, անհույզ ու վերամբարձ բանաստեղծությունը, արդի շրջանի պոեզիան գնաց հոգեբանական խորացումների ու քաղաքացիական բովանդակության հարստացման ճանապարհով:

Հայ սովետական պոեզիայի վերելքին իրենց մասնակցությունը բերեցին թե՛ սովազ սերնդի բանաստեղծները (Ն. Զարյան, Գ. Սարյան, Վ. Նորենց, Ս. Տարոնցի, Գ. Մահարի, Սարմեն, Ա. Գրաշի), թե՛ միջին սերունդը, որ դարձավ արդի շրջանի գրականության առաջատար ուժը, և թե՛ աճման արագություն վերցրած երիտասարդները:

«Արև և ստվեր» (1957) գրքից հետո, Ն. Զարյանը գրեց մի շարք նոր գործեր, այդ թվում «Ասք էություն» (1967) հրապարակախոսական-բանավեճային պոեմը, որը ազգային շարժումների բովանդակության հակապատմական

մեկնարանություններին հակադրեց ճշմարիտ հայացքը հայ ժողովրդի ազատագրական պայքարի ուղիների մասին:

Դատապարտելով ներքողական պոնդիային տված տուրքերը, Սարգսյանը իր նոր գրքերում («Բանաստեղծի աղբյուրը»—1961, «Կենաց բաժակ»—1963) դարձավ մարդու անհատական ապրումներին:

«Իմ սիրտ պոեմը» (1954) և «Միաժանի յոթ երգը» (1961) գրքերում հայրենի բնությունը երգեց Ա. Գրաշին: Ուշադրության արժանի են հատկապես ծննդավայրին՝ Ղարաբաղին նվիրված բանաստեղծությունները:

«Քնար Հայաստանի» վերնագրված երկու հատորների (1958 և 1965) նոր ոտանավորներում Հ. Շիրազը բերեց ժողովրդի զգացմունքներով հարստացած խոսքը Հայաստանի վերածնության, նրա անցյալի և հայ ժողովրդի նվիրական երազանքների մասին:

Կյանքի երևույթների խորքը թափանցելու ձգտում, ապրումների մարդկայնացում, քաղաքացիական անհանգստություն, խնդիրների գեղարվեստական և ոչ թե թեմատիկ լուծումներ, ղենդական տարերք, ոճական հարստություն,—արդի պոնդիայի այս հատկանիշները առավել ցայտունությամբ արտահայտվեցին Սիլվա Կապուտիկյանի «Մտորումներ ճանապարհի կեսին» (1961), Պարույր Սեակի «Մարդը ափի մեջ» (1963), Համո Սահյանի «Հայաստանը երգերի մեջ» (1962), «Մայրամուտից առաջ» (1964), «Քարափների երգը» (1968), Գևորգ Էմինի «Երկու ճամփա» (1963), Վահագն Դավթյանի «Ամառային ամպրոպ» (1964), «Դինու երգը» (1966), Հրաչյա Հովհաննիսյանի «Հրաշալի այգեպան» (1957), «Մովի լուծությունը» (1963), Մարո Մարգարյանի «Ձնհալից հետո» (1965) ժողովածուներում:

Ստեղծագործական հնարավորություններով, գրական խառնվածքով ու նախասիրություններով տարբեր այս բանաստեղծները միանում են այն հանգույցում, որ կոչվում է ժամանակի և մարդու ճանաչում: Նրանցից ամեն մեկը ձգտում է գտնել ժամանակի այրումներն ու ապրումներն արտահայտող բանաստեղծական խոսք:

Ուշադրության արժանի է Ս. Կապուտիկյանի «Մտորումներ ճանապարհի կեսին» ժողովածուն: Ելակետ ունենալով դարաշրջանի սոցիալական ու հոգեվոր փորձի հարստությունը, Ս. Կապուտիկյանը դառնում է հերոսական մաքառման այն ուղիներին, որոնցով հայ ժողովուրդը հասավ ազգային վերածնության բարձունքին:

Մենք կառուցեցինք քառասուն տարի,

Բայց ուժով, հույսով, կուտակված լույսով քառասուն դարի՝:

«Մտորումներ ճանապարհի կեսին» գրքում Ս. Կապուտիկյանը ասպարեզ բերեց նաև անհատական ապրումների մասին պատմող բանաստեղծություններ, որոնք զգացմունքի ճշմարտության լեզվով ներկայացնում են ժամանակակիցների սերը, բարոյական ամրությունը, հումանիստական երազանքը: Արտահայտման անկեղծությամբ ու խորությամբ է բացատրվում Ս. Կապուտիկյանի սիրային քնարի արտակարգ հաջողությունը: Ինչպես գրում է ռուս բանաստեղծուհի Վերա Ինբերը, Ս. Կապուտիկյանի սիրերգությունը «մեր առաջ բացում է սրտի շուշլ աշխարհը», տառապանքն ու հրճվանքը, կարոտը

ու տազնապարհը՝ իր սիրային քնարով Ս. Կապուտիկյանը բանաստեղծությանն է վերադարձնում զգացմունքի ճշմարտությունը, դարգացնելով Ավ. Իսահակյանի և Վ. Տերչյանի սիրերգության մի ինչ-որ տեղ ընդհատված ավանդները։

Արդի շրջանի պոեզիայում նշանակալից արժեքներ են Համո Սահյանի «Մայրամուտից առաջ» (1964) և «Քարսփռների երգը» (1968) ժողովածուները։ Իր բանաստեղծություններից մեկում Հ. Սահյանը գրում է.

Ամեն օր նոր է թվում աշխարհը...

Այս զգացողությամբ է բանաստեղծն ամրապնդում իր հոգեկան կապերը ժամանակի հետ, որոնելով նորացող աշխարհի գծերի ու գույների հարստությունն արտահայտող գեղարվեստական ոճը։

Նորացած ու ջահելացած, իր ապագայի վառ հավատով շնչող Հայաստանի կերպավորումից («Հայաստանը երգերում» շարքը) բացի, Հ. Սահյանը դրեց բնանկարչական բանաստեղծության այնպիսի էջեր, որոնք իրենց փիլիսոփայական խորությամբ ու զգացմունքների թարմությամբ նկատելի ավանդ են ամբողջ սովետական պոեզիայում։ Հ. Սահյանի բնանկարչությունը տարբերվում է և՛ բնությունն աստվածացնող պանթիստների պատկերացումից, և՛ բնության անաղարտությունը քաղաքակրթությանը հակադրող ժամանակավորեց հայացքներից։ Հ. Սահյանը բերում է բնության թեմայի ժամանակակից լուծումներ՝ իր երգերում մեծ տեղ տալով բնության ու քաղաքակրթության միասնության երազներին։

Հայրենի լեռների, կիրճերի, քարափների ու անտառների բանաստեղծական պատկերներով Հ. Սահյանը ժամանակակից պոեզիայում ամրապնդում է ռեալիստական արվեստի կենսունակ ավանդները։

Բանաստեղծուհի Մարո Մարգարյանը «Զննալից հետո» (1966) նոր գրքում քնարական խոստովանություններով, դիմումներով ու կանչերով արտահայտեց ժամանակակիցների տազնապնդումն ու մտահոգությունները, երազանքներն ու բարոյական իդեալները։

Գ. Էմինի պոեզիայի բնորոշ հատկանիշները՝ ղենոդական տարերք, մտքի աֆորիզմային խտացում, բանաստեղծական ձևերի ինքնատիպություն, կյանքի երևույթների սուր ընկալում, — խորացան «Երկու ճամփա» գրքում (1963), վերստին հաստատելով նրա գրաված արժանի տեղը ժամանակակից գրականության մեջ։

Հր. Հովհաննիսյանն իր վերջին ժողովածուներում («Հրաշալի այգեպսն», «Մովի լուսությունը») ռոմանտիկական հուզառատ ոճով կերտում է հողի մարդու՝ հրաշալի այգեպսնի կերպարը։ Նա պատմում է այգեպսնի ապրումներից՝ ուրախություններից ու հոգսերից, դառնություններից ու վայելքներից, նվիրումներից ու լուռ ցավերից, ամբողջացնելով մի ներդաշնակ ու կենդանի մարդկային խառնվածք։

Ստեղծագործական դիրքերում ամրապնդվեց Վահագն Դավթյանը, գրելով «Ամառային ամպրոպ» և «Գինու երգը» ժողովածուները։ Առաջին հայացքից հանգիստ, բայց ներքուստ լարված չափատողներով Վ. Դավթյանը բերում է մարդու իրական հոգեբանությունը ներկայացնող պատկերներ։ «Գինու երգը»

շարքը համարձակ փորձ է արևմտահայ ու արևելահայ բանաստեղծական ավանդները մերձեցնելու ասպարեզում:

Պոեզիայի սկսված նորոգման ընթացքի ամենաբնորոշ արտահայտությունը Պարույր Սեակի «Մարդը ափի մեջ» գիրքն է: Քաջ գիտակցելով, որ ժամանակակից պոեզիայի նորացման աղբյուրը ժամանակակից մարդն է՝ իր բարդ ու հարուստ աշխարհով, Պ. Սեակը իր գրքի խոստովանություններում, ձոներում, ասքերում ու մենախոսություններում զնաց դեպի ապրումների առավել խոր անհատականացում և ժամանակի հետ ունեցած մարդու կապերի ավելի հիմնավոր բացահայտում: Ընդհանրապես, վերացականորեն ըմբռնված մարդու և անառարկա ապրումների բանաձևերի փոխարեն, նրա գրքում ամրապնդվեց ժամանակակից մարդն իր բարդ մտածումներով ու զգացմունքների ամբողջական աշխարհով:

Պ. Սեակի նոր գրքի ոտանավորները կառուցված լինելով մետաֆորատիկ բարդ զուգադրումների ու վերամարմնավորումների սկզբունքով, հայ պոեզիան հարստացրին լայն տարածում գտած այդ ոճով: Յուրացնելով արդի պոեզիայում կիրառվող ազատ ոտանավորի հիմունքները, Պ. Սեակը շարունակեց Սիամանթոյի ու Չարենցի ընդհատված ավանդները: Ազատ ոտանավորը, ինչպես երևում է Սեակի փորձից, մի շարք նոր հնարավորություններ է բացում՝ մարդու հոգեկան աշխարհի արտացոլման համար:

Քնարական ու խոհական-փիլիսոփայական բանաստեղծություններից բացի, պոեզիայում երևացին նաև մեծ կտավներ՝ պոեմներ: Դրանց նշանակալի մասը, հատկապես այն պոեմները, որոնց նյութը քաղված էր ժամանակակից կյանքից, չդարձան «գրական եղանակ» ստեղծող գործեր: Երևույթների մակերեսային ընկալումը, կյանքի հակասությունների մոտավոր իմացությունը, ժանրի գեղարվեստական առանձնահատկությունների պարզունակ ըմբռնումը եղան այն գլխավոր պատճառները, որոնք այդ պոեմները դատապարտեցին սոսկ «գրականության քարտարաններում» մնալու բախտին:

Եթե Հայաստանի ժամանակակից կյանքն արտացոլող պոեմները որևէ նորությամբ չհարստացրին այդ դժվարին ու անհրաժեշտ ժանրը, ապա դրանց կողքին գեղարվեստական հայտնություններ եղան այն պոեմները, որոնց նյութը քաղված է ժողովրդի պատմությունից:

1961 թվականին լույս տեսավ Պարույր Սեակի «Անլուծի զանգակատունը»: Դա գրականության մեջ ժամանակագրական նոր թվական հաստատող մի գործ է, որ բացառիկ արագությամբ տարածվեց թե՛ Սովետական Հայաստանի, թե՛ սփյուռքի ընթերցողների մեջ: 1966 թվականին տպագրվեց պոեմի երկրորդ, վերամշակված տարբերակը, որի համար Պ. Սեակը արժանացավ Հայաստանի Պետական մրցանակի: «Անլուծի զանգակատունը» նվիրված է մեր պատմության ամենաողբերգական ու լուսավոր դեմքերից մեկի՝ անմահ Կոմիտասի կյանքին, նրա պատմական դործի ու անհատականության զնահատմանը:

Զհեռանալով Կոմիտասի կյանքի գլխավոր դեպքերից, Պ. Սեակը սյուժետային պոեմի դասական կառուցվածքի փոխարեն ընտրել է ժամանակի էությունը բացահայտող փիլիսոփայական-քնարական էպոսի ձևը:

«Անլուելի դանդակատան» վեց համադանգերը, ամբողջացնելով պոեմի հարտարապետական կառուցվածքը, լուծում են մի շարք էական հարցեր, ինչպիսին են Կոմիտասի և ժողովրդի կապի, ստեղծագործական խոշոր անհատականության ու ժամանակի հարաբերության, ժողովրդի դառն ճակատագրի ու լուսավոր երազանքների հարցերը: Պ. Սևակի վերակերտած Կոմիտասի կերպարում մարմնացել են ոչ միայն ժողովրդական երգի ազգային ոգին, այլև հայ ժողովրդի մոլեգնած խիղճը, նրա բարոյական աշխարհի վեհությունը, հազվագյուտ կենսասիրությունն ու վերածնության անմար երազանքը:

Այս պոեմում, շարունակելով ազգային բանաստեղծական ավանդները՝ Գր. Նարեկացուց մինչև Հ. Թումանյան ու Սիամանթո, Պ. Սևակը, միաժամանակ, բերում է նոր որակ՝ ի մի ձուլելով արտահայտման ժողովրդական և գրական ինտոնացիաները, պաթետիկ դարձվածքներն ու փիլիսոփայական մտորումը, դրամատիկական պատկերն ու հրապարակախոսական դիմումը, խոսքամարտն ու կոնկրետ պատկերավորությունը:

Դրամատիկական պոեմի ժանրով է դրված Վահագն Դավթյանի «Թոնդրակեցիները», որը նույնպես լայն ճանաչում գտավ: Պոեմի նյութը քաղված է միջնադարյան Հայաստանի սոցիալական շարժումներից: Միջնադարյան կարգերի ու եկեղեցու գաղափարախոսության դեմ ուղղված թոնդրակյան աղանդավորական շարժումը Վ. Դավթյանը մեկնաբանում է նախ և առաջ որպես դարերի ընթացքում ժողովրդի մեջ ձևավորված սոցիալական ինքնագիտակցության արտահայտություն: Թոնդրակյան շարժման գաղափարախոսի ու ղեկավարի՝ Սմբատ Զարեհավանցու հոգեկան աշխարհի ձևավորումը բացահայտված է միջնադարի պատմական կոնկրետ հանգամանքներում: Զարեհավանցին Դավթյանի պոեմում հանդես է գալիս որպես հայ ժողովրդի քաղաքական ճակատագիրն ու սոցիալական անհավասարության դեմ բարձրացած բողոքը մարմնացնող պատմական հերոս: «Թոնդրակեցիներ» պոեմը ուշքի է ընկնում դրամատիկական, քնարական և պատմողական արտահայտությունների միասնությամբ, գործողության հարստությամբ, պատմական երանգավորման զգացողությամբ, հերոսների հոգեկան աշխարհի խոր ներթափանցումով:

Ինչպես նախորդ տասնամյակում, այս շրջանում էլ արձակի զարգացման միտումները (թե լավ, թե վատ) ստավել բնորոշությամբ արտահայտվեցին վեպի ժանրում: Ռեալիստական գրականության հզոր տեսակը՝ վեպը, առանձնապես զգալուն գտնվեց հասարակական նոր իրադրության և ժամանակի նոր խնդիրների հանդեպ: Դա արտահայտվեց և՛ նրանում, որ վիպագիրներն իրենց հայացքն ուղղեցին կենսական սուր պրոբլեմների կողմը, և՛ այն բանում, որ նրանք հանդես բերեցին ավանդական վեպի կառուցվածքը նորոգելու ձգտումներ, և՛ այն, որ հետամուտ եղան հոգեբանական խորացումներին:

Զարգացման դրական նշանները երևացին թե՛ սովետական հասարակության անցյալ շրջաններին (20—30-ական թվականներ, Հայրենական պատերազմ), թե՛ ընթացիկ իրականությանը նվիրված վեպերում: Սովետական հասարակության պատմությանն անդրադառնալը հետապնդում է, առաջին հերթին, ժողովրդի անցած ճանապարհի գեղարվեստական նկարագրությունը լրացնելու խնդիր: Բնական է, որ այդ խնդիրը լուծելու համար ժամանակակից

վնասում պետք է ուժեղացվեն զարգացման հակասությունները ներկայացնող պատկերները, պետք է լայնանար մարդու ճանաչողությունը, վերանայվեն սովետական հասարակության կյանքի մասին ստեղծված հովվերգական պատկերացումները:

Այս հատկանիշները որոշակի ցուցատվությամբ արտահայտվեցին Հայ-րենական պատերազմի անցքերին նվիրված վեպերում (Բ. Հովսեփյան՝ «Սերմնացանները չվերադարձան», Մ. Սարգսյան՝ «Կյանքը կրակի տակ», «Ճակատագրով դատապարտվածները», Խ. Գյուլնազարյան՝ «Ինչ-որ տեղ վերջանում էր հորիզոնը»): Տարբերվելով պատերազմը գունազարդող վիպական շարադրություններից, հիշյալ գրողները ավելի կենսական հիմքերի վրա դրեցին պատերազմի նկարագրությունը: Նրանք իրենց գեղարվեստական խնդիրը համարեցին զինվորական խրամատի ու կենցաղի, պատերազմողի հերոսական վարմունքների ու ողբերգական վերապրումների, առապանքի ու հոգեկան արվույթյան պատկերումը:

Հայ արձակի լավագույն ավանդները շարունակելու միտումով և նրա թուլությունների դեմ ուղղված բանավիճային դիրքով բնորոշվում են նաև սովետական հասարակության 20—30-ական թվականների կյանքին նվիրված երկերը: Հոգեբանական ճշմարտությամբ է շնչում խոսքի նշանավոր վարպետի՝ Ստ. Զորյանի «Ամիրյանների ընտանիքը» վեպը, որ նվիրված է 1921 թվականի փետրվարյան խռովությանը: Ժամանակի պատմական դեպքերը այս վեպում ներկայացվում են մի ընտանիքի անդամների գիտակցության մեջ ունեցած բարդ անդրադարձումներով: Դեմ-դիմաց կանգնած են հայրը և որդին՝ Հայաստանի ազատագրության ու նրա ապագայի վերաբերյալ իրենց առաջարկած տարբեր ծրագրերով: Նրանք սոցիալական հակոտնյաներ և անհաշտ թշնամիներ չեն: Երկուսին էլ հավասարապես մտահոգում է Հայաստանի վերածնության ու ժողովրդի փրկության խնդիրը: Այսպիսի հավասարեցումը շատերին կարող է անընդունելի թվալ, բայց այն բարդ ժամանակաշրջանը, որին նվիրված է Ստ. Զորյանի վեպը, ուներ երկու հայտարար, որոնցից մեկի կրողը բոլշևիկ Արամն է, մյուսինը՝ մտավորական հայրը: Նրանք հավասար էին իրենց ձգտումներով, բայց հավասարարժեք չէին պատմական հեռանկարի ըմբռնումներով: Արամի հետ էր պատմության լավատեսական սկզբունքը. աղգի ռեզյույթյան հանելուկի լուծումը նա կապում էր ազատագրության սոցիալիստական ուղիների հետ: Եվ, հակառակը, հայրը դեմ էր որդու առաջարկած ծրագրերին: Ստ. Զորյանը այս վեպում չի ազդարարում ոչ հաղթանակող գաղափարի ճշմարտությունը և ոչ էլ պարտվող գաղափարախոսության ողբերգական ընթացքը: Այդ ամենը նա զգացնել է տալիս հերոսների հոգեբանության մեջ անդրադարձված պատմական ճշմարտությամբ:

Հայ ժողովրդի քաղաքական ճակատագրին նվիրված երկերից է նաև Հրաչյա Քոչարի «Նահապետը» վիպակը, որի համար գրողը ետմահու արժանացավ հանրապետության Պետական մրցանակի: Հրաչյա Քոչարի վիպական հերոսի կենսագրությունը մի զրվագ է հայ ժողովրդի պատմության արյունոտ էջից՝ ապրիլյան եղեռնից: Նահապետը ողբերգական հերոս է: Սիրելի մարդկանց կորուստները և հարազատ օջախի ավերումը, ճակատագրի անգութ հարվածներն ու գաղթի ճանապարհներով շարժվող մարդկանց քարավաննե-

րը նրան դարձրել են յուրահատուկ մենակյաց ու ողբերգական գալարումներով լցրել նրա հոգեկան աշխարհը: Նա երես է թեքել աստծուց, բախտից, աշխարհից: Նահապետը թողել է իր հայրենի եզերքը, մեն-մենակ, թափառականի ձևոնափայտով, եկել ու հաստատվել է Արագածի լանջերի գյուղերից մեկում: Իր կյանքի ողբերգական ընթացքում Նահապետը մի անշիջանելի մտահոգություն է ունեցել՝ ամուր պահել հայրենի օջախի գաղափարը: Այդ գաղափարն էլ դառնում է այն նախադրյալը, որի միջոցով ողբերգական տառապանքներով անցած մարդը ապրում է հոգեկան վերածնություն:

Մնալով ունալիստական ճշմարտության սահմաններում, Քոչարը բերում է կերպարի բանահյուսական մեկնաբանություն, ավանդավեյ է հյուսում իր ժողովրդի անցյալի ու վերածնության մասին: Քոչարի արտահայտչության որոշ հատկանիշներ ծայր են առնում ժողովրդական ասացողների պարզ ու հյութեղ, արժանահավատ ու անզարդ ոճից:

«Կարապետ» վեպում Լ. Հուրունցը անդրադարձել է անհատի պաշտամունքի հետ կապված դեպքերին, առաջ քաշելով մարդու նկատմամբ վստահության և մարդու քաղաքացիական պարտականության պրոբլեմը, իսկ Շ. Թաթևյանը «Նրա ճանապարհը» վեպում արժարժեք է սովետական հասարակության համար կենսական մի շարք խնդիրներ, դրանց թվում՝ մեր ժամանակի երիտասարդ մարդու բնավորության ձևավորման խնդիրը:

Սովետահայ վեպը անդրադառնում է ոչ միայն արդեն կայունացած նյութին, այլև ժամանակակից կյանքի նոր երևույթներին: Վիպագիրները նորից դիմում են աշխատանքի մարդկանց դժվարին բնագավառին, իմաստավորելու կյանքի նոր երևույթները, Հայաստանի բանվոր դասակարգի ու գյուղացիության աշխատանքը: Առաքյալների և կյանքի փրկիչների փոխարեն նոր վեպերն են մտնում բնավորության կենդանի գծեր ունեցող, կյանքի հակասություններին ու դժվարություններին ծանոթ հերոսներ: Այս իմաստով բնորոշ են Բոգդան Վերդյանի «Ինչպես է գալիս երջանկությունը» և Անժելա Ստեփանյանի «Ամառնամուտին» վեպերը: Սրանք նույնպես ունեն էական թերություններ, բայց դրականն այն է, որ վիպագիրներն աշխատում են տարբեր հայացքների բախումներում գտնել իրենց դրական հերոսների անհատականությունը: Ի դեմս Անիի կերպարի, Ա. Ստեփանյանը ժամանակի զրականությունը հարստացրեց սոցիալիստական պայմաններում ձևավորվող մարդկային նոր բնավորությամբ, ցույց տալով հասարակ հայ կնոջ կյանքի ուղին՝ շարքային ինժեներից մինչև խոշոր գործարանի ղեկավարի բարձրությունը: Գեղարվեստական հետաքրքրություն է ներկայացնում Սերո Խանդադյանի «Քաջսրան»



Գրող Ստ. Խաչատրյան

վեպը, որի նյութը սոցիալիստական հայ ազգի առաջատար ուժի՝ բանվոր դասակարգի ձևավորումն է:

Գյուղական իրականությունն արտացոլող վեպերում (Ան. Սեկոյան՝ «Ոսկե վազերի մեջ», Բ. Ուլուբաբյան՝ «Հայրենի հող», «Թարթառ», Քր. Թափալցյան՝ «Ոսկե հովիտ», Նոր-Այր՝ «Անապատի առավուտը» և այլն) հեղինակները խորացրել են մարդու պատկերումը, կոնֆլիկտները կառուցել ավելի լուրջ հակասությունների վրա, գծել ժամանակի ոգին մարմնացնող հերոսների կերպարներ:

Բարոյականության և ընտանեկան կենցաղի հարցեր արծարծող վեպերից առանձնացավ Անահիտ Սահինյանի «Խաշուղիններ» վեպի նոր տարբերակը, որը պատմում է սովետական հասարակության մի երկար ժամանակահատվածի՝ 20-ական թվականներից մինչև Հայրենական պատերազմը, տեղի ունեցած դեպքերի մասին: Դիմելով այդ ժամանակաշրջանի իրականությանը՝ Սահինյանը իր ուշադրությունը կենտրոնացնում է մարդկանց բարոյա-էթիկական ըմբռնումների ձևավորման վրա: Ա. Սահինյանը գրեց նաև «Մարավ» վեպի առաջին գիրքը, որ արծարծում է հայ ժողովրդի ճակատագրի համար վիթխարի կարևորություն ունեցող ոռոգման պրոբլեմը:

Ժողովրդի քաղաքական ու կուլտուրական կյանքի հարուստ էջերի գեղարվեստական վերհանումը գիտակցվեց որպես կարևորագույն խնդիրներից մեկը: Հայ պատմավեպի «հերոսական ուղղության» կողքին երևան եկան նոր ուղղություններ:

Ստ. Զորյանը գրեց «Հայոց բերդը» (1964) և «Վարադդատ» (1967) վեպերը, որոնք, ինչպես և «Պապ Թագավորը», արծարծում են ուժեղ ու միասնական պետականության թեման: Դիմելով Հայաստանի պատմության ամենադրամատիկական ժամանակաշրջաններից մեկին՝ IV դարի անցքերին, հեղինակն այդ վեպերում արտահայտեց հայրենի երկիրը խաղաղ ու միասնական տեսնելու այն բաղձանքները, որպիսիք եղել են ժողովրդի պատմության բնորոշ առանձնահատկությունը: Միասնական պետականության դադափարախոսն է Արշակ Երկրորդը, որ կանգնելով անկախության շարժման գլուխ և կառուցելով Արշակավան բերդաքաղաքը, ցանկանում էր նախարարական կենտրոնախույս տնների դիմաց ստեղծել երկրի պաշտպանության ուժեղ հենարան: «Կստեղծեմ իմ բերդը,—ասում է վիպական հերոսը,—որ լինի ամենքի բերդը, և լինի ավելի հզոր, քան նախարարաց բերդերը: Դրանով ես կմիաբանեմ նոցա և այդ միաբանությունը կդառնա հայոց բերդ, անխորտակ բերդ. թշնամին անզոր կլինի կործանել նորան»:

Հայ գրականությունը հարստացավ ժողովրդի ռուսական կողմնորոշման՝ XVIII դարի ազատագրական շարժման մասին պատմող վեպերով (Մ. Արադի՝ «Խսրյախ Ծրի», Ս. Խանդադյան՝ «Մխիթար սպարապետ», Ս. Ալվադյան՝ «Ճակատագիրն հայոց»):

XVIII դարեմուտը հայ ժողովրդի աղատագրական մաքառումների մեջ նշանավորվեց պատմական նոր հեռանկարներով: Հասարակական գիտակցության և ժողովրդական լայն խավերի հոգեբանության մեջ խոր արմատներ նետեց օսմանյան դաժան լծից ազատագրվելու և ժողովրդի ճակատագիրը քրիստոնյա Ռուսաստանի հետ կապելու գաղափարը:

Աղզալին-աղատագրական գաղափարախոսության նշանավոր գործիչ Իսրայել Օրու դիվանագիտական ապարդյուն հարաբերությունները եվրոպական տերությունների հետ մեկ անգամ ևս համոզեցին, որ «եվրոպական կողմնորոշումը» գործնական ոչ մի հեռանկար չի խոստանում քաղաքական և սոցիալական բռնության մեջ տառապող ժողովրդին: Իսրայել Օրու և նրա համախոհների մշակած քաղաքական նոր ծրագիրը՝ «ռուսական կողմնորոշումը», ժողովրդի մեջ ամրապնդեց Հյուսիսից սպասվող աղատության գաղափարը: XVIII դարի պատմական տեղաշարժերը գեղարվեստորեն իմաստավորելու համար Մովսես Արազին դիմեց աղատագրական շարժման ականավոր գործիչ Իսրայել Օրու կենսագրության վիպական շարադրությանը, իսկ Ս. Խանզադյանն ու Ս. Ալվազյանը ստեղծեցին դարաշրջանի քաղաքական ու սոցիալական բարդ հարաբերություններն ընդգրկող լայնապլան պատմավեպեր:

Սյունիքի անկախության համար Դավիթ-Քեկի և նրա զորավարների զբաղված շարժումը (1723—1729) դարձնելով «Մխիթար սպարապետ» վեպի նյութ, Ս. Խանզադյանը ժողովրդական հերոսապատումին բնորոշ ոճով բացահայտեց այդ շարժման համաժողովրդական բովանդակությունը և աղզալին ինքնուրույնության համար ժողովրդի մղած դարավոր պայքարի բացառիկ նշանակությունը:

XVIII դարի աղատագրական շարժման համաժողովրդական բովանդակությունն է արտահայտում նաև Ս. Ալվազյանի «Ճակատագիրն հայոց» վեպը: Թե՛ «Մխիթար սպարապետ», թե՛ «Ճակատագիրն հայոց» պատմավեպերը այդ ժանրի հերոսական ուղղության» սկզբունքներով են գրված: Իրենց նյութին լավ ծանոթ հեղինակները ներկայացրել են հայրենասեր հերոսների մի շարք հաջողված կերպարներ, ինչպիսիք են Դավիթ-Քեկի դինակից Մխիթարը և Իսրայել Օրին:

Պատմավեպի «հերոսական ուղղությունը» հայ գրականության անցյալում ուներ հարուստ ավանդներ: Պատմավեպերում անհամեմատ քիչ էր արժանիվ հայ ժողովրդի հոգևոր կյանքի և մշակույթի խոշոր ներկայացուցիչների գործունեությունը: Միակ փորձը Ա. Բակունցի «Խաչատուր Աբովյան»-ն էր. այս անավարտ երկը սկիզբ դրեց պատմավեպի մի նոր ուղղության, որ երկար ժամանակ ընդհատվեց: Այս ուղղությունը վերստին շարունակվեց վերջին տասնամյակում:

Կյանքի վերջին տարիներին Դ. Դեմիրճյանը գրեց «Մեսրոպ Մաշտոց» վեպը, որից առանձին հատվածներ հրատարակվեցին գրողի մահից հետո: Հայկական նշանագրերի գյուտը, ասում է Դեմիրճյանը նոր վեպում, ժողովրդի աղզալին ինքնության պահպանման գործում նույնպիսի հզոր ուժ էր, ինչպես Ավարայրի ճակատամարտը: Մեսրոպ Մաշտոցն ու Վարդան Մամիկոնյանը, մեկը՝ գրով, մյուսը՝ սրով, կատարում էին պատմական միևնույն գործը՝ բարձրացնում էին ժողովրդի աղզալին ինքնագիտակցությունը:

Հովհ. Ղուկասյանի «Ոսկան Երեանցի» վեպը (1964) նվիրված է հայ ժողովրդի կուլտուր-լուսավորական շարժման կարևոր իրադարձությանը՝ հայկական գրքի տպագրությանը: Վեպի հիմքում հայ տպագրիչներից մեկի՝ Ոսկան Երեանցու կյանքի ողիսականն է, նրա անձնվեր ու տոկուն մաքառումը՝

օտար հորիզոններում տպարան ստեղծելու և գրքի միջոցով ժողովրդի հայրենասիրական ոգին անշեշտ պահելու համար:

Զ. Դարյանը «Սայաթ-Նովա» վեպում (առաջին հատորը լույս տեսավ 1961 թվականին, երկրորդը՝ 1963 թվականին), հեռանալով մեծ գուսանի կենսագրությունը «վիպականացնելու» սկզբունքից, բացահայտում է XVIII դարի անդրկովկասյան իրականության ու Սայաթ-Նովայի ստեղծագործական աշխարհի առնչությունները: Հենվելով պատմական ստուգված փաստերի ու պատմականորեն արդարացված կոահոմոնների վրա, Զ. Դարյանը լուծում է զեղարվեստական էական խնդիր՝ Վիպասանի լուսաբանությունը՝ Սայաթ-Նովան իր ժամանակի հոգեոր կյանքի խտացումն է: Նրա անհատականություն մեջ արտահայտվել է անցման շրջանի հոգեբանությունը՝ աշխարհիկ կյանքի և «քրիստոնեական խաչի» հակասությունը:

Հայ պատմավեպում նշանակալից երևույթ հանդիսացավ Վ. Խեչումյանի «Գիրք լինելության»-ը (1966): Շարունակելով Դ. Դեմիրճյանի («Գիրք ծաղկանց») և իր իսկ ստեղծած պատմական նովելների ոճաբանությունը, Վ. Խեչումյանը ժողովրդից անբաժան թափառական մատենագրի կերպարի միջոցով արտահայտեց միջնադարյան Հայաստանի մարդկային կրքերի ու սոցիալական հոգեբանության բովանդակությունը: Հայ ժողովուրդը, հաստատում է «Գիրք լինելության»-ը, իր գոյությունը պահպանել է ոչ միայն քաղաքական պայքարով ու հերոսական սխրանքներով, այլև իր ստեղծագործական ուժերի խոյանքով, բնավորության լայնախոհությամբ, զբաղմունքների խորությամբ:

Հնադարից և միջնադարից բացի, պատմավեպի նյութ են դառնում նաև պատմության ավելի մոտակա շրջանի անցքերը: «Պարոն Պետրոսն ու իր նախարարները» (1958) վեպում Ն. Զարյանը ներկայացնում է Հայաստանի վիճակը դաշնակցության տիրապետության օրերին (1918—1920), երբ ժողովուրդը մի կողմից տառապում էր դաշնակցականների ավանտյուրիստական քաղաքականությունից, մյուս կողմից՝ թուրքերի բարբարոսություններից: Ն. Զարյանը ցույց է տալիս պատմության մեջ հեռանկար շունեցող դաշնակցության քաղաքական սնանկությունը և ազատագրության սոցիալիստական ուղիների կենսունակությունը:

Ժամանակակից արձակում արդյունավետ զարգանում են նաև պատմելվածքն ու ակնարկը, հուշագրությունն ու ճանապարհորդական ռեպորտաժները: Առանձնապես զգալի է պատմվածքի ժանրի աշխուժացումը: Դասական հայ գրականության մեջ, ինչպես և սովետահայ գրականության պատմության նախորդ ժամանակաշրջաններում կատարելության հասած պատմելվածքի ժանրի ավանդները մի որոշ ժամանակ ընդհատվեցին: Պատմվածքը դիտվեց որպես գրականության «ուղեկից»: Այս վերաբերմունքը «հիմնավորվում էր» տեսական այն մոլորությամբ, թե պատմվածքը չի կարող իր «ենեղ» սահմաններում տեղավորել հասարակական զարգացման «վիթխարի» մասշտաբները, թե կարճ ձևը գրողին զրկում է դարաշրջանի կենսական խնդիրների արժարժման հնարավորությունից: Այդ սխալի հետևանքը եղավ այն, որ ազնվարեղ եկան անբովանդակ, արհեստականորեն ձգձգված, ճարպակալած «վեպեր», իսկ գրական քարտեզի վրա պատմվածքի տեղը մնաց թափուր:

Վերադնահալովեց պատմվածքի գեղարվեստական հնարավորությունների հարցը, և այդ կենսունակ ժանրը գրավեց իր արժանի տեղը գրականության ընթացքի մեջ: Դիմելով գեղարվեստական արտահայտման բազմազան եղանակներին, արձակի ճանաչված վարպետներն ու երիտասարդ գրողներն ստեղծեցին ժամանակակից կյանքը ներկայացնող շատ պատմվածքներ:

Հայրենական պատերազմի հերոսական գրվածքներ, աքսորի դժվարին տարիներ, հայրենի բնության պատկերներ, բարոյախոսական խնդիրներ, սեր և բնականություն, դուռը և քաղաքը, — սրանք են հիմնականում այն թեմաները, որոնցից գրողները նյութ են քաղում պատմվածքի համար:

Գեղարվեստական նկատելի հետաքրքրություն են ներկայացնում Գ. Մահարու «Սև մարդը», Ռ. Արամյանի «Զթամբած ձիեր» հավաքածուն, Ս. Խանդադյանի «Կորած արահետներ», Մ. Արմենի «Պատվիրեցին հանձնել ձեզ», Ս. Այվազյանի «Փրթոսի ընկուզենին», Խ. Գյուլնազարյանի «Փշալարից այն կողմը», Ա. Ավագյանի «Կարոտ», «Թախիծ», Վ. Արամյանի «Հպարտ սեր», Նոր-Այրի «Մահից ուժեղը», Մ. Սարգսյանի, Բ. Սեյրանյանի և մյուսների պատմվածքները:

Գեղարվեստական ակնարկի ժանրը թեև չունեցավ այնպիսի առաջընթաց, ինչպիսին պատմվածքը, բայց և այնպես այս բնագավառում ևս ձեռք բերվեցին որոշ հաջողություններ: Հրապարակ եկան Գ. էմինի «Յոթ երգ Հայաստանի մասին» հրապարակախոսական ասքը, Զ. Դարյանի «Փասախ» դիրքը, Լ. Հուրունցի «Ղարաբաղ, հայրենի իմ եզերք» պատումը, Մ. Հակոբյանի «Անհայտ կորած մարդիկ» դիրքը, Ա. Արզումանյանի ակնարկները հայ գիտնականների մասին և այլն:

Նոթագրության ժանրում ընդգծվեցին Ն. Զարյանի «Ծաղկող բալենիների երկրում», Ս. Կապուտիկյանի «Քարավանները դեռ քայլում են» գրքերը, Հր. Քոչարի, Ս. Խանդադյանի, Վ. Անանյանի, Ան. Սահինյանի ճանապարհորդական տպավորությունները:

Թեև հուշագրությունը մեծ քանակ բերեց, սակայն մնալուն արժեքներ դարձան Գ. Մահարու «Զարենց-նամեն» և Ստ. Զորյանի «Հուշերը»:

Դժվար է ցույց տալ մեկ ուրիշ ժամանակաշրջան սովետահայ գրականության անցած ճանապարհից, որ այնպես հարուստ լինի շնորհալի արձակագիրների ու բանաստեղծների նոր անուններով, ինչպես ներկա ժամանակաշրջանը: Ընդհատ է, գրական «նորերը» երբեմն որդեգրում են գեղարվեստական անկայուն սկզբունքներ, երբեմն «ժամանակակից ոճի» անունից ժխտում են գեղարվեստական ստուգված ավանդությունները կամ հանուն ձևի զոհում բովանդակությունը, բայց նրանցից շատերի գրվածքներում ակներև է ինքնուտիպությունը:

Արտահայտման ժամանակակից լեզվի հաստատման ընթացքը համեմատաբար դանդաղ է պոեզիայում: Մի շարք շնորհալի բանաստեղծների կողքին (Վ. Կարենց, Լ. Դուրյան, Ա. Սահակյան, Ն. Միքայելյան), հատկապես ընդգրծվեցին Ռազմիկ Դավոյանի քնարերգության մեջ խմորվող նոր գծերը՝ զուգորդական մտածողության գունագեղությունը, երևույթների փոխադասական խորացումը: Առաջին նմանողական ուղանավորներից Ռ. Դավոյանը աստի-

ճանարար գնում է դեպի իր գեղարվեստական աշխարհի հաստատումը, որի վկայությունն է, մասնավորապես, նրա «Ռեքվիեմ» պոեմը:

Ավելի նկատելի են երիտասարդ արձակագիրների հաջողությունները: Նրանցից ոմանք (Պ. Զեյթունցյան, Ռ. Հովսեփյան, Գ. Արշակյան, Մ. Մնացականյան, Զ. Խալափյան, Հովհ. Մելքոնյան, Կ. Տոնոյան, Մ. Մանուկյան, Վ. Պետրոսյան) ասպարեզ են եկել իրենց ինքնատիպ ձեռագրով ու ստեղծագործական նախասիրություններով:

«Մենք ենք, մեր սարերը» վիպակով, «Օգոստոս», «Ալիսո», «Մեսրոպը» և մյուս պատմվածքներով լայն ճանաչման արժանացավ Հրանտ Մաթևոսյանը: Իրականության հակասությունները բացահայտելու և կերպարների հոգեբանությունը խորացնելու միտումով ընդգծվեց թատերագրության դարգացումը: Նախադիր սխեմաների և բարեհաջող լուծվող կոնֆլիկտների, ներքին դրամատիզմից զրկված ու անսխալական «գործող անձանց» փոխարեն դրամաներում երևացին կենդանի ապրումներով, ներքին մտահոգություններով բնութագրվող կերպարներ: Սա վերաբերում է ինչպես պատմա-հեղափոխական թեմայով գրված պիեսներին, այնպես էլ ժամանակակից կյանքի խնդիրներին նվիրված դրամաներին:

Հայ թատերագրության մեջ ավանդական դարձած պատմա-հեղափոխական թեմայում Գ. Բորյանի «Նույն հարկի տակ» և Ա. Արաքսմանյանի «Վարդեր և արյուն» դրամաները բերեցին ժողովրդի սոցիալական ազատագրության գաղափարը հերոսների հոգեկան աշխարհում կատարվող փոփոխություններով բացահայտելու տենդենց: Դրանով է բացատրվում այդ պիեսների տեական կյանքը Հայաստանի թատրոններում:

Մարդու բարոյական ու քաղաքացիական նկարագրի արտահայտման խնդիրը բավարար լուծում ստացավ այն դրամաներում, որոնց նյութը քաղված էր ժամանակակից կյանքից (Գ. Տեր-Գրիգորյան՝ «Վերջին մեխակներ», «Գարնան անձրև», Գ. Յաղչյան՝ «Գարնանային շունչ», Գ. Բորյան՝ «Կամուրջի վրա», Ա. Արաքսմանյան՝ «Վաթսուն տարի և երեք ժամ»):

Դրամայի հետ միասին, որ վերջին տասնամյակի թատերագրության տիրապետող ժանրն է, բեմական կյանք ստացան նաև մի շարք կատակերգություններ:

Դրամատիկական պրամֆլետի արժեքավոր նմուշ է Գ. Տեր-Գրիգորյանի «Մեռնող ֆլորան», ուր դատապարտվում են սովետական հասարակության մեջ տեղ գտած մոլախոտերը՝ քաղաքական կարիերիստները, զրպարտիչները, շողոքորթներն ու կյանքից ետ մնացած աղանդավորները: Կատակերգական դրություններով և զվարթ հումորով ողողված գործեր են Ժ. Հարությունյանի «Ղազարը գնում է պատերազմ» և Ա. Պապայանի «Աշխարհն, այո՛, շուտ է եկել» պիեսները: Ա. Պապայանը հայտնի է նաև իր վոդեկիլներով, որոնցից մի քանիսը մրցանակներ են շահել կարճ պիեսների համամիութենական մրցույթներում:

Մեծ աշխատանք կատարվեց բազմադարյան հայ գրականության արժեքների գնահատման ուղղությամբ: Դրա պերճախոս վկայություններն են նշանավոր գրողների հոբելյանական տարելիցների համաժողովրդական նշումները, զրբի տպագրության աննախընթաց ծավալը, գրական փոխհարաբերություն-

ների խորացումը, հայ գրողների երկերի թարգմանությունները օտար լեզուներով, համաշխարհային գրականության հուշարձանների թարգմանությունը հայերեն, գրականագիտական հետազոտությունների մեծ քանակը և այլն:

Լայնորեն նշվեցին հայ նոր գրականության սկզբնավորող Խ. Աբովյանի ծննդյան 150-ամյակը, հեղափոխական-դեմոկրատ Մ. Նալբանդյանի ծննդյան 125-ամյակը, ազգային քնարերգության վարպետ Ավ. Իսահակյանի ծննդյան 80-ամյակը, հեղափոխության բանաստեղծ Եղիշե Չարենցի ծննդյան 70-ամյակը:

1962 թվականին Սովետական Միությունում և սփյուռքում մեծ շուքով տոնվեց հայ գրերի ստեղծող և հայ դպրության հիմնադիր Մեսրոպ Մաշտոցի ծննդյան 1600-ամյակը: Խաղաղության համաշխարհային խորհրդի որոշմամբ 1963 թվականի աշնանը աշխարհի շատ երկրներում նշվեց հանճարեղ դուստն և բանաստեղծ Սայաթ-Նովայի ծննդյան 250-ամյակը: Այդ հոբելյանները վերածվեցին կուլտուրական մեծ տոների:

1965 թվականի աշնանը Մոսկվայում կայացավ հայ գրականության ու արվեստի երկրորդ տասնօրյակը: Գրական տասնօրյակներ ու շաբաթներ անցկացվեցին էստոնիայում, Ուզբեկստանում, Լենինգրադում, Յարոսլավլում և այլուր: Ուժեղացան գրական կապերը ոչ միայն սովետական հանրապետությունների, այլև Չեխոսլովակիայի, Բուլղարիայի և Լեհաստանի հետ:

Թարգմանչական ավանդներով հարուստ Հայաստանում լայն ծավալ ստացավ համաշխարհային գրականության լավագույն հուշարձանների թարգմանությունը: Պուշկինի (5 հատոր), Լերմոնտովի (3 հատոր), Մ. Գորկու (10 հատոր), Եեքսպիրի (3 հատոր), Բալզակի (10 հատոր), Ջեկ Լոնդոնի (12 հատոր), Հոմերոսի, Դանթեի, Բոկկաչիոյի, Գյոթեի, Շիլլերի, Սերվանտեսի, Հայնեի, Հյուգոյի, Դրալեի, Ռ. Ռոլանի, Գոգոլի, Դոստոևսկու, Լ. Տոլստոյի, Եսենինի, Մայակովսկու, ինչպես և ժամանակակից արտասահմանյան, ռուս և եղբայրական մյուս ժողովուրդների գրողների բազմաթիվ գրքեր դարձան հայ ընթերցողի սեփանակությունը:

Աննախնդիր շափերի հասավ հայ գրականության հրատարակությունը «Հայաստան» հրատարակչությունը մեծ տպաքանակով լույս ընծայեց դասական հեղինակների՝ Պ. Պոռչյանի, Ղ. Աղայանի, Մուրացանի, Բաքսի, Ալ. Շիրվանզադեի, Նար-Դոսի, Ռ. Պատկանյանի, Գր. Զոհրապի, Ե. Օռյանի, Վ. Փափաղյանի, Ավ. Իսահակյանի երկերի բազմահատորյակները:

Մ. Աբովյանի անվան գրականության ինստիտուտը իրագործեց մի շարք դասականների գիտական հրատարակությունը: Ավարտվեց Խ. Աբովյանի (10 հատոր), Մ. Նալբանդյանի (4 հատոր), Գ. Սունդուկյանի (4 հատոր), Հովհ. Թումանյանի (6 հատոր), Հովհ. Հովհաննիսյանի (4 հատոր), Հ. Հակոբյանի (4 հատոր), Ե. Չարենցի (6 հատոր) երկերի հրատարակությունը: Շարունակվում էր Հ. Պարոնյանի (10 հատոր) և Ռ. Պատկանյանի (8 հատոր) երկերի տպագրությունը: Այս հրատարակությունների ընթացքում ձևավորվեց հայագիտության ճյուղերից մեկը՝ գիտական տեքստաբանությունը:

Վերացվեցին այն սահմանափակումները, որ գոյություն ունեին արևմտահայ և սփյուռքահայ գրողների հանդեպ: Առաջին անգամ մայր հայրենիքում հրատարակվեցին Սիամանթոյի, Երուխանի, Ռ. Զարգարյանի, Թլկատինցու,

Շ. Շահնուրի, Կ. Զարյանի, Վ. Շուշանյանի, Ա. Մառուկյանի, Գ. Աղդարյանի, Գ. Սևանի, Վ. Մալյանի, Ա. Դարյանի և ուրիշ հեղինակների գործերը:

Սկիզբ դրվեց հայ սովետական գրականության աչքի ընկնող ներկայացուցիչների (Դ. Դեմիրճյան, Ստ. Զորյան, Ա. Բակունց, Գ. Սարյան, Ն. Զարյան, Գ. Մահարի, Հր. Քոչար, Սիրաս, Մ. Արմեն, Գ. Սևունց, Վ. Անանյան, Ս. Խանզադյան) երկերի ժողովածուների հրատարակությանը:

Գրական ժառանգության՝ սկզբնաղբյուրների, ձեռագրերի, արխիվային նյութերի հրատարակումներին զուգընթաց, գրականագիտությունը լայն ճակատով աշխատանքներ սկսեց բազմադարյան հայ գրականության զարգացման ուղիները հետազոտելու համար: Մեծ թափ ստացավ ինչպես նոր և նորագույն շրջանների, այնպես էլ հին և միջնադարյան գրականության ու ժողովրդական բանահյուսության ուսումնասիրությունը:

Տեղական ընդմիջումից հետո բանասերները վերստին հնարավորություն ստացան բազմակողմանիորեն զբաղվելու հին և միջնադարյան գրականության կարոտ խնդիրներով: Պատմիչների (Նղիշե, Կիրակոս Գանձակեցի), միջնադարյան քնարերգուների (Հովհ. Նրզնկացի, Կ. Նրզնկացի, Գր. Աղթամարցի, Հովհ. Թլկուրանցի, Ն. Հովնաթան և այլն) քննական տեքստերից բացի, հրատարակվեցին մի շարք մեծագրություններ: Գիտական արժեքավոր աշխատություններ են Մ. Մկրյանի «Գրիգոր Նարեկացի» և Գր. Հակոբյանի «Ներսես Շնորհալի» գրքերը, որոնցում խորը վերլուծության է ենթարկվում միջնադարյան գրականության հանճարեղ դեմքերի ստեղծագործությունը: Բանասերները եռանդով զբաղվում էին միջնադարյան արձակի ժանրերի ուսումնասիրությամբ, մի բնագավառ, որը դուրս էր մնացել ավանդական բանասիրության տեսադաշտից:

Հենվելով հայագիտության ավանդներին, բանագիտությունը ծավալում էր ժողովրդական բանահյուսության անմեռ գանձերը հավաքելու, հրատարակելու և հետազոտելու գործը: Լույս տեսան «Հայ ժողովրդական հեքիաթներ» բազմահատորյակի վեց հատորը, Ա. Ղանալանյանի «Հայկական առածանի», «Հայկական ավանդապատում», Ս. Հարությունյանի «Հայկական ժողովրդական հանելուկներ» մեծարժեք հավաքածուները՝ համապատասխան գիտական քննություններով: Վաստենցի Դավիթ էպոսի ուսումնասիրության բնագավառում նոր խոսք է ակադեմիկոս Հ. Օրբելու «Հայ հերոսական էպոսը» գիրքը: Բացահայտելով հայ ազգային էպոսի ժողովրդական ու համամարդկային բովանդակությունը, Հ. Օրբելու գիրքը նոր ուղիներ է բացում բանագիտության այդ ճյուղի խորացման համար:

Ազատագրվելով XIX—XX դարերի հայ նշանավոր գրողներին դասակարգային և նեղ կաղապարներում պարփակելու գոհճիկ սոցիոլոգիական հայացքներից և նրանց պատմական թուլությունները «մեղսագործություն» դիտող մտայնությունից, գրականությունը նախընթացը լուծեցող գործ կատարեց նոր շրջանի գեղարվեստական կյանքը հետազոտելու ուղղությամբ: Հրատարակվեցին մի շարք արժեքավոր մեծագրություններ հայ գրականության խոշոր դեմքերի մասին (Հր. Թամրազյան՝ «Շիրվանզադե», «Սիամանթո» Վ. Թերզիբաշյան՝ «Պետրոս Դուրյան», Վ. Պարտիզունի՝ «Վահան Տերյան», Գ. Աբով՝ «Գարբիել Սունդուկյան», էդ. Զրբաշյան՝ «Թումանյանի սյոեմները», Լ. Հախ-

վերդյուն՝ «Թումանյանի աշխարհը», Պ. Հակոբյան՝ «Խաչատուր Աբովյանի կենսագրությունը», Գ. Հովհաննիսյան՝ «Ավ. Իսահակյանի արձակը», Գ. Ստեփանյան՝ «Հակոբ Պարոնյան», Ս. Սարինյան՝ «Բաֆֆի» և այլն), որոնց մեջ ժամանակակից չափանիշներով գնահատվեց գրականության պատմության մեջ նշանակալի դեր խաղացած խոսքի վարպետների ժառանգությունը:

XIX դարի 50—60-ական թվականների հասարակական-քաղաքական մտքի պատմության, ինչպես նաև ժամանակաշրջանի գրական կյանքի ու հարաբերությունների վերլուծությունն է ներկայացնում Աշոտ Հովհաննիսյանի «Նալբանդյանը և նրա ժամանակը» կապիտալ աշխատությունը: Հեղինակը այս մենագրությամբ հաստատում է հայ ժողովրդի մասնակցությունը համաշխարհային քաղաքակրթությանը:

Գրական ուղղությունների պատմությունը և տեսությունը հետազոտելու ասպարեզում ներդրում է Ս. Սարինյանի «Հայկական ռոմանտիզմը» գիրքը, որ տրված է հայ գրականության մեջ զարգացման տեղական ընթացք ունեցած այդ ուղղության գաղափարական հիմքերի քննությունը:

Այս շրջանում հայ նոր գրականության ուսումնասիրությունը հարստացավ նոր ուղղություններով: Մասնավորապես խորացավ հայ-ռուսական և հայ-կոմյունիստական գրական հարաբերությունների պատմության հետազոտումը: Լույս տեսան Ս. Արեշյանի «Հայ գրականությունը և ցարական գրաքննությունը» ինքնատիպ աշխատությունը, Ռ. Հովհաննիսյանի, Գ. Հովնանի, Ս. Դանիելյանի, Ղ. Այվազյանի, Ա. Բաբայանի, Լ. Մկրտչյանի գրքերը: Հայ իրականության մեջ մարքսիստական գրականագիտության սկզբունքների վերհամահունչ են նվիրված Արտ. Ոսկերչյանի հետազոտությունները:

Հաստատացան նաև նոր գրականության պատմության ստեղծման նախադրյալները: Այդ գործը իրականացնում էր Մ. Արեշյանի անվան գրականության ինստիտուտը: «Հայ նոր գրականության պատմության» հինգ հատորյակի ուր-դեն տպագրված երեք հատորները գիտական շրջանառության մեջ են մտցնում գրական-պատմական նոր նյութեր և XIX դարի հասարակական ու գեղարվեստական մտքի զարգացմանը վերաբերող նոր, ավանդականից տարբերվող մտածողություններ:

Գիտական հետազոտության առարկա է դարձել նաև սովետահայ գրականության անցած կեսդարյա ճանապարհը՝ իր բարդ ուղիներով ու օրինաչափություններով: Հ. Հակոբյանին, Ե. Չարենցին, Ա. Բակունցին, Ստ. Զորյանին, Դ. Դեմիրճյանին, Զ. Եսայանին, Ն. Զարյանին, Գ. Սարյանին և մյուս գրողներին նվիրված մենագրություններից, սովետահայ գրականության առանձին պրոբլեմներին ու ժանրերին նվիրված աշխատություններից բացի, լույս տեսավ «Սովետահայ գրականության պատմության» երկհատորյակ: 1966 թվականին «Նաուկա» հրատարակչությունը (Մոսկվա) ռուսերեն հրատարակեց «Սովետահայ գրականության պատմություն» ստվար հատորը:

Գրականագիտության աճման ցուցանիշներից մեկն էլ տեսության հարցերի մշակման ուղղությամբ տարվող աշխատանքն է: Հրատարակվեցին Հ. Մամիկոնյանի «Մարդու կերպարը գրականության մեջ», Ար. Գրիգորյանի «Գեղարվեստական ոճի պրոբլեմները» գրքերը, Էդ. Զրբաշյանի «Գրականու-

Հայաստանում մեծ դործ է արվում միջազգային գրականության ուսումնասիրման բնագավառում: Հայտնի են Հ. Համբարձումյանի հոմերագիտական հետազոտությունները, Ռ. Զարյանի գրքերը՝ Շեքսպիրի ստեղծագործությունների մասին: Հայաստանը դարձավ իր մեծ բարեկամի՝ Վ. Բրյուսովի ժառանգության գիտական ուսումնասիրման կենտրոն: Պարբերաբար կազմակերպվող «Բրյուսովյան ընթերցումներին» ակտիվ մասնակցություն են ցուցաբերում սովետական մյուս հանրապետությունների ու արտասահմանյան գիտնականներ:

Ընդարձակվեցին սովետահայ գրականության տարածման միջազգային շառավիղները: Ավ. Իսահակյանի, Ե. Զարենցի, Դ. Դեմիրճյանի, Ա. Բակունցի, Արազու, Ստ. Զորյանի, Վ. Թոթովենցի, Ն. Զարյանի, Հ. Շիրազի, Վ. Անանյանի, Գ. Սևունցի, Գ. Էմինի, Ս. Կապուտիկյանի, Պ. Սևակի, Գ. Սարյանի և ուրիշ հայ գրողների երկերը թարգմանվեցին աշխարհի բազմաթիվ լեզուներով՝ ֆրանսերեն, անգլերեն, իտալերեն, լեհերեն, չեխերեն, հունգարերեն, չինարեն, արաբերեն և այլն: Թարգմանվեցին նաև դասական գրականության և ժողովրդական բանահյուսության նշանավոր երկեր: Անգլերեն և ֆրանսերեն լեզուներով՝ Լ. Սյուրմեյանի և Ֆր. Ֆելդիի թարգմանությամբ, հրատարակվեց «Սասունցի Դավիթ» ժողովրդական վեպի համահավաք բնագիրը:

Արդի ժամանակաշրջանում սովետահայ գրականությունը դուրս եկավ զարգացման նոր բնագծեր: Գրականության մեջ սկսվեց ստեղծագործական որոնումների մի շարժում, որը տանում է դեպի սոցիալիստական ռեալիզմի հնարավորությունների ավելի լայն ըմբռնում, իրականության խոր արտացոլում և գրական վարպետության բարձրացում:

Այս արձատական խնդիրների վրա առանձնահատուկ ուշադրություն դարձվեց Հայաստանի գրողների հինգերորդ (1966, նոյեմբեր) և սովետական գրողների չորրորդ (1967, մայիս) համագումարներում: Գրողների համամիութենական համագումարին հղած իր ուղերձում ՍՄԿԿ Կենտրոնական կոմիտեն գրականության կարևորագույն խնդիրը համարեց 50-ամյա ճանապարհ անցած սովետական ժողովրդի պատմական կյանքի նոր գծերի արտացոլումը՝ սոցիալիստական ռեալիզմի սկզբունքներով:

ԱՐՎԵՍՏՐ

1. ՔԱՏՐՈՆԸ ԵՎ ԿԻՆՈՆ

1941—1945 թվականների Հայրենական մեծ պատերազմում սովետական ժողովրդի պատմական հաղթանակը և խաղաղ ստեղծագործական ուշխատանքին անցնելը նոր խնդիրներ դրեցին արվեստի բնագավառում:

Հաղթանակած մարդը իրեն ուժեղ է զգում ներքին կյանքի թերություններին սրտառաց մոռենալու և հաղթահարելու համար: Սակայն ասպարեզ հեղած անկոնֆլիկտային դրամատուրգիան միառժամանակ արգելակեց ժամանակակից իրականության լիարժեք արտացոլումը: «Հրաշալի դանձ», «Խիզախում», «Անհանգիստ մարդիկ» և այլ պիեսներ ոչինչ չունենին հանդիսատեսին տալու Եվ թատրոնը անկաշկանդ գործելու հնարավորությունը փնտրեց դասական երկերի բեմադրություններում:

Այդ տարիներին առանձին ուժգնությամբ հնչեց ռուս դասական դրամատուրգիան: Ամենից ցայտուն ներկայացումները Ա. Սուխով-Կոբլինի «Կրեչինսկու հարսանիքն» էր՝ Լենինականի և Ա. Օստրովսկու «Անօթիտը»՝ Սունդուկյանի անվան թատրոններում, որոնք բարձր գնահատականի արժանացան 1946 թվականին կայացած ռուս դասական դրամատուրգիայի համամիութենական ստուգատեսում: Հետաքրքրությամբ դիտվեցին Դ. Ֆոնվիզինի «Տհասը» (Պատանի հանդիսատեսի թատրոնում), Մ. Գորկու «Մերովը» և Ա. Օստրովսկու «Անտառը» (Ստանիսլավսկու անվան թատրոնում), Ա. Օստրովսկու «Անմեղ մեղավորները» (Կիրովականի Հ. Աբելյանի անվան թատրոնում) և «Գայլերն ու ուղիարները» (Ամո հարազյանի անվան շրջիկ թատրոնում):

Դասական թատերգություններից ետպատերազմյան ժամանակաշրջանում առանձին ուժով հնչեցին նաև Գ. Սունդուկյանի «Քանդած օջախը», Մ. Գորկու «Քշնամիները»՝ Լենինականի թատրոնում: Ռեժիսյոր Մ. Աբարյանի, զբլխավոր դերակատարներ Ա. Փաշայանի, Ե. Դուրյան-Արմենյանի, Ա. Ազնաուրյանի, Ժ. Թովմասյանի, Արծ. Հարությունյանի ստեղծագործական համառորոնումների շնորհիվ այդ հանրահայտ երկերը ստացան սոցիալական վառ արտահայտչականություն և ժամանակակից շունչ:

Այս ամենի կողքին պատմա-հայրենասիրական թեման շարունակում էր գերակշռել հայ բեմի խաղացանկում: «Արա Գեղեցիկ»-ը դրա լավագույն արտահայտությունն էր (Լենինականի թատրոն):

«Դրամատիկական թատրոնների խաղացանկի և այն բարելավելու միջոցառումների մասին» ՍՄԿԿ Կենտկոմի որոշումը (1946) խթան հանդիսացավ վճռական շրջադարձ կատարելու դեպի ժամանակակից թեմատիկան։ Այդ տեսակետից գեղարվեստական ու դաստիարակչական խոշոր նշանակություն ունեցավ Ա. Ֆադեևի «Երիտասարդ գվարդիա» վեպի բեմականացումը։ Այն մեծ հաջողությամբ բեմադրեցին Հայաստանի շուրջ թատրոններ։ Ընթացիկ խաղացանկից Վ. Վաղարշյանի «Վանքաձոր», Գ. Յաղջյանի «Զոյա», Գ. Բորյանի «Բարձունքներում», Բ. Չիրսկովի «Հաղթողները» ինչպես և այլ ներկայացումներ հանդիսականին պատմում էին հայրենիքի պաշտպանության հերոսամարտերի մասին, գովերգում թիկունքի մարդկանց անձնվեր աշխատանքը։

Հայ դերասանական արվեստը բարձր դրսևորում գտավ Գ. Սունդուկյանի անվան թատրոնում բեմադրված Մ. Լեոնտովի «Դիմակահանդես», Լ. Տոյստոյի «Կենդանի դիակ», Մ. Գորկու «Արևի զավակները», Ա. Չխովի «Բայնու ալգին» ներկայացումներում։ Դրանց գեղարվեստական մեծ հնչելությունը էապես պայմանավորված էր նախ ամագ սերնդի վարպետների՝ Վ. Փալադյանի, Հր. Ներսիսյանի, Օ. Գուլագյանի, Ա. Ավետիսյանի, ռեժիսոր Ա. Գուլակյանի և ապա՝ նրանց հաջորդող ու երիտասարդ սերնդի, այդ թվում Դ. Մալխանի, Ա. Արագյանի, Մ. Սիմոնյանի, Մ. Մուրադյանի դերասանական ակներև նվաճումներով։


Իր գոյության առաջին տասնամյակում նկատելի վերելք ապրեց երամըշտական կոմեդիայի թատրոնը։ Մի շարք դասական օպերետների կողքին ույստեղ բեմ հանվեցին «Մորգանի խնամին», «Աղբյուրի մոտ», «Հին հիվանդություն», «Շողոքորթը», «Եվ այլն կամ նոր Դիոգենես» և ուրիշ գործեր։ Այստեղ դգալի հաջողություն ունեցան Թ. Սարգսյանը, Հ. և Ի. Դանդաս ամուսինները, Հ. Բադալյանը, Կ. Խաչվանքյանը, է. Համբարձումյանը և ուրիշներ։ Երաժշտական կոմեդիայի թատրոնը դարձավ ինքնուրույն դրամատուրգիայի ստեղծման ու պրոպագանդան մի նոր օջախ, որի համար երաժշտական երկեր էին գրում նաև ժամանակակից կոմպոզիտորները։ Հետագայում այդ թատրոնը համալրվեց մի խումբ երիտասարդ, շնորհալի դերասաններով (Մ. Համամջյան, Ս. Գրիգորյան, Ս. Քալանթարյան, Մ. Կարապետյան)։

ՍՄԿԿ XX համագումարից հետո մեծ աշխուժություն նկատվեց նաև հայ թատրոնի կյանքում։ Լենինյան նորմաների վերականգնումը երկրի հասարակական կյանքում նպաստեց նաև դրամատուրգիայի ու թատրոնի զարգացմանը։ Ստեղծվեց քննադատական առողջ մթնոլորտ, ընդլայնվեց կապը հղրայրական ժողովուրդների արվեստների հետ։ Թատրոնն ավելի մոտ կանգնեց ժողովրդի կյանքին, դարձավ աշխատավորական լայն խավերի ձգտումների ու երազանքների կենդանի արձագանքը։ Դրա վառ ապացույցը 1956 թվականին Մոսկվայում կայացած հայկական արվեստի և դրականության երկրորդ տասնօրյակն էր։ Օպերային թատրոնի հետ միասին, տասնօրյակին մասնակցեցին երեք դրամատիկական թատրոն։

Մայրաքաղաքի խտապահանջ հանդիսականը և կենտրոնական մամուլը գոհունակությամբ ընդունեցին Սունդուկյանի անվան թատրոնի «Ժայռ», «Նամուս», «Պաղտասար աղբար», «Էլի մեկ զոհ» ներկայացումները, որոնք հայ

դասական դրամատուրգիայի թարմ մեկնաբանության օրինակելի նմուշներ էին, ինչպես նաև «Եզոտր Բուլըշովը և ուրիշները», «Ծթելլոն»՝ երկուսն էլ նոր բեմադրությամբ:

Մի շարք դերակատարումներ ոչ միայն հայ թատրոնի, այլև ազգային մշակույթի կյանքում խոշոր իրադարձություն հանդիսացան: Դա Վ. Փափազյանի Ծթելլոն էր, Վ. Վաղարշյանի Բուլըշովը, Հր. Ներսիսյանի Պաղտատար աղբարը, Օ. Գուլազյանի Սոլոմեն, Գ. Զանիրեկյանի Գրիգոր աղան: «Նամուս» ներկայացման մեջ լիաթոք հնչեց երիտասարդ դերասաններ Մ. Սիմոնյանի, Մ. Մկրտչյանի, Խ. Արրահամյանի, Ս. Սարգսյանի, Հ. Հովհաննիսյանի և մյուսների ձայնը:



ՍՍՀՄ ժողովրդական արտիստ
Հ. Ներսիսյան

Լենինականի Ա. Մուսվյանի անվան թատրոնը, որի խաղացանկում ժամանակակից դրամատուրգիան միշտ պատվավոր տեղ է զբաղեցրել, Մոսկվայում ցուցադրեց Վ. Վաղարշյանի «Օղակում» և Ն. Զարյանի «Փորձադաշտ» պիեսները: Այդ ներկայացումներում իրենց բեմական ակներև ձիրքը դրսևորեցին թատրոնի լավագույն դերասաններ Ա. Արզումանյանը, Ժ. Էլոյանը, Հ. Ղադարյանը և ուրիշներ:

Երևանի Կ. Ստանիսլավսկու անվան ռուսական թատրոնը հայ և ռուս ժողովուրդների բարեկամությունը ամրապնդող կարևոր օջախներից մեկն է: Տասնօրյակի ժամանակ ուշադրության կենտրոնում էին այդ թատրոնի ցուցադրած Շիրվանզադեի «Պատվի համար», Մ. Գորկու «Քաղքենիներ», Ն. Պոգոդինի «Կրեմլյան կուրանտներ», Մ. Օւլիննիկովի «Շրջադարձ» դրամաների բեմադրությունները: Թատրոնի հիմնադիր ուժերին՝ ռեժիսյոր Լ. Քալանթարին, դերասաններ Զ. Գուլեիշին, Վ. Դոբրովոլսկուն, Ն. Կեմարսկայային փոխարինելու էին եկել նույնքան կարող ստեղծագործողներ՝ Ա. Սուրբինինը, Գ. Գենը, Ն. Տեր-Սեմյոնովը, Յու. Վանոլսկին, Ն. Եզրովան, Ա. Զիգարխանյանը և ուրիշներ:

Տասնօրյակի կապակցությամբ թատերական շատ աշխատողներ պարզեցվա՞տրվեցին Սովետական Միության շքանշաններով ու մեդալներով: Վահրամ Փափազյանին և Հրաչյա Ներսիսյանին շնորհվեց Սովետական Միության ժողովրդական արտիստի պատվավոր կոչում: Հետագայում նույն կոչման արժանացան նաև Ավետ Ավետիսյանը և Վարդան Աճեմյանը:

Երիտասարդ սերնդի կոմունիստական դաստիարակության կարևոր ու-

շախներից մեկը՝ Երեւանի Պատանի հանդիսատեսի թատրոնը հասավ զեղարվեստական բարձր մակարդակի։ Թատրոնում երկար ժամանակ գործել և զործում են թատերական արվեստի աչքի ընկնող այնպիսի ուժեր, ինչպիսիք են Տ. Շամիրխանյանը, Ն. Մանուչարյանը, Պ. Սանթրոսյանը, Հր. Ղափլանյանը, Է. Վարդանյանը, Մ. Թամրազյանը, Ա. Ղազարյանը, Ն. Դալլաքյանը և ուրիշներ։ Իր լավագույն աշխատանքների ցուցադրմամբ հաճախ մասնակցելով մանկա-պատանեկան թատրոնների համամիութենական ստուգատեսներին, թատրոնը ձեռք է բերել լայն ճանաչում։ «Ոսկի քաղաք», «Հորձանուտ», «Երաժշտախումբը», «Հանուն հեղափոխության», «Գիշերային հրաշք» և այլ ներկայացումներ պատիվ կարող են բերել յուրաքանչյուր մանկա-պատանեկան թատրոնի։

Հայ բեմարվեստի զարգացմանը զուգահեռ աճեց և ժամանակակից հայ դրամատուրգիան։ Գ. Տեր-Գրիգորյանի «Վեյլջին մեխակներ», Ա. Արաքսմանյանի «Քո սրտի կրակը», Գ. Յաղճյանի «Գիշերային հրաշք», Գ. Բորյանի «Նույն հարկի տակ» պիեսները թարգմանվեցին ռուսերեն և բեմադրվեցին Մոսկվայի թատրոններում։

Նուպատերազմյան ժամանակաշրջանում ընդարձակվեցին սովետահայ թատրոնի մշակութային կապերը։ Վ. Փափաղյանը, Հր. Ներսիսյանը, Դ. Մայլանը մեկնեցին Ռումինիա և Բուլղարիա, հանդես եկան տեղի հայաբնակ քուղաքներում։ Հայ բեմի խաղացանկը հարստացավ ուկրաինական, բելոռուսական, ուղբեկական, էստոնական, ադրբեջանական դրամատուրգիայի նշանավոր երկերով։ Դրանցից ուշագրավ են Ի. Ֆրանկոյի «Գողացված երջանկությունը», Յա. Գալանի «Սերը լուսաբացին», Վ. Մինկոյի «Առանց անունների տալու», Ա. Մակայոնոկի «Կոնդրատի կինը ուղեծրում», Ա. Կախարի «Մետաքսե սյուզանե», Ա. Յակոբսոնի «Գիշերվա և ցերեկվա սահմանում», Զ. Զաքարյի «1905 թվականին» և այլ դրամաների բեմադրություններ։ Գեղարվեստական-թատերական ինստիտուտը բացեց դարդինական հատուկ ստուդիա, ուր տարիներ շարունակ պրոֆեսոր Վ. Վարդանյանի մասնագիտական ղեկավարությամբ կրթություն էին ստանում Հյուսիսային Կովկասի ժողովուրդների զավակները։ Անդրկովկասյան թատերական ընկերությունների նախաձեռնությամբ կազմակերպվեցին թատերական հարցերին նվիրված հատուկ կոնֆերանսներ։ Գ. Սունդուկյանի անվան ակադեմիական թատրոնն իր լավագույն ներկայացումները 1960 թվականին ցուցադրեց Մոսկվայի Կրեմլյան թատրոնում, այնուհետև՝ Բաքվում և Թբիլիսիում։ Երաժշտական կոմբիդիայի, Լենինականի, Կիրովականի, Արտաշատի թատրոնները ներկայացումներով հանդես եկան Դոնի Ռոստովում, Կրասնոդարում, Սուխումիում, Ստեփանակերտում, Կիրովաբադում և այլուր։ Սկսեցին հաճախ Հայաստան ժամանել Մոսկվայի լավագույն թատրոնները։ Երեւանում ներկայացումներով հանդես եկան նաև Փարիզի «Ատելյե» և Մադլեն Ռոբինսոնի թատերախմբերը։

Առաջին անգամ իր պատմության մեջ 1963 թվականին Երեւան ժամանեց Թբիլիսիի Ստ. Շահումյանի անվան հայկական դրամատիկական թատրոնը։ Գ. Սունդուկյանի «Խաթաբալա», Գ. Բերիաշվիլու «Ուտինները Քուի ալին», Լուսն զե Վեգայի «Հնարամիտ տարփուհին» և այլ ներկայացումներ հանդիսացան թատրոնի ստեղծագործական աճի վառ ապացույցը։ Թատրոնն ունի

ղերասանների և փորձված ռեժիսորների մի սավար խումբ, որն ընդունակ է լուծելու ստեղծագործական բարդ խնդիրները:

Վերջին տարիների հայ թատերական կյանքը բնորոշվում է թեմատիկայով բազմազան և ձևով արդիական մի շարք ներկայացումներով: Ամերիկյան նշանավոր արձակագիր-դրամատուրգ Վ. Սարոյանի «Իմ սիրտը լեռներում է» դրամայի, Ե. Չարենցի տեքստով կազմված «Դեպի ապագան» բեմականացման, Ա. Միլլերի «Սալեմի վհուկները» պիեսի բեմադրությունների Գ. Սունդուկյանի անվան թատրոնում, Ա. Արբուզովի «Իրկուտսկյան պատմությունը»՝ Լենինականի թատրոնում, Ե. Չարենցի «Կապկազ թամաշան» և Բ. Բրեխտի «Երեք գրողանոց օպերա»-ն՝ երաժշտական կոմեդիայի թատրոնում, Մ. Գորկու «Քաղքենիները», Յ. Օտլենաչեկի «Ռեմոնոն, Զուլիետան և խավարը»՝ Պատանի հանդիսատեսի թատրոնում, Կոզոուտի «Այդպիսի սերն» ու Լուսի դե Վեգայի «Սևիլյայի աստղը»՝ Կիրովականի թատրոնում—այս ամենը ստեղծագործական առաջընթացի հաստատուն ապացույցներ են: Թատերական գործիչների ավագ սերնդի կողքին աճեցին շնորհալի նոր ուժեր՝ ռեժիսորներ Հր. Ղափլանյանը, Զ. Տատինցյանը, Ս. Աբմաբչյանը, Գ. Մկրտչյանը, Մ. Մարինոսյանը, ղերասաններ Բ. Ներսիսյանը, Մ. Սիմոնյանը, Վ. Վարդեսյանը, Մ. Մարտիրոսյանը, Լ. Հովհաննիսյանը և ուրիշներ:

Ետպատերազմյան շրջանում զգալի զարգացում ապրեց նաև հայ թատերագրական միտքը: Հրապարակ եկան բազմաթիվ ուշագրավ աշխատություններ, որոնք նվիրված են թատրոնի պատմության և տեսության հարցերին: Պետք է հատկապես նշել Գ. Գոյանի «Հայ թատրոնի 2.000 տարին», Գ. Ստեփանյանի «Ուրվագիծ արևմտահայ թատրոնի պատմության», Ռ. Զարյանի «Աղամյան» և «Սիրանուշ», Ս. Մեխիբսեթյանի «Հովհաննես Աբելյան» մեծածավալ ուսումնասիրությունները, ինչպես նաև Լ. Քալանթարի «Արվեստի մայրուղիներում» ժողովածուն, Վ. Փափազյանի «Հետադարձ հայացք»-ը և «Իմ Օթելլոն»: Լույս տեսան բազմաթիվ գրքեր ու ալբոմներ՝ նվիրված սովետահայ թատրոնի պատմության ույս կամ այն ժամանակաշրջանին, տասնյակ մենագրություններ՝ ժամանակակից հայ ղերասանների մասին:


1966 թվականին Երևանում շահագործման հանձնվեց Գ. Սունդուկյանի անվան թատրոնի նորակառույց շենքը, որն իր ճարտարապետական կառուցվածքով և տեխնիկական սարքավորմամբ Սովետական Միության լավագույն



ՍՍՀՄ ժողովրդական արտիստ
Վ. Փափազյան

թատերական շենքերից է։ Նույն թվականի վերջերին Գ. Սունդուկյանի անվան թատրոնը մեկ ամսով հյուրախաղերի մեկնեց Մերձավոր Արևելք՝ Լիբանան և Սիրիա։ Բեյրութում, Հալեպում և Դամասկոսում ցուցադրած «Արա Գեղեցիկ», «Իմ սիրտը լեռներում է», «Նամուս», «Ժայռ» և «Պաղտասար աղբար» ներկայացումները մեծ խանդավառությամբ ընդունվեցին տեղի հայրենակարոտ հայության շրջաններում։

Սովետական Հայաստանի թատերական արվեստը ապրում էր նոր զարգացում։ Պրոֆեսիոնալ թատրոնների կողքին արդյունաբերական և ուսումնական մի շարք հաստատություններին կից, շրջանային կենտրոններում և գյուղական վայրերում գործում էին բազմաթիվ ժողովրդական թատրոններ, որոնք քաղաքի և գյուղի ազդեցնակչությանը մատչելի էին դարձնում ոչ միայն ինքնուրույն գրամատուրգիայի երկիրը, այլև նրանց մերձեցնում դասական ստեղծագործություններին։



ՍՍՀՄ ժողովրդական արտիստների
Գ. Դասպարյան

Որոշ առաջընթաց տեղի ունեցավ կինոյի բնագավառում։ Պատմական և ժամանակակից փաստերի գեղարվեստական յուրացման տեսակետից հայ կինեմատոգրաֆիայի համար «Երկիր Հայրենին» բախտորոշ նշանակություն ունեցավ, իսկ ռազմաճակատային նկարահանումների ընթացքում ձեռք բերված փորձը նպաստեց հայկական կինոարվեստի առաջ-

ընթացին։ Թերևս այդ էր պատճառը, որ ետպատերազմյան առաջին տարիների Հայկինոյի արտադրության ամենաբեղմնավոր բնագավառը կապված է փաստագրական և վավերագրական նկարահանումների հետ։ Հայաստանում տեղի ունեցած կարևոր իրադարձությունները արձագանք գտան ղլխավորապես վավերագրական նկարների մեջ։ Հայրենադարձության թեման արտացոլվեց «Վերադարձ», «Օվկիանոսի մյուս ափից», հանրապետության էներգետիկայի ընդլայնման մեծ աշխատանքները՝ «Էներգետիկա», «Սևանի ջրերը», արդյունաբերության, շինարարության և մշակույթի հարցերը՝ «Սովետական Հայաստան» և ուրիշ ֆիլմերում։

Չնայած այդ հաջողություններին, սովյալ շրջանում գեղարվեստական կինեմատոգրաֆիան անհրաժեշտ զարգացում չապրեց։ Նախորդ ժամանակաշրջանի համեմատությամբ թույլ էր կապը զրականության հետ, քիչ ուշա-

դրույթուն էր դարձվում կինոյի համար նոր կադրերի ստեղծման վրա, անբավարար էր տեխնիկական բաղան և այլն:

Հայկինոյի ստեղծագործական աշխատանքներն առանձնապես աշխուժացան 50-ական թվականների կեսերից, ՍՄԿԿ XX համագումարից հետո: Ընդլայնվեց թեմատիկան: Ժամանակակից իրականությունը և անցյալի ակնառու պատմական դեմքերը գեղարվեստական առավել հստակ արտացոլում գտան, իսկ հայ դասական գրողների երկերը շարունակում էին մնալ ռեժիսորների և կինոսցենարիստների հետաքրքրությունների ոլորտում: Մեկը մյուսի հետևից էկրան բարձրացան «Պատվի համար», «Արևածաղից առաջ», «Տժվժիկ», «Մոսյո ժակը և ուրիշները» ֆիլմերը, որոնք հետաքրքրական էին ամենից առաջ դերասանական կաստրուկներով: Նոր լույսի տակ դիտվեցին պատմական անցյալն ու հեղափոխական իրադարձությունները: «Հյուսիսային ծիածան» (ռեժիսոր՝ Ա. Հայ-Արտյան) ֆիլմը նվիրված է հայ և ռուս ժողովուրդների բարեկամությանը, իսկ «Անձամբ ճանաչում եմ» և «Հատուկ առաջադրանք» (ռեժիսորներ՝ է. Քարամյան և Ս. Կեվորկով) կինոնկարները պատմում են հայ մեծանուն հեղափոխական Կամոյի լեգենդար կյանքի մասին: Ժամանակակից թեմայով և տարբեր ժանրերով ստեղծված գործերի մեջ բարձր գնահատականի արժանացան նաև «Մենված են ապրելու համար» և «Առաջին սիրո երգը» նկարները: Այս ֆիլմերն էլ առաջ քաշեցին կինոռեժիսորների, որոնցից համեմատաբար արգասավոր գործունեություն ծավալեցին Գ. Մելիք-Ավագյանը, Լ. Վաղարշյանը, Կինոարվեստի բնագավառ մուտք գործեց երիտասարդ շնորհալի դերասանների նոր սերունդ (Խ. Աբրահամյան, Մ. Մկրտչյան և ուրիշներ):



ՍՍՀՄ ժողովրդական արտիստ
Վ. Վաղարշյան

Ժամանակակից մարդու հոգեբանությունը, նրա բարոյական կերպարի մարմնավորումը իր վսեմ արտահայտությունը գտավ «Բարև, ես եմ» ֆիլմում (ռեժիսոր՝ Ֆ. Դովլաթյան): Ա. Զիգարխանյանը, դերասաններ Ռ. Բիկովը, Տ. Տերեխովան ստեղծել են դրամատիզմով հագեցված, լիրիկական, հուզիչ կերպարներ: Դա նոր խոսք էր Հայկինոյի (այժմ՝ Հ. Բեկ-Նաղարյանի անվան «Հայֆիլմ» կինոստուդիա) հապատեերազմյան շրջանի պատմության մեջ և պատահական չէ, որ համամիութենական էկրանում հաջողություն գտնելուց

հետո, 1966 թվականին այն ցուցադրվեց նաև Կաննի միջազգային կինոֆեստիվալում:

Պետք է նշել, որ Հայկինոյի գործունեության մեջ տեղ են գտել նաև արհեստական բախումների, գրական մերկ սխեմաների վրա կառուցված նկարներ, ինչպիսիք են՝ «Թռիչք անդունդի վրայով», «Դժվար անցում» և այլն: Հայաստանի կինոգործիչներին ղեկուս կաշկանդում է ժանրային սահմանափակությունը, ստեղծագործական համարձակության պակասը, թույլ կապը դրական և թատերական ուժերի հետ:

Վերջին տասնամյակում նկատելի վարզացում ապրեցին նաև վավերագրական, գեղարվեստական կինո-ականարկի ժանրերը: Հանրապետության շինարարության, արդյունաբերության, դոկտատնտեսության, մշակութային կյանքի նոր, առավել բարձր թափը, հայրենի բնության ու պատմական հուշարձանների հետ միասին, լայն արտացոլում գտան ժապավենի վրա: Ստեղծվեցին նաև բազմաթիվ գիտահանրամատչելի գունավոր նկարներ: «Ցոթ երգ Հայաստանի մասին», «Մարտիրոս Սարյան», «Լեոնային պարիկ», «Հարազատ երգեր», «Հայաստանի ճարտարապետությունը» և այլ ֆիլմեր բարձրացրին ազգային կինոարվեստի հեղինակությունը:

Ազգային կինոարվեստը գնալով ավելի լայն ժողովրդականություն է վայելում: 1958 թվականին Երևանում հիմնադրվեց Հայաստանի սովետական կինեմատոգրաֆիստների միությունը, որը պրոպագանդիստական աշխատանք է տանում աշխատավորության լայն շրջաններում: Օրըստօրե աճում է կինոցանցը: Այժմ Հայաստանում կինո-սարքավորումների և կինո-թատրոնների թիվը մոտենում է հազարի:

2. ԵՐԱԺՇՏԱԿԱՆ ԱՐՎԵՍՏԸ

Ետպատերազմյան տարիներին իսկական բարգավաճում է ապրում ազգային կատարողական արվեստը: Վերաստեղծվում, գեղարվեստական բարձր մակարդակի են հասնում սիմֆոնիկ նվագախումբը (դիրիժոր՝ Մ. Մալունցյան), պետական երգչախումբը (գեղարվեստական ղեկավարներ՝ Ա. Տեր-Հովհաննիսյան, Հ. Զեքիյան): Կազմակերպվում են կատարողական նոր կոլեկտիվներ՝ ռադիոյի և հեռուստատեսության սիմֆոնիկ երկրորդ նվագախումբը, ֆիլհարմոնիայի կամերային նվագախումբը, ջութակահարների անսամբլը և այլն:

Ստեղծագործական վերելք են ապրում ժողովրդական արվեստը պրոպագանդելու կոչված կոլեկտիվները: Վերակառուցվեց ռադիոյի և հեռուստատեսության ժողովրդական գործիքների նվագախմբի (ղեկավար՝ Ա. Մերանգուլյան, դիրիժոր՝ Ս. Զրբաշյան) աշխատանքը: Հիմք ընդունվեց կատարման բազմաձայն սկզբունքը, ուշագրավ փորձեր կատարվեցին ժողովրդական երաժշտության և դասական երաժշտական արվեստի ստեղծագործությունները գործիքավորելու ուղղությամբ: Վերակառուցման շնորհիվ նվագախմբի գեղարվեստական ընդհանուր մակարդակը զգալիորեն բարձրացավ: Նվագախմբի հետ ելույթ էին ունենում Ա. Տեր-Աբրահամյանը, Ա. Գյուլզադյանը,

Օ. Համբարձումյանը, Շ. Բաղալյանը, որոնք նվաճեցին ունկնդիրների սերն ու համակիրները: Այլևի ընդլայնվեց հանրապետության վաստակավոր կոլեկտիվի՝ հայկական երգի-պարի անսամբլի ժողովրդականությունը: Այդ ժամանակվա ընթացքում անսամբլը պատրաստեց մի շարք ուշագրավ ծրագրեր, որոնց մեջ երգային արվեստի հին նմուշների կողքին լայնորեն ներկայացված է նաև սովետական ժամանակաշրջանի ժողովրդական ստեղծագործությունը: Մեծ ծառայությունների համար անսամբլի գեղարվեստական ղեկավար Քաթուկ Ալթունյանին շնորհվեց Պետական մրցանակ և ՍՍՀՄ ժողովրդական արտիստի կոչում:

Նույնպես զարգացան տարիներին կազմակերպված կատարողական նոր կոլեկտիվներից աչքի ընկավ Հայաստանի պարի անսամբլը (գեղարվեստական ղեկավար՝ Է. Մանուկյան), որը հասել էր գեղարվեստական բարձր կատարելության:

Միջազգային մրցանակաբաշխություններում փայլուն հաղթանակ նվաճեցին մի շարք երիտասարդ կատարողներ: Միջազգային երեք մրցանակաբաշխությունների դափնեկիր դարձավ դաշնակահար Յուրի Հայրապետյանը: Հասունությամբ և վարպետությամբ աչքի է ընկնում ջութակահար Ժ. Տեր-Մերկերյանի արվեստը, որը Փարիզում շահեց Մարգարիտ Լոնգի և Ժակ Տիրույի անվան մրցանակը: Հիանալի սկսեց իր ուղին պատանի ջութակահար Ռ. Ահարոնյանը, որը 18 տարեկան հասակում արժանացավ Չայկովսկու անվան միջազգային մրցանակաբաշխության դափնեկրի կոչման: Համերգային երդիչներից իր ուրույն տաղանդով աչքի ընկավ Ա. Այդինյանը:

Մտղկում ապրեց Զարուհի Դոլուխանյանի՝ արդի ժամանակաշրջանի մեծագույն երգչուհիներից մեկի, տաղանդը: Նա վրկալ արվեստի սովետական վարպետներից առաջինն արժանացավ Լենինյան մրցանակի: Բացառիկ է նրա ձայնը՝ հազվագեղ պատահող կոլորատուրային մեցցո-սոպրանոն: Դոլուխանյանի կատարմանը հատկապես բնորոշ են ձայնին տիրապետելու անթերի կատարելությունը, պարզությունը, մեկնության վսեմությունն ու բանաստեղծականությունը: Նրա արվեստը, իրավամբ, համաշխարհային ճանաչում է նվաճել:

Մի շարք առաջնակարգ բեմադրություններով հարստացավ Սպենդիարյանի անվան օպերայի և բալետի պետական ակադեմիական թատրոնի խաղացանկը: Հատուկ տեղ են գրավում ազգային օպերային և բալետային նոր ներկայացումները: Թատրոնում աճեցին հիանալի գերասանների նոր կազրեր: Հանրապետության սահմաններից շատ հեռու է տարածվել Սովետական Միության ժողովրդական արտիստուհի Գոհար Գասպարյանի՝ օպերային խաղացանկի լիրիկական կոլորատուրային գերերի անզուգական կատարողի հուշակիր: Գոհար Գասպարյանի երգը ուշագրավ է զարմանալիորեն հստակ և գեղեցիկ ձայնով, տարբեր ոճի ու բնույթի ստեղծագործությունների խոհուն ու նուրբ մեկնությամբ:

Իր ստեղծագործական ճանապարհին բարձր նվաճումների էր հասել վրկալ և բեմական վառ տաղանդով օժտված, Սովետական Միության ժողովրդական արտիստուհի Տաթևիկ Սաղանդարյանը: Օպերային բեմում մի շարք անմոռանալի կերպարներ են կերտել մեծահռչակ երգիչներ, ՍՍՀՄ ժողովրդա-

կան արտիստներ Պ. Լիսիցյանը և Ն. Հովհաննիսյանը, հանրապետության ժողովրդական դերասան Շարա Տալյանը և ուրիշներ:

Հայաստանի երաժշտական կյանքում հուլիշ իրադարձություն էր 1956 թվականի հունիսին Մոսկվայում կայացած հայ արվեստի և դրականության տասնօրյակը, որին մասնակցում էին նաև Ալ. Սպենդիարյանի անվան օպերային թատրոնը, բազմաթիվ երաժշտական կոլեկտիվներ ու առանձին կատարողներ: Օպերային թատրոնը հանդես եկավ «Անուշ», «Արշակ Երկրորդ», «Պիկոլայա դամա», «Դավիթ-Քեկ» օպերաների և «Սեան» բալետի բեմադրություններով: Այդ ներկայացումները, ինչպես և հանրապետության երաժշտական առաջատար կոլեկտիվների համերգները ջերմորեն ընդունվեցին Մոսկվայի խոտապահանջ հասարակայնության կողմից և արժանացան մամուլի բարձր գնահատականին: «Մենք ուրախ ենք,— գրել է սովետական բալետի տիկանավոր մենակատար Գալինա Ուլանովան,— որ «Սեան» բալետը այդ ժանրի ասպարեզում նոր թեմա բեմականացնելու անդուլ որոնումների վկայությունն է... Ներկայացման գործող անձինք մեր ժամանակակիցներն են՝ իրենց զգացմունքներով, այսօրվա բերկրանքով ու արվեստներով»: «Արշակ Երկրորդ»-ը թատերական բարձր կուլտուրայի ներկայացում է,— նշել է կոմպոզիտոր Վ. Էնկեն: Մեծ թատրոնի զլխավոր ռեժիսոր Բ. Պոկրովսկու կարծիքով կոմպոզիտոր Ա. Տիգրանյանի «Դավիթ-Քեկ» օպերան զբաղված է «խորաթափանց մեծ վարպետությամբ: Օպերայում դարմանալիորեն միաձուլվել են ձևերի հերոսական մոնումենտալությունը և մարդկային իրական ջերմ զգացմունքները»:

Հայկական երաժշտական արվեստի զարգացմանը մատուցած ակնառու ծառայությունների համար երաժշտական գործիչների մի մեծ խումբ պարգևատրվեց շքանշաններով ու մեդալներով: ՍՍՀՄ ժողովրդական արտիստի պատվավոր կոչման արժանացան դիրիժոր Մ. Թավրիզյանը, երգչուհիներ Տ. Սաղանդարյանը և Գ. Գասպարյանը:

Ետպատերազմյան շրջանում հանրապետությունում հետագա զարգացում ստացավ երաժշտական կրթությունը: 1966 թվականին Հայաստանում բերձում էր ավելի քան 40 երաժշտական դպրոց և 4 երաժշտական ուսումնարան, սովորողների թիվը 11 հազարից ավելի էր:

Երաժշտական կադրեր պատրաստելու գործում մեծ է նրանի Կոմիտասի անվան կոնսերվատորիայի դերը: 1950—1960-ական թվականներին կոնսերվատորիան՝ հանրապետության հնագույն ուսումնական հաստատություններից մեկը, զգալիորեն ընդարձակեց իր գործունեությունը և այժմ կադրեր է պատրաստում երաժշտական բոլոր հիմնական մասնագիտությունների դժուր Բարձրացավ ուսման որակը, հստակորեն ձևավորվեց կոնսերվատորիայի ազդային դեմքը:

Ամբողջությամբ գնահատելով հայկական երաժշտական կյանքի զարգացման տենդենցները, հարկ է առանձնապես շեշտել երաժշտական արվեստի ժողովրդականացման, սովետական եղբայրական հանրապետությունների և աշխարհի տարբեր երկրների հետ երաժշտական կապերի ըստ ամենայնի ամրապնդման ու ուժեղացման ձգտումը: Այդ կապակցությամբ կարելի է նշել երգի ժողովրդական տոների պարբերաբար կազմակերպվող Հայաստանի

տարրեր քաղաքներում (Կիրովական, Լենինական, Ստեփանավան, Երևան), ժողովրդական համալսարանների, ժողովրդական կոնսերվատորիայի, ժողովրդական ֆիլհարմոնիայի ստեղծումը, հրաժշտական ինքնագործունեության ստուգատեսները, որոնց մասնակցում են բազմահազար կատարողներ:

Նշանակալից իրադարձություն էին ուսական հրաժշտության տասնօրյակը (1966), էստոնական գրականության և արվեստի շաբաթը (1964), «Անդրբկովկասյան հրաժշտական գարուն» փառամոտը (1958 և 1965): Վերջինը կայացավ հղբայրական երեք հանրապետությունների մայրաքաղաքներում՝ Բաքվում, Երևանում և Թբիլիսիում: Փառատոնին ներկա էին նաև միութենական այլ հանրապետություններից և ժողովրդական դեմոկրատիայի երկրներից ժամանած բազմաթիվ հյուրեր: Փառատոնի մասնակիցները և հյուրերը հնարավորություն ունեցան ծանոթանալու Անդրբկովկասի կոմպոզիտորների նոր ստեղծագործություններին, հրաժշտական լավագույն կոլեկտիվների կատարողական արվեստին:



ՍՍՀՄ ժողովրդական արտիստ
Ա. Խաչատրյան

Նկատելիորեն ուժեղացել են նաև հայ երաժիշտների միջազգային կապերը: Սոցիալիստական երկրների մշակութային ամրապնդվող կապերի վառ ցույցի վերածվեցին Բուդապեշտի, Զեստափուկայի և Հունգարիայի արվեստների 1965, 1966 և 1968 թվականներին Հայաստանում կայացած տասնօրյակները, ինչպես և հայ արվեստի դործիչների պատասխան ելույթները այդ երկրներում: Հիացմունքով ընդունվեցին հայկական ժողովրդական երգի-պարի անսամբլի և պարի անսամբլի ելույթները Եվրոպայի, Աֆրիկայի և Մերձավոր Արևելքի մի շարք երկրներում: Աշխարհի շատ երկրների ունկնդիրների վրա մեծ տպավորություն թողեց Կոմիտասի անվան կվարտետի, երգիչներ Զ. Դուրյանյանի, Պ. Լիսիցյանի, Գ. Գասպարյանի, Տ. Սաղանդարյանի և բազում այլ տաղանդավոր հայ երաժիշտների ուղեսուղ արվեստը:

Նույնատեղյալ տարիներին հայ կոմպոզիտորների ստեղծագործությունը անցել է մեծ, բեղմնավոր զարգացման ուղի, թեև այդ ուղին ղեկավարում էր զգալիորեն դժվարություններից ու հակասություններից:

Հայ, ինչպես և սովետական ողջ հրաժշտության զարգացման գործում կարևոր նշանակություն ունեցավ ՍՄԿԿ Կենտկոմի 1948 թվականի որոշումը

վ. Մուրադելու «Մեծ բարեկամություն» օպերայի մասին: Որոշումն իրավա-
ցիորեն ընդգծում էր սովետական երաժշտությունը ռեալիզմի և ժողովրդա-
կանության ուղիով զարգացնելու անհրաժեշտությունը, վերստին հիշեցնում է
դասական ժառանգության մնայուն արժեքի մասին: Այդուհանդերձ, որոշումը
զերծ չէր առանձին սխալ, անարդարացի գնահատականներից ու դրույթներից,
որոնք հետագայում նշվեցին ՍՄԿԿ Կենտկոմի 1958 թվականի մայիսի 28-ի՝
«Մեծ բարեկամություն», «Բոգդան Խմելնիցկի» և «Ամբողջ սրտով»



ՌՍՖՍՀ և ՀՍՍՀ ժողովրդական արտիստուհի
Ձ. Դուլսիսեյան

օպերաների գնահատման դործում
թույլ տված սխալներն ուղղելու
մասին» որոշման մեջ: Նույնպի-
սի սխալներ թույլ տրվեցին նաև
Հայաստանում: Մի շարք կոմպո-
զիտորներ (Հ. Ստեփանյան, Տ.
Տեր-Մարտիրոսյան և ուրիշներ)
Հայաստանի կոմկուսի Կենտկոմի
1948 թվականի մայիսի 25-ի ո-
րոշմամբ անարգարացիորեն մե-
ղադրվեցին ֆորմալիզմի մեջ:

Մեծ ուշադրություն նվիրվեց
երաժշտական թատրոնին, ար-
դիական թեմայով ազգային օպե-
րաներ և բալետներ ստեղծելու
գործին: Այդ ուղղությամբ կա-
տարված մի շարք փորձերից հե-
տո (Հ. Ստեփանյանի «Հերոսու-
հին», Ա. Տեր-Ղևոնդյանի «Արևի
ցոլքերում», Յու. Գևորգյանի
«Խարույկ» օպերաները, է. Խա-
ղապորտյանի «Սոնա» բալետը)
հասարակայնության ճանաչումը
գտան: Թատրոնի խաղացանկում
մնացին Գ. Եղիազարյանի «Սե-
վան» բալետը և Ա. Բաբաևի

«Արծվաբերդ» օպերան: Այս երկու ստեղծագործությունները նվիրված
են մեր ժամանակակիցներին, պատմում են կոլտնտեսային դյուշի
աշխատավորների մասին: «Սևան» բալետի ժողովրդական տեսարաններում
ամբողջ հմայքով հառնում են Հայաստանի ազգային պարերը—կանանց՝ նա-
ղելի ու հեղաճկուն, տղամարդկանց՝ սրընթաց ու կրակոտ: Օգտագործելով
ժողովրդական մեղեդիները, դրանց սիմֆոնիկ մշակումով հեղինակը հասել է
մեծ արտահայտչականության և գունագեղության:

«Արծվաբերդ» օպերայի գործողությունը ծավալվում է աշխույժ ու դինա-
միկ, հանդիսատեսին փոխադրելով Հայաստանում կոլտնտեսային շինարա-
րության սկզբնական ժամանակաշրջանը: Երաժշտությունը ճշմարտացիորեն
վերարտադրում է սուր պայքարով հագեցված իրադարձությունների դրամա-

տիղմը և նոր, յուսավոր կյանք կառուցելու իրենց իրավունքը պաշտպանող հերոսների ներքնաշխարհի քնարական ներշնչանքը: Ա. Բաբաևի մեղեդիները հիացնում են իրենց բնականությանը, հոգեկան մեծ ջերմությանը: «Արծվաբերդ» օպերան, որը բեմադրվել է նաև սոփիստական այլ քաղաքների թատրոններում, հաշկական օպերայի բեմում արդիականությունը մարմնավորելու զգալի առաջընթաց քայլ էր: Բոցաշունչ հայրենասերի, հայ նոր գրականության հիմնադրի կերպարը անձ-

նավորելու ուշադրավ փորձ կատարեց Գ. Արմենյանը «Խաչատուր Աբովյան» օպերայով:

Այդ տարիների զեղարվեստական խոշորագույն նվաճումն է Ա. Խաչատրյանի «Սպարտակ» բալետը (1954), որն արժանացավ Լենինյան մրցանակի: Դիմելով հին Հռոմի ստրուկների ապրտամբության պատմությանը, մեծ կամպոզիտորը կերտել է արդիականությանը համահնչյուն գործ: Բալետի հերոսին՝ Սպարտակին, Ա. Խաչատրյանը ներկայացրել է որպես ազատագրական պայքարի խորհրդանիշ, պայքար, որ մեր օրերում մղում են ճնշված ժողովուրդները գաղութատիրության դեմ, հանուն իրենց ազատության և ուղղային անկախության: «Սպարտակ» բալետը մոռումեռտալ, պատմա-հերոսական բնույթի, դրամատիկ վառ հակադրություններով հագեցված ստեղծագործություն է: Խաչատրյանի երաժշտությունը շլացնում է զգացմունքների բոցավառությամբ և գեղեցկությամբ, բաղմբերանգ գույների հոյակապ շոայլությամբ: Բալետի դրամատուրգիայում տպավորիչ է հնչեղության հարաճուն թափը, որն ընդգծում է բեմի վրա ծավալվող իրադարձությունների դրամատիկ սրությունը և լարվածությունը:

Ազգային բալետի զարգացման դործում զգալի է կոմպոզիտոր է. Հովհաննիսյանի ավանդը: Նրա գրչին են պատկանում «Մարմար» և «Հավերժական կուռք» հեքիաթային բնույթի բալետները (վերջինս արժանացավ հանրապետական մրցանակի), ինչպես նաև «Ծրկնագույն նոկտյուրն» մեկ գործողությամբ բալետը, որը պատմում է իր կոշումը որոնող ժամանակակից նկարչի մասին: Է. Հովհաննիսյանի ստեղծագործությանը բնորոշ են հոգեբանական խորությունը, երաժշտական կերպարների արտահայտչականությունը և զեղարվեստական նուրբ ճաշակը:

60-ական թվականների վերջին օպերային թատրոնի խաղացանկը հարստացավ նոր բեմական գործերով. Ա. Տերտերյանի «Կրակե օղակ», Գ. Ար-



ՍՍՀՄ ժողովրդական արտիստ
Մ. Բավրիզյան

մենյանի «խորտակում», Ա. Հարությունյանի «Սայաթ-Նովա» օպերաներով և է. Արիստակեսյանի «Պրոմեթեա» (բեմադրվել է նաև Լեհաստանում), Գ. Հախինյանի «Երեք նովեներ», Կ. Օրբելյանի «Անմահություն» բալետներով:

Որոշ ժամանակ կոմպոզիտորների ստեղծագործության մեջ առաջատար տեղ էր զբաղում վոկալ և վոկալ-սիմֆոնիկ երաժշտությունը: Հատկապես շատ էին կանտատային ժանրի գործերը (Հ. Ստեփանյանի, Ա. Հարությունյանի, Վ. Տալյանի, Գ. Զեքուարյանի, է. Միրզոյանի, է. Հովհաննիսյանի, Գ. Արմենյանի և այլոց կանտատները): Դրանցից աչքի է ընկնում Ա. Հարությունյանի «Հայրենիքի մասին» կանտատը, որն արժանացել է Պետական առաջին մրցանակի: «Հայրենիքի մասին» կանտատը սովետական երաժշտության պայծառ, կենսահաստատ ստեղծագործություններից է: Գրավիչ անմիջականությամբ հեղինակը բացահայտում է սովետական մարդկանց բոցաշունչ սերը սոցիալիստական հայրենիքի նկատմամբ, արտացոլում մեծ սխրանքներով ու հերոսական գործերով լի մեր ժամանակի հոուն, լավատեսական ոգին: Կանտատի երաժշտության արժեքը նրա ազգային վառ որոշակիությունն է:

Վոկալ-սիմֆոնիկ երաժշտության զարգացումը շատ բանով հարստացրեց ազգային երաժշտական մշակույթը, նպաստեց արդիական հրատապ թեմատիկայի ակտիվ հաստատմանը:

Սակայն լուրջ, բովանդակալից ստեղծագործությունների կողքին այդ տարիներին ստեղծվեցին նաև ոչ սակավ գորշ, դժգույն կանտատներ: Որոշ համադամանքներում կյանքի կոշված արտաքին տոնականությունը այդ գործերում զուգակցվում էր ստեղծագործական չեղքության, գեղարվեստական խնդիրների լուծմանը միատիպ մոտեցում ցուցաբերելու հետ:

Երգարվեստի բնագավառում առավել վառ ստեղծագործական դեմք է կոմպոզիտոր Աշոտ Սաթյանը: Մեծ տարածում գտած նրա բազմաթիվ երգերը օրգանապես կապված են հայ ժողովրդական երաժշտության հետ, միևնույն ժամանակ լի են արդիականության աշխույժ զգացումով: Հուզաթաթալ անկեղծությամբ հեղինակն արտացոլել է նոր ժամանակը, նոր կյանքը, բացահայտել սովետական մարդու հոգեկան հարստությունն ու կենսասիրությունը: Այդպիսիք են նրա «Արարատյան հովտի երգերը», «Խաղաղության երգը», «Ես իմ անուշ Հայաստանի...» և շատ ուրիշ երգեր:

50-ական թվականների երկրորդ կեսից լայն տարածում ստացավ էստրադային երգը: Այդ ժանրում հաջողությամբ ստեղծագործում են կոմպոզիտորներ Ա. Բաբաջանյանը, Կ. Օրբելյանը, է. Բաղդասարյանը: Նրանց լավագույն երգերում ազգայինը հմտորեն զուգակցվում է ժամանակակից ջազի բնորոշ և արժեքավոր տարրերի հետ:

1950—1960-ական թվականներին քնարական երգեր և ռոմանսներ են գրել Կ. Զաքարյանը, Հ. Ստեփանյանը, Ա. Դուրխանյանը, Վ. Կոտոյանը, Ա. Աճեմյանը, Խ. Ավետիսյանը, Գ. Զրթյանը, Տ. Մանսուրյանը և ուրիշներ:

Հայ երաժշտական արվեստի զարգացումը բնորոշվում է նաև կամերային-գործիքային և սիմֆոնիկ երաժշտության զարգացմամբ: Ավագ և միջին սերնդի կոմպոզիտորների հետ միասին, այդ ժանրերում հռանդուն աշխատանք է կատարում նաև ստեղծագործող շնորհալի երիտասարդությունը:

Ռոմանտիկ շնչով, զգացմունքների անմիջականությամբ հմայում է Առնո Ռարաջանյանի երաժշտությունը: Նվագախմբի ու դաշնամուրի համար դրած նրա «Հերոսական բալլադը» հուլիշ մի պոեմ է սովետական երիտասարդության, նրա խիղախումների, սխրանքների, գեղեցիկ գործերի ու խոհերի մասին: Իր ընդլսթով դրամատիկ տրիոն զմայլում է երաժշտության անկեղծությամբ ու մարդկայնությամբ: Նորարարական ձգտումներով են աչքի ընկնում «Զուլթակի սոնատը» և դաշնամուրի համար գրված «Պատկերները»: Տաղանդավոր կոմպոզիտորի ստեղծագործությունները լայն ճանաչում են գտել նաև մեր հայրենիքի սահմաններից դուրս:

Հայ կամերային երաժշտության ակնառու ստեղծագործություններից են է. Միրզոյանի կվարտետը, է. Հովհաննիսյանի կվինտետը, Մ. Փիրումյանի, Կ. Օրբելյանի կվարտետները: Այդ լասպարեզում հայ կոմպոզիտորների ստեղծագործական նվաճումներն այնքան նշանակալի են, որ դրանց շնորհիվ հայ կամերային երաժշտությունը դարձավ եռպատերազմյան ժամանակաշրջանի սովետական երաժշտական արվեստի ամենաուշագրավ և վառ երևույթներից մեկը: Այդ մասին են վկայում նաև 1957 թվականին Մոսկվայում կայացած համամիութենական մրցանակաբաշխությունում հայ երիտասարդ կոմպոզիտորների խոշոր հաջողությունները: Կամերային լավագույն երկերի համար նրանց շնորհվեց ինը մրցանակից չորսը (է. Հովհաննիսյան, Կ. Օրբելյան, Ա. Փիրումյան, Զ. Տեր-Թադևոսյան):

Նախորդ տարիների համեմատությամբ հայ կոմպոզիտորներն ավելի մեծ ուշադրություն են նվիրում սիմֆոնիկ ժանրի՝ դասական և սովետական երաժշտության առաջատար ժանրերից մեկի, զարգացմանը: Այդ ժանրն ունի իրականությունը խոր և ընդհանրացված արտացոլելու գրեթե անսահման հնարավորություններ: Եվ այն փաստը, որ հայ կոմպոզիտորներից շատերը դիմեցին այդ ժանրին, անտարակույս, 1950—1960-ական թվականների հայ երաժշտական արվեստի հարստության և հասունության, սովետահայ կոմպոզիտորների ստեղծագործական մեծ հնարավորությունների վկայությունն է: Գլխավորապես հենց սիմֆոնիաներում են առավել ակնհայտությամբ դրսևորվում սովետահայ երաժշտության զարգացման բնորոշ տենդենցները, որոնք կապված են ժամանակակից ազգային երաժշտական ոճի, մեր իրականության հրատապ թեմաները մարմնավորելու հետ:

Հայկական նոր սիմֆոնիաների այդ ուրույն շրջանի սկիզբը դրեցին 1950-ական թվականների վերջին գրված Ա. Հարությունյանի և Զ. Տեր-Թադևոսյանի գրավիշ ու հուզաթաթավ գործերը: Դրանց հետևեցին Գ. Նդիազարյանի «Հրազդան», է. Հովհաննիսյանի, Կ. Օրբելյանի, Ա. Աճեմյանի և շատ ուրիշների սիմֆոնիաները: Բացառիկ էր է. Միրզոյանի ծնծղաների և լարային նվագախմբի համար գրված սիմֆոնիայի (1961) հաջողությունը: Այն արդարացիորեն գնահատվեց որպես այդ ժամանակաշրջանի սովետական երաժշտության ակնառու սիմֆոնիկ երկերից մեկը: Միրզոյանի սիմֆոնիան բազմիցս կատարվել է Սովետական Միության շատ քաղաքներում և արտասահմանյան երկրներում: Ներդաշնակորեն կատարյալ, հստակ մտահղացմամբ այդ երկը դյուրեմ է զգացմունքների լուսավորությամբ և վճիռությամբ:

Սովետական Հայաստանում մեծ ուշադրություն է հատկացվում նաև հրաժրագրագիտության զարգացմանը: Հայ հրաժրագրագիտության ջանքերով Հայկական ՍՍՀ գիտությունների ակադեմիայում երկու տարիներ աշխատանք է տարվում ժողովրդական հրաժրագրագիտության հավաքման և ուսումնասիրման, ինչպես նաև ժողովրդական երգերի հրատարակման ուղղությամբ: Վերջին տարիներին (հատկապես 1950-ական թվականների կեսերից) հրատարակվել են հայ հրաժրագրագիտության արժանատի խնդիրներին նվիրված հրաժրագրագիտական արժեքավոր աշխատություններ: Հիշատակության արժանի են Ք. Կուշնարյանի «Հայ միաձայն հրաժրագրագիտության պատմության և տեսության հարցերը», Ա. Շահվերդյանի «Կոմիտաս» և «Ակնարկներ հայ հրաժրագրագիտության պատմության», Գ. Տիգրանյանի «Հայ հրաժրագրագիտության թատրոնը» և այլ հետազոտություններ: Ավարտվում է Ալ. Սպենդիարյանի երկերի 11 հատորանոց ժողովածուի հրատարակությունը: Սկսվեց Կոմիտասի երկերի լիակատար ժողովածուի հրատարակությունը:

Սովետական իշխանության տարիներին բուռն զարգացում է ապրել հրաժրագրագիտությունը: Նրանում լայնորեն ներկայացվել են ժամանակակից հրաժրագրագիտության արվեստի բոլոր ժանրերն ու տեսակները՝ պարզից մինչև ամենաբարդը, երգից մինչև օպերան, բալետը, սիմֆոնիան: Նման հարստություն և բազմազանություն հայ հրաժրագրագիտության մշակույթը չի ունեցել իր ողջ պատմության ընթացքում:

3. Կ Ե Ր Պ Ա Ր Վ Ե Ս Տ Ը

Հայրենական մեծ պատերազմի հաղթական ավարտից հետո հայ ժողովուրդը, Սովետական Միության մյուս ժողովուրդների հետ միասին, թևակոխեց տնտեսական ու կուլտուրական կյանքի խաղաղ զարգացման շրջան, որն իր արտացոլումը գտավ նաև կերպարվեստի մեջ: Սովետահայ կերպարվեստն ապրեց վերելքի նոր փուլ: Գեղարվեստական կյանքը դարձավ ավելի աշխույժ և հարուստ: 1945 թվականին Երևանում հիմնադրվեց գեղարվեստական ինստիտուտ: Մայրաքաղաքում կառուցվեց նկարչի տուն՝ մեծ ու լուսավոր ցուցասրահներով, ուր պարբերաբար կազմակերպվում են հանրապետական ու անհատական ցուցահանդեսներ: Հայաստանի նկարիչներն ու քանդակագործները մասնակցում են համամիութենական և միջազգային գեղարվեստական ցուցահանդեսներին. նրանց լավագույն ստեղծագործություններն արժանացել են պարգևների և խրախուսանքների: Մ. Սարյանը, Դ. Նալբանդյանը, Հ. Զարդարյանը, Գ. Խանջյանը և քանդակագործ Ա. Սարգսյանը ընտրվեցին ՍՍՀՄ գեղարվեստի ակադեմիայի իսկական անդամ կամ թղթակից-անդամ: 1961 թվականին Մ. Սարյանի «Իմ հայրենիքը» նկարաշարն արժանացավ Լենինյան մրցանակի: 1963 թվականին Մ. Սարյանին շնորհվեց ՍՍՀՄ ժողովրդական նկարչի կոչում:

Ենթադրաբար ժամանակաշրջանում զգալի չափով մեծացավ Սովետական Հայաստանի կերպարվեստագիտների միության ստեղծագործական կոլեկտիվը: 1966 թվականին նրա անդամների թիվը անցնում էր 300-ից: Միության բաժանմունքներ են ստեղծվել Լենինականում և Կիրովականում:

Բազմաճաղա՜ն հայերի թվում սփյուռքից Սովետական Հայաստան են ներգաղթել մի շարք նկարիչներ ու քանդակագործներ, որոնք հայրենիքում ստեղծագործական նոր վերելք են ապրում: Նրանցից քանդակագործ Գ. Ահարոնյանը, նկարիչներ Բ. Վարդանյանը, Հ. Գալինյը և ուրիշներ արժանացան հանրապետության վաստակավոր նկարիչ կոչման:

1958 թվականին Մոսկվայում տեղի ունեցավ Սովետական Միության նկարիչների առաջին համագումարը: Ստեղծվեց ՍՍՀՄ նկարիչների միություն, որն իր առաջնակարգ խնդիրը համարեց՝ «ընթանալ կյանքի ճշմարտության ճանապարհով, ոգեշնչվել նոր կյանք կառուցողի՝ ժողովրդի հերոսական սրայքարով»:

Սովետահայ նկարիչներն ու քանդակագործները, լավ հասկանալով ժողովրդի ու կուսակցության պահանջը, ձեռնամուխ եղան կերպարվեստի հետագա զարգացմանը, այն ծառայեցնելով կոմունիզմի կառուցմանը: Նրանք ավելի համարձակորեն լծվեցին արդի կարևոր թեմաների կատարմանը, ստեղծեցին ժողովրդի կյանքում տեղի ունեցող հեղափոխական մեծ վերափոխումներն արտացոլող և սովետական մարդու հոգեկան աճը ցուցադրող պատկերներ, քանդակագործական կոմպոզիցիաներ և գրաֆիկական նկարաշարքեր:

Ըստ առանձին բնագավառների, սովետահայ կերպարվեստը եռպատերազմյան ժամանակաշրջանում ներկայացնում է հետևյալ պատկերը. սոցիալիստական ռեալիզմի մեթոդը և սովետական իրականության ճշմարիտ արտացոլման պահանջը նպաստեցին նկարչության հիմնական ժանրի՝ լիամատիկ պատկերի արագ զարգացմանը: 1950-ական թվականներից սկսած թեմատիկ-սյուժետային նկարչությունն արդեն դարձավ հիմնական, առաջատար ժանրը սովետահայ արդի կերպարվեստի մեջ:

Ստեղծվեցին արդյունաբերության և գյուղատնտեսության աշխատողների կյանքն ու կենցաղը արտացոլող, ինչպես նաև Հայաստանի գեղատեսիլ բնության ու պատմական անցյալի թեմաներով բազմաթիվ պատկերներ:

Գունանկարչության մեջ խոշոր և առաջատար դեր է կատարում մեր ժամանակի մեծանուն արվեստագետ, ՍՍՀՄ ժողովրդական նկարիչ Մարտիրոս Սարյանը: Չնայած պատկառելի տարիքին, հանճարեղ նկարիչը ապրում է ստեղծագործական բուռն վերելք: Նա ստեղծել և ստեղծում է ժամանակակից կյանքն արտացոլող բազմաթիվ նոր բնանկարներ, դիմանկարներ և նատյուր-մորտներ: Հանրահայտ են Մ. Սարյանի «Մաղկած ծառեր», «Տեսարան Արագածի բարձունքից», «Լավլար», «Կեսօր», «Բյուրական», «Գառնիի ձորը», և մյուս բնանկարները, որոնց համար բնորոշ են մարդուն շրջապատող աշխարհի կենսուրախ, գունազեղ ընկալումը և կենսահաստատ լավատեսությունը: Հատկանշական է «Իմ հայրենիքը» պատկերաշարը, որը, ինչպես նշվեց, արժանացավ Լենինյան մրցանակի: 1965 թվականին Մ. Սարյանին շնորհվեց Սոցիալիստական աշխատանքի հերոսի կոչում:

Մեր ժամանակի առաջավոր մարդու ընդհանրացրած կերպարներ են նաև Մ. Սարյանի կերտած լավագույն դիմանկարները: Խորությամբ բացահայտելով մարդկային բնավորության հատկանշական կողմերը, Մ. Սարյանն ստեղծել է ժողովրդական արտիստ Հ. Խարադյանի, գրող Ն. Տիխոնովի, բանվոր-բրիգադավար Մաթևոսյանի, գիտնական Ա. Հովհաննիսյանի, նկարչուհի

Տ. Յարլոնսկայայի կենդանի, արտահայտիչ կերպարները, «իմ ժամանակի հրիտասարդ մտավորականները» դիմանկարների շարքը, որոնք մտել են սովետական կերպարվեստի ոսկե գանձարանը:

Մեծ նկարչի ծննդյան 80-ամյակի առթիվ 1960 թվականին Երևանում, այնուհետև Քբիլիսիում, Մոսկվայում, Լենինգրադում, Կիևում, Պրագայում, Բեռլինում և Բուդապեշտում կազմակերպված նրա անհատական ցուցահանդեսներում առանձնապես մեծ հաջողություն գտան դիմանկարներն ու բնանկարները:


Լուսեղ ու պայծառ են Մ. Սարյանի նատյուրմորտները: Սովետական մարդկանց կենսուրախ կյանքի, նյութական ու հոգևոր հարստության գաղափարն են արտահայտում նրա «Երևանյան աշնանային նատյուրմորտ», «Մայիսյան ծաղիկներ», «Ոսկե աշուն» և բազմաթիվ այլ գործեր:

Մարտիրոս Սարյանը հայրենի բնության և սովետական մարդկանց խանդավառ հրգիչն է նկարչության մեջ: Նրա արվեստը խորապես մարդկային է: Նրա ստեղծագործությունները հարստացնում են մարդու հոգեկան աշխարհը, իրենց ներգործուն մեծ ուժով նպաստում մասսաների գեղարվեստական դաստիարակությանը: Դրանք մեծարժեք ներդրում են սովետական արվեստի մեջ:

Հայաստանի կանաչավետ լեռնային բնության ու կոլտնտեսային աշխատանքի հոյակապ տեսարաններ է պատկերել ժողովրդական նկարիչ Գաբրիել Գյուրջյանը: Նրա ստեղծած «Ազատ գետը Գառնիում», «Գարունը Հայաստանում», «Ալլրիվանքի դաշտերում» և մանավանդ «Հայկական պեյզաժ» ընդհանրացնող պատկերները սովետական բնանկարչության առաջնակարգ ստեղծագործություններից են: Նկարչի գործերում կարևոր տեղ են գրավում Սևանի բնության և արդյունաբերական օբյեկտների տեսարանային պատկերները («Անդորրը Սևանում», «Ալավերդի» և «Կիրովական»), որոնց մեջ ինդուստրիալ մոտիվը վարպետությանը կապելով շրջապատի բնության հետ, նա ուժեղացնում է ստեղծագործության հասարակական հնչեղությունը: Գ. Գյուրջյանի պատկերները կոլորիտային են, զգայողական և իրենց մեջ կրում են հերոսական մեծ շունչ: Նա բնանկար-պատկերի խոշոր վարպետ է և անցյալի ազդային նկարչության ռեալիստական լավագույն ավանդները շարունակող ու հարստացնող արվեստագետներից մեկը սովետահայ նկարչության մեջ:

Բնության տեսարանների պատկերման և ժամանակակիցների դիմանկարների հետ մեկտեղ մի շարք նոր ու մեծակտավ թեմատիկ-սյուժետային պատկերներ է ստեղծել հանրապետության ժողովրդական նկարիչ Դ. Նալբանդյանը: «Իշխանությունը ժողովուրդներին», «Ապասխոնատա», «Վ. Ի. Լենինը 1919 թվականին», «Բառամանի թաղումը», «Վ. Ի. Լենինը և Մ. Գորկին Կապրի կղզում» և պատմա-հեղափոխական թեմաներով մյուս ստեղծագործություններում Դ. Նալբանդյանը գեղարվեստորեն բացահայտում է Վ. Ի. Լենինի և հեղափոխական զանգվածների դերը սոցիալիստական հասարակարգի ստեղծման, սոցիալիզմի և կոմունիզմի կառուցման գործում: Նրա լավագույն բազմաֆիգուր սյուժետային պատկերները դրական նշանակություն ունեցան սովետահայ կերպարվեստի մեջ պատմա-հեղափոխական ժանրի հետագա զարգացման համար:

Գլխավորապես այդ ժանրի բնագավառում է ընթանում վաստակավոր նկարիչ Հ. Ավետիսյանի և ժողովրդական նկարիչ Էդ. Իսաբեկյանի գործունեությունը: Վերջինիս «Դավիթ-Բեկ», «Ավարայրի ճակատամարտը», «Հաղպատի գյուղացիների ապստամբությունը 1903 թվականին» մասսայական տե-



Սոցիալիստական աշխատանքի հերոս, ՍՍՀՄ ժողովրդական նկարիչ
Մ. Սարյան

սարաններ ներկայացնող և մանավանդ «Պատասխան Հազկերտին» մեծակտավ, բազմաֆիգուր-սյուժետային պատկերները արտացոլում են Հայրենիքի անկախության և ժողովրդի ազատության համար մղված հերոսական պայքարը: Այդ մոտիվն իր արտահայտությունը գտավ նաև մի շարք երիտասարդ նկարիչների ստեղծագործություններում:

Հայրենի բնության, կուլտուրա-սոցիալական և արդյունաբերական աշխատանքի, ժողովրդի կյանքի ու կենցաղի թեմաներով բազմաթիվ նոր պատկերներ ստեղծեցին հանրապետության ժողովրդական նկարիչներ Մ. Աբեղյանը, Խ. Նսալյանը, Ա. Բեքարյանը, Հ. Զարդարյանը և ուրիշներ: Հ. Զարդարյանի «Սևանի

հիգրոկայանի թունելի շինարարների հաղթանակը», Մ. Աբեղյանի «Դեղձավաք» և այլ պատկերներ ցույց են տալիս, որ կոլեկտիվ ու հանրօգուտ աշխատանքը մեր երկրում պատվի, փառքի և արիության գործ է։ Նրանց ստեղծագործություններում հպարտությամբ է գրանցված սովետական մարդու բարոյական կերպարը, լավատեսական զգացումը և ժամանակի շունչը։

1950—1960-ական թվականներին կերպարվեստի մեջ մուտք են գործում երևանի, Մոսկվայի և Լենինգրադի գեղարվեստական բարձրագույն ուսումնական հաստատություններն ավարտած երիտասարդ շատ գունանկարիչներ, որոնք սովետահայ նկարչությունը հարստացնում են ժամանակակից թեմաներով, նոր և թարմ ստեղծագործություններով։

Այդ ժամանակաշրջանի սովետահայ թեմատիկ-սյուժետային նկարչության լավագույն ստեղծագործություններից են Գ. Խանջյանի «Սևանի ափին» պատկերը, որը ներկայացնում է ձկնորսների կոլեկտիվ աշխատանքը, Ս. Մուրադյանի «Վերջին գիշերը» (Կոմիտասի կյանքից), ինչպես նաև Ա. Նալբանդյանի, Ս. Սաֆարյանի, Գ. Աղասյանի ճանաչում գտած ստեղծագործությունները։

Նկարչության մեջ որոշակի տեղ են գրավել երիտասարդ շնորհալի նկարիչներ Հ. Սիրավյանը, Լ. Կոջոյանը, Հ. Համբարձումյանը, նկարչուհիներ Լ. Բաթբեուք-Մելիքյանը, Ն. Գյուլիքեմլիսյանը և ուրիշներ։ Իրենց ոճական առանձնահատկություններով տարբեր երիտասարդ արվեստագետներին միավորում է սովետական նոր քաղաքացու կենսահաստատ աշխարհըմբռնումը և լավատեսությունը։

Նոր զարգացում ապրեցին գրաֆիկական նկարչության բոլոր հիմնական տեսակները։ Առանձնապես բարձր զարգացման հասան գրքի գրաֆիկան և փորագրության արվեստը։

Միավորելով գրաֆիկական բարձր վարպետությունը տպագրության տեխնիկայի հետ, ժողովրդական նկարիչ Հակոբ Կոջոյանն ստեղծել է Վ. Ի. Լենինի և Ստ. Շահումյանի կենդանի, հրապուրիչ կերպարները, կոմպոզիտոր Ալ. Սպենդիարյանի «Երկերի ժողովածու»-ի առաջնաթերթը, Մ. Գորկու «Աղջիկն ու մահը» պոեմի նկարազարդումները։ Գրաֆիկական նյութի վրա կատարված այդ աշխատանքներն աչքի են ընկնում կատարման վստահ ու համարձակ բնույթով։ Նրանց մեջ գրանցված են ոեակլիստական պատկերավորման ու կոմպոզիցիայի բարդ խնդիրների տիրապետման հեղինակի բարձր պրոֆեսիոնալ կարողությունները և արտահայտչականության ինքնատիպ միջոցները։ Ստեղծագործական մեծ երևակայությամբ հարուստ ու բազմօրինակ են «Հայկական ժողովրդական հեքիաթներ»-ի, Ստ. Զորյանի «Հեքիաթների» և Հ. Թումանյանի «Փարվանա» լեգենդի նրբաճաշակ նկարազարդումները։ Հ. Կոջոյանը սովետական գրաֆիկական արվեստի կարկառուն ներկայացուցիչն է։

Գրքի գրաֆիկայի բնագավառում իրենց լավագույն ստեղծագործություններով լայն ճանաչում գտան հանրապետության մասնակալնոր նկարիչներ Լ. Բեդրոսյանը, Կ. Տիրատուրյանը, Ա. Մամամջյանը, նկարիչներ Ա. Գաւսարյանը, Մ. Սոսոյանը և ուրիշներ։

Գրքի գեղարվեստական ձևավորման ու նկարազարդման ասպարեզում նշանակալից աշխատանքներ են կատարել նաև մի շարք գունանկարիչներ։ Գրքի գրաֆիկայի առաջնակարգ ստեղծագործություններից են Հ. Թումանյանի «Լուսնի Սարոն», «Գիքորը», «Անուշ», Խ. Արուստիանի «Վերք Հայաստանի» և Պ. Սևակի «Անլուսի զանգակատուն» գրքերի նկարազարդումները, որոնք կատարել է ՄՍՀՄ գեղարվեստի ակադեմիայի թղթակից-անդամ Գրիգոր Խանջյանը։ Խորապես զգալով հայ դասական գրականության մարդասիրական ուժը և բանաստեղծական ոգին, Գ. Խանջյանը ստեղծել է հուզականությամբ լի, թարմ լիրիկական պատկերներ, որոնք կերպարային միջոցներով բացահայտում են գրական ստեղծագործությունների հիմնական դադափարը և հերոսների հոգեբանությունը։ Գ. Խանջյանի նկարազարդումները նշանակալից ավանդ են սովետական գրաֆիկական արվեստի մեջ։

Խոր հուզականությամբ են հագեցած Մ. Աբեղյանի նկարազարդումները Հ. Թումանյանի «Ախթամար» լեգենդի թեմայով։ Արտահայտելով Դ. Դեմիրճյանի «Վարդանանք»-ի հերոսական ոգին և հայրենասիրությունը, էդ. Իսաբեկյանը վեպի նկարազարդումներում ստեղծել է բազմաֆիգուր-սյուժետային դրամատիկ կոմպոզիցիաներ և հերոսների կենդանի կերպարներ, ավելի համոզիչ դարձնելով պատմական անցքերը։ Գրքի գրաֆիկայի ասպարեզ մտած նկարիչներից շնորհալի աշխատանք են կատարում Լ. Խանսմիրյանը, Լ. Մանասերյանը, Բ. Մաղմանյանը և ուրիշներ։

Կ. Տիրատուրյանը, Հ. Մնացականյանը և մի շարք ուրիշ գրաֆիկ նկարիչներ տարիներ շարունակ աշխատում են հայրենի տպագրական ու նկարչական տառապանակների հետադա մշակման, գեղեցկացման, ավելի հստակ դարձնելու և, ընդհանրապես, տպատառերի գեղարվեստական կատարելագործման ուղղությամբ։

1950—60-ական թվականներին հաճախակի կազմակերպվող գրաֆիկական ստեղծագործությունների ցուցահանդեսներում ավելի մեծ տեղ է նվաճում դադահային գրաֆիկան, մասնավորապես օֆորտը, լինոփորագրությունը և փայտագրությունը։ Անվանի գունանկարիչ Մ. Աբեղյանի՝ ժամանակակից կյանքն արտացոլող լինոփորագրությունները, վաստակավոր նկարիչ Վ. Այվազյանի աշխատանքային ու կենցաղային թեմաներով օֆորտները, Ռ. Բեդրոսյանի՝ Հայաստանի բնության տեսարաններ պատկերող փայտագրական աշխատանքները և հատկապես նրա գրքի նշանները հայտնի են նաև հանրապետության սահմաններից դուրս։ Գրաֆիկական նյութի վրա աշխատող Սովետական Հայաստանի բազմալատակ վարպետներն իրենց բարձրարվեստ ստեղծագործություններով ուրույն տեղ են նվաճել սովետական գրաֆիկական արվեստի պատմության մեջ։

Ավագ և միջին սերնդի վարպետների հետ դադահային գրաֆիկայի բնագավառում աշխատում են մի շարք շնորհալի ու խոստումնալից երիտասարդ նկարիչ-գրաֆիկներ։

Նստյատեսիլային շրջանում լայն տարածում դտան կերպարվեստի ամենամասնալիկ և մարտական տեսակները՝ պլակատը և ծաղրանկարչությունը։ Կոմունիստական շինարարության և խաղաղության թեմաներով ստեղծվեցին բազմաթիվ պլակատներ, որոնցից ուշագրավ են Հ. Կարալյանի, Գ.

Առաքելյանի, Խ. Գյուլամիրյանի աշխատանքները, Երիտասարդ նկարիչներ Ռ. Նանուշյանի «Կորչի պատերազմը» և Ա. Ասլյանի «Ո՛չ» պլակատները՝ Վերջինս 1959 թվականին Բեռլինի միջազգային ցուցահանդեսում արժանացավ խորախուսական դիպլոմի:

Ծաղրանկարչության դարգացմանը զգալիորեն նպաստեց «Ողնի» եթեր-ծական հանդեսը, որն իր շուրջը համախմբելով շնորհալի նկարիչների մի ստվար կոլեկտիվ, պարբերաբար հրատարակում է քաղաքական ու կենցաղային թեմաներով ծաղրանկարներ: Նշանակալից են Լևոն Գենչի, Սերգեյ Արուստյանի և Հովհ. Շավարշի ստեղծագործությունները, որոնց գրաֆիկական աշխատանքների ժողովածուները հրատարակվել են առանձին գրքուկներով: Խորապես արտահայտիչ, տիպական ու դաստիարակիչ են Սուրեն Ստեփանյանի կենցաղային թեմաներով ծաղրանկարչական կերպարները: «Ողնի»-ի էջերում և գեղարվեստական ցուցահանդեսներում երկրի ներքին կյանքի և քաղաքական թեմաներով սրամիտ ծաղրանկարներ են հրատարակում Հ. Տեր-Ղաղարյանը, Մ. Կարապետյանը, Վ. Պողոսյանը և ուրիշներ: Ծաղրանկարչությունը և պլակատը մեր օրերում խոշոր դեր են կատարում մարդկանց կենցաղում և գիտակցության մեջ դեռևս պահպանված հնի մնացուկների վերացման և նոր կոմունիստական բարոյականության ու գաղափարախոսության ամրապնդման գործում:

Նստապատերազմյան ժամանակաշրջանում լայն տարածում գտավ մշտական հուշարձանային քանդակագործությունը և դիմաքանդակը: Դրան մեծ չափով նպաստեց ՍՍՀՄ կառավարության 1945 թվականի որոշումը, որով խնդիր դրվեց կերտել Սովետական Միության հերոսների, ինչպես նաև հեղափոխական և մշակույթի ականավոր գործիչների հիշատակին նվիրված քանդակագործական հուշարձաններ: Սովետահայ քանդակագործության դարգացմանը խոշոր չափով նպաստեցին նաև պարբերաբար կազմակերպվող ստեղծագործական մրցանակաբաշխությունները, որոնցում առաջնություն շահած լավագույն նախագծերի հիման վրա կառուցվեցին քանդակագործական բաղմաթիվ հուշարձաններ:

Սովետահայ քանդակագործության նշանակալից ստեղծագործություններից է հանրապետության ժողովրդական նկարիչ-քանդակագործ Նրվանդ Քոչարի «Սասունցի Դավիթ» մեծածավալ բրոնզե հուշարձանը, որը մարմնավորում է ազգային անկախության ու ինքնուրույնության համար հայ ժողովրդի մղած դարավոր պայքարը: Ժողովրդական հանճարեղ էպոսի ոգուն և նրա մարդասիրական գաղափարներին հարադատ հոյակապ այդ հուշարձանը միաժամանակ արտացոլում է մեր ժողովրդի անպարտելիությունը, նրա ստեղծագործական հզոր ուժը:

Ժողովրդական նկարիչ-քանդակագործ Արա Սարգսյանի կերտած Սովետական Միության կրկնակի հերոս, օդաչու Նելսոն Ստեփանյանի կիսանդրի-հուշարձանը դարդարում է մայրաքաղաքի Ս. Մ. Կիրովի անվան զբոսայգին: Ուշագրավ են Ա. Սարգսյանի կերտած Հովհ. Թումանյանի հուշարձանը Նրվանում, Վ. Ի. Լենինի հուշարձանը Կամո քաղաքում և բաղմաթիվ դիմաքանդակներ: Վ. Ի. Լենինի ղինակից, ականավոր հեղափոխական Սուրեն Սայադարյանի, շախմատի աշխարհի չեմպիոն Տ. Պետրոսյանի դիմաքանդակները

կերտված են կերպարի լայն ընդգրկումներով ու հոգեբանական բնութագրությամբ:

Հայ մեծ լուսավորիչ ու դեմոկրատ, գրող և. Արուսյանի նոր կերպարն է ներկայացնում ժողովրդական նկարիչ-քանդակագործ Սուրեն Ստեփանյանի քանդակած հուշարձանը Նրեանում: Նրա ստեղծագործություններից լայն ճանաչում են գտել Վ. Ի. Լենինի մեծածավալ հուշարձանը Գորիսում, գրող Դ. Դեմիրճյանի, կոմպոզիտոր Օրդոյանի դիմաքանդակները, ինչպես նաև առողջ ու դեղեցիկ, ֆիզիկապես ուժեղ և հոգեպես ամուր երիտասարդ մարդու ընդհանրացված կերպարներ պատկերող «Էստաֆետա» և «Բասկետբոլիստուհիներ» բրոնզե խմբաքանդակները:

Իր բարձրարվեստ ստեղծագործություններով լայն ճանաչում է գտել Հայկական ՍՍՀ ժողովրդական նկարիչ-քանդակագործուհի Այծնմիկ Ուրարտուն: Նրա կերտած բանվոր-բրիգադավար Ղարազոյանի և անվանի գիտնական Աշոտ Հովհաննիսյանի խորապես հոգեբանական դիմաքանդակները վարպետորեն վերարտադրված են այն նորը, որը ձևավորվում է մեր ժամանակի սովետական մարդու հոգեբանության մեջ: Արտահայտիչ է նրա քանդակած Մովսես Խորենացու արձանը: Ա. Ուրարտուն ստեղծել է կոլտնտեսային աշխատանքի թեմաներով բարձրաքանդակներ («Բերքահավաք», «Կոլտնտեսային բրիգադի հաշվետվությունը», «Առատություն»):

Մշակույթի ականավոր գործիչների բարձրարվեստ դիմաքանդակներ է կերտել Հայկական ՍՍՀ ժողովրդական նկարիչ և ՌՍՖՍՀ արվեստի վաստակավոր գործիչ Գրիգոր Կեպինյանը (Կեպինով): Վերջին տարիներին նրա ստեղծած դիմաքանդակները (արվեստաբան Մ. Ալպատով, ակադեմիկոս Ն. Սիսակյան, կոմպոզիտորներ Ա. Խաչատրյան, Մյասկովսկի, նկարիչներ Կորին և ուրիշներ) աչքի են ընկնում ինքնատիպությամբ, ոգեշնչվածությամբ ու դեղարվեստական մեծ հրապույրով:

Հայկական ՍՍՀ ժողովրդական նկարիչ, հայրենադարձ Գրիգոր Ահարոնյանը, որը մինչև Սովետական Հայաստան վերադառնալը հայտնի էր Բուլղարիայում ստեղծած մի շարք հուշարձաններով, հայրենիքում կերտեց հայ, ռուս և բուլղար ժողովուրդների արժանավոր զավակներ Ալ. Մյասնիկյանի, Ա. Պուշկինի, Ա. Չեխովի, Պ. Յավորովի կիսանդրիները, որոնք դրվել են Նրեանի համապատասխան դպրոցներում: Գեղարվեստական հետաքրքրություն են ներկայացնում հայ առաջին տպագրիչ Հակոբ Մեղապարտի արձանը և Հայաստանում սովետական կարգերի համար մղված մարտերում զոհված հերոսների հիշատակին նվիրված 26 մետրանոց հուշարձանը Սիսիանում:

Դիմաքանդակի ասպարեզում լուրջ հաջողությունների է հասել հանրապետության վաստակավոր նկարիչ-քանդակագործ Ն. Նիկողոսյանը: Նրա ստեղծագործություններից նշանավոր են Սովետական Միության մարշալ Հովհ. Բաղրամյանի, Ավ. Իսահակյանի, Ֆրանսիացի գրող Լուի Արագոնի, Մոսկվայի Մեծ թատրոնի մենապարուհի Մայա Պլիսեցկայայի դիմաքանդակները: Նիկողոսյանն աշխատում է նաև մոնումենտալ-հուշարձանային քանդակագործության բնագավառում: Նրա ստեղծագործություններից են Մոսկվայի Ապստամբության անվան հրապարակի բարձրահարկ շենքի, Վարշավայի մշակույթի պալատի 16 մեծածավալ քարե արձանները:

Ստեղծագործական վերելք են ապրել ավագ և միջին սերնդի արվեստագետները, վաստակավոր նկարիչ-քանդակագործներ Ս. Մանասյանը, Թ. Չորեքչյանը, Կ. Մեծատուրյանը և ուրիշներ: Աճում են երիտասարդ, շնորհալի մի խումբ քանդակագործներ:

Մի շարք հայ քանդակագործներ ապրում և ստեղծագործում են եղբայրական մյուս հանրապետություններում: Իրենց բեղմնավոր ու բարձրարվեստ ստեղծագործություններով նրանք լայն ճանաչում են գտել: Առանձնապես նշանավոր է Վ. Թերզիբաշյանը (Մոսկվա), որը ստեղծագործել է Սովետական Միության հերոսներ Զայցեի և Պլոտնիկովի հուշարձանները Կոլոմնա և Բարնաուլ քաղաքներում, Լենինի մեծածախլու հուշարձանները Կադիկա և Զիմ-քենդ քաղաքներում: Քանդակագործության մեջ կարևոր ներդրում են կատարել Մ. Ինթիզարյանը (Ավստրիայի ազատագրական մարտերում զոհված սովետական զինվորների հիշատակին նվիրված և Վիեննայում կանգնեցված հուշարձանի հեղինակ), փոքր ձևերի քանդակագործության անվանի վարպետ Ս. Նվանգուլյանը, Հ. Ավետիսյանը (Բուլղարիայի Շիպկա ամրոց-քաղաքի մարտերի հերոս Կ. Խրիցկու հուշարձանի հեղինակ), Օ. Բարաշյանը (Ռուստով), Ա. Հովսեփյանը, Լ. Գալումյանը (Մոսկվա) և ուրիշներ:

Սովետահայ կերպարվեստի զարգացման լավագույն ստուգատես հանդիսացավ 1956 թվականին Մոսկվայում կայացած հայ արվեստի տասնօրյակը: ՍՍՀՄ մայրաքաղաքում բացված սովետահայ կերպարվեստի ցուցահանդեսը ջերմ ընդունելություն գտավ և լայն ճանաչում բերեց Հայաստանի նկարիչներին ու քանդակագործներին:

Վերջին տարիներին Երևանում կազմակերպված էստոնական գրաֆիկական նկարչության, Բուլղարիայի, Չեխոսլովակիայի և սոցիալիստական մյուս երկրների կերպարվեստների ցուցահանդեսները, ինչպես նաև Հայաստանի նկարիչների ստեղծագործությունների փոխադարձ ցուցահանդեսները էստոնիայում, Չեխոսլովակիայում, Գերմանական Դեմոկրատական Հանրապետությունում և այլ երկրներում ավելի ուժեղացրին սովետահայ կերպարվեստի միջազգային կապերը:

Սովետահայ կերպարվեստի վերելքին զուգընթաց զարգացում է ապրել նաև արվեստագիտությունը: Ետպատերազմյան ժամանակաշրջանում ստեղծվեցին մի շարք աշխատություններ սովետական ժամանակաշրջանի կերպարվեստի պատմության, սովետահայ ականավոր նկարիչների ու քանդակագործների կյանքի ու գործունեության մասին: Լուրջ աշխատանքներ են տարվում անցյալի կերպարվեստագետների ժառանգության ուսումնասիրության բնագավառում:

Ձևով աղքատի, բովանդակությամբ սոցիալիստական սովետահայ կերպարվեստը զարգանում է սոցիալիստական ռեալիզմի ուղիով: Նրա նվաճումները պայմանավորված են ժողովրդի ստեղծագործական ուժերին ազատություն ավելի նոր, սոցիալիստական հասարակարգով և այն հոգատարությամբ, որ ցուցաբերում են սովետական պետությունը և կոմունիստական կուսակցությունը արվեստի զարգացման նկատմամբ:

4. ՀԱՐՏԱՐԱՊԵՏՈՒԹՅՈՒՆԸ

Հայրենական մեծ պատերազմից հետո մեր երկրում տեղի ունեցավ գործարանների և ֆարիկաների, քաղաքների ու ավանների զանգվածային կառուցապատում, էներգետիկ ու հիդրոտեխնիկական կառուցվածքների մեծ շինարարություն։ Դա բարենպաստ պայմաններ էր ստեղծում ճարտարապետության զարգացման համար։

Արդյունաբերական և քաղաքացիական մեծածավալ շինարարությունը պահանջում էր վերանայել քաղաքների գլխավոր հատակագծերը։ Այդ ամենից ավելի վերաբերում էր հանրապետության մայրաքաղաքին։ Թեև 1939 թվականի գլխավոր հատակագծով դեռ քիչ բան էր իրականացված, այնուամենայնիվ, ստեղծված իրադրությունը թելադրեց նոր հատակագծի անհրաժեշտությունը, որի մշակումը կատարվեց Երևանի քաղսովետի գործկոմի ճարտարապետական բաժնում՝ Մարկ Գրիգորյանի ընդհանուր ղեկավարությամբ և Նորայր Զարգարյանի հեղինակությամբ։

1941 թվականին հաստատված Երևանի հատակագծման այս երրորդ նախագիծն ընդգրկում էր զարգացման հիսունհինգ տարվա հեռանկար։ Տերիտորիայի որոշ ընդլայնումից բացի, նախագծում հաշվի էր առնված նաև արդեն յուրացված տարածության նպատակահարմար օգտագործումը և շինարարության մեջ թույլ տրված սխալների շտկումը։

Ճտպատերազմյան տարիներին կաղմվեցին նաև մի շարք քաղաքների ու շրջանային կենտրոնների գլխավոր հատակագծեր։ Հայկական ՍՍՀ Մինիստրների սովետին առընթեր ճարտարապետական գործերի վարչությունը նախաձեռնեց Ալավերդու, Ղափանի, Զեյթունի, Հրազդանի, Սեանի, Դիլիջանի, Թումանյան ավանի և այլ բնակավայրերի հատակագծման նախագծերի պատրաստումը։

Բնակարանային շինարարության ծավալումը, քաղաքների հետագա զարգացման կապակցությամբ, պահանջում էր կատարել խիտ կառուցապատում և բնակելի տների հարկայնության բարձրացում։

Ճարտարապետները և կառուցողները, կուսակցության և կառավարության որոշումներին համապատասխան, բռնեցին կառուցապատման խոշորացման, բնակելի զանգվածների կոմպլեքսային իրականացման ուղին։

Նման շինարարության առավել ցայտուն օրինակներից է Երևանի Կիևյան փողոցը, որը քաղաքի կենտրոնական մասը, Հրազդանի վրա ձգված կամարակապ կամուրջով, կապում է Աջափնյակի և Շահումյանի շրջանի հետ։

Ճտպատերազմյան ժամանակաշրջանի սովետահայ ճարտարապետության ոճական առանձնահատկությունների զարգացման տեսակետից առավել հետաքրքրական է Երևանի Վ. Ի. Լենինի անվան հրապարակը, որի ձևավորումը սկսվել էր դեռևս պատերազմից առաջ։ Հրապարակը շրջապատող շենքերի ճարտարապետական կերպարը ստեղծված է անցյալի ժառանգության յուրացման հիման վրա։ Այդ հանգամանքը բոլոր կառույցներն ի մի է բերում ոճական առումով։ Վ. Ի. Լենինի անվան հրապարակը զարդարում են կառավարական տունը (Ա. Թամանյան), վարչական շենքը (Ս. Սաֆարյան, մասնակցությամբ Վ. Արևշատյանի և Ռ. Իսրայելյանի), պատմության թանգարանի, «Արմենիա»

հյուրանոցի, միությունների տան և կապի մինիստրության շենքերը (Մ. Գրիգորյան և է. Սարապյան):

Կառավարական տան պարզ ու ռացիոնալ հատակագծումը հիմք է ծառայում տարածական հավասարակշիռ հորինվածքի համար, որը զբաղեցնում է հրապարակահայաց ողջ թաղամասը: Այստեղ պատի, իբրև շենքի կոնստրուկտիվ ու զեղարվեստական հենքի, դրսևորումը ճարտարապետության ազգային բնույթի կարևոր հատկությունն է: Միաժամանակ այդ պատը նոր որակ է ձեռք բերել: Ի հայտ է եկել ճարտարապետական այնպիսի մոտիվ, որին ենթարկվել է ճակատի ութմիկ մասնատված կոմպոզիցիան, մի բան, որ չի եղել հայկական հուշարձաններում, ուր բարակ սյուների վրա ընկած կամարաշարը բացահայտորեն ու բացառապես դեկորատիվ միջոց է: Ձևերի անկրկնելիության և զեղարվեստական բազմաղանության սկզբունքը կառուցարական տան մեջ ընդլայնվել և կարմիր թելի պես անցնում է ամբողջ շենքի միջով:

Ակադեմիկոս Ալ. Թամանյանը զարգացրել է նաև ալգային ժառանգության մեկ ուրիշ բնորոշ հատկանիշ՝ կոնստրուկցիայի և դեկորի հստակ մասնատումը: Թեև անցյալում վարպետները երբեմն դիմում էին շենքի բացահայտ զարդարմանը, բայց նրանք կոնստրուկտիվ ձևից դեկոր չէին ստեղծում: Այդ հատկանիշն իր մարմնացումն է գտել կառավարական տան մեջ, որը շքեղորեն հագեցված է բազմազան ու հյուսնող դեկորներով ու միաժամանակ զերծ է վարդամուրությունից:


Աղգային և համաշխարհային ճարտարապետության առաջադիմական հատկանիշների քննադատական յուրացման և նորոգի բացահայտման անհրաժեշտությունը Ալ. Թամանյանի ստեղծագործության կարևոր դասերից է:

Լենինի հրապարակի անսամբլի կազմավորման հաջորդ փուլը կապված է կառավարական տանը սիմետրիկ տեղադրված վարչական շենքի կառուցման հետ: Այս կառույցի հեղինակը ճիշտ է ընտրել կառավարական տան այն հատկանիշները, որոնք պետք էր կրկնել միասնական անսամբլ ստեղծելու համար: Սակայն ճարտարապետական ստեղծագործությունը, ինչպես ասվում է, իր դարի զավակն է: Ս. Սաֆարյանը հետևելով կառավարական տան կենտրոնական մասի կառուցվածքի ու ձևերի բնույթին, միաժամանակ չի կարողացել հաշտվել երկրորդ և երրորդ հարկերի միջև ծավալված անխուսափելի կորստի հետ, մի բան, որ թույլ է տվել Ալ. Թամանյանը հանուն լավ համաշխարհայինությունների: Դա ոչ միայն տնտեսական կարգի հարց է, այլև ճարտարապետության նկատմամբ արդիական հայացքի արտահայտություն: Այստեղ էլ առաջացել է միջանկյալ հարկ՝ փոքր լուսամուտներով, մասամբ վերին սյունաշարի բարձրության կրճատման հաշվին:

Լենինի հրապարակի հարավ-արևմտյան մասի իրականացումը արտացոլում է ճարտարապետության զարգացման այն ժամանակաշրջանը, երբ վարպետության հետագա աճը և կոմպոզիցիոն ձևերի կատարելագործումն ուղեկցվում էին նաև այնպիսի բացասական երևույթներով, ինչպիսիք են շենքերը դեկորով և զարդաքանդակով ծանրաբեռնելը, զարդամուրության միտումները և այլն:

Հրապարակի այդ հատվածի շենքերում («Արմենիա» հյուրանոցը, միու-

թյունների տունը և կապի մինիստրության շենքը) շարունակվում է հրապարակի կառուցապատման ավանդույթը, միաժամանակ հանդես են գալիս նոր հատկանիշներ: Ընդհանուր ծավալային հորինվածքի անկյունների լուծման պլաստիկ բնույթի առումով, հարազատ մնալով կառավարական տանը, Մ. Գրիգորյանը և է. Սարապյանը վարչական շենքից փոխ են առել միջանկյալ հարկի ներմուծումը: Հենց դա էլ որոշ չափով պայմանավորել է շենքերի տեսողական խմբավորումը հրապարակի վրա, որի առկայությամբ կառավարական տունը, ասես, մեկուսացված է մնում: Մյուս կողմից, կամարաշարի հիմնական մոտիվի մեկնաբանությունն առանձնապես շեշտում է հրապարակի օվալի հարավ-արևմտյան կեսը: Կառավարական տան և վարչական շենքի սյունների հզոր փնջերի վրա իջնող կամարներին այստեղ պատասխան են տալիս հարուստ շրջանակներ ունեցող կամարային խողոր պորտալները:



1915 թ. մեծ եղեռնի զոհերի հուշարձանը Երևանում

Հարավ-արևմտյան մասի շենքերում հստակապես ցայտուն կերպով է արտահայտվել հրապարակի ճարտարապետական մի առանձնահատկությունը, որն առաջացել է կառավարական տան կողային դիրքի հետևանքով: Այդ շենքերի կերպարները ավելի մեծ չափով թելադրված են հրապարակի վրա ուժեղացած դիրքով, քան իրենց ներքին բովանդակությամբ: Այստեղ արտաքին, քաղաքաշինական-գեղագիտական նկատառումները դառնում են գերակշռող, ամբողջովին իրենց ենթարկելով ֆունկցիոնալն ու տնտեսականը: Այս հանգամանքը շենքերին ինչ-որ չափով դեկորատիվ բնույթ է տալիս:

Վ. Ի. Լենինի անվան հրապարակի կառուցապատումը արտացոլում է 30-ական թվականների ճարտարապետական մտածողության:

Ետպատերազմյան ժամանակաշրջանի սովետահայ ճարտարապետության նվաճումներն իրենց մարմնացումն են գտել նաև մի շարք ուրիշ կառույցներում: Ահա դրանցից մի քանիսը:


Երևանի կենտրոնական ծածկած շուկայի շենքը (Գ. Աղաբաբյան, ինժեներ՝ Հ. Առաքելյան) հետաքրքրական է իբրև ճարտարապետական-կոնստրուկտիվ խնդիրները օրգանապես լուծելու հաջող օրինակ: Մուտքի վիթխարի կամարն այցելուին հրավիրում է առևտրական ընդարձակ դահլիճ: Այստեղ երկաթբետոնե բարակ կորածածկը իրականացված է այնպես, որ թեթևության տպավորություն է ստեղծում: Դրան նպաստում է կողքի պատուհանների պուստորեն ներթափանցող լույսը: Այս կառույցի կոնստրուկտիվ լուծման հիմ-

քում ընկած է կենտրոնական և կողային ծավալների համագործումը: Ավելի ցածր երկյարուսանի սրահներն, իրեն դիմհարներ, իրենց վրա են տոնում գլխավոր դահլիճի կորածածկի ծանրությունը: Սրանք ենթակա դիրք են զրավում նաև իրենց ֆունկցիոնալ նշանակությամբ: Նույն փոխադարձ կապակցությունը հստակորեն արտահայտված է ծավալատարածական հորինվածքում, որը համապատասխան լուծում է գտել ճակատների վրա: Այս պարզ համագործությունը, որը բնականորեն բխում է շենքի բովանդակությունից, ֆունկցիայից, մարմնացում է գտել և՛ կոնստրուկցիայի, և՛ ճարտարապետական գաղափարի մեջ: Գլխավոր մուտքի վիթխարի ցանցաճաղը զարդարված է հասկերի, մրգերի, թռչունների և ձկների հյուսված նախշերով, օրգանապես կապված է շենքի հետ և հարստացնում է գլխավոր դահլիճի ներքին տեսքը:

Հայաստանի կոմունիստական կուսակցության Կենտկոմի շենքը (Մ. Գրիգորյան) մայրուղու վրա կառուցված եզակի բնույթի շենքի հաջող օրինակ է: Նրա հատակագծի լուծումը, որն ապահովում է հարմարավետ շահագործում, թեղադրում է մասնատել այն երեք ծավալի՝ կենտրոնական և ճակատին ուղղահայաց երկու կողային մասերի: Այս ծավալները տեղամասի խորքը քաշելով, ճարտարապետը դրանք կենտրոնի հետ կապել է լայնական միջանցքով՝ հնարավոր նվազագույնի հասցնելով սենյակների խմբերի միջև ընկած տարածությունը: Ուշագրավ է, որ նախագծի այսպիսի նպատակալաց ֆունկցիոնալ հիմքը միաժամանակ արտահայտականության նախադրյալներ է ստեղծում շենքի տարածական հորինվածքի համար: Այսպես, հեռավոր դիտակետից ընկալելու նկատառումը, ինչպես նաև գլխավոր ճակատի հյուսիսային կողմնորոշումը, պայմանավորել են ծավալային խոշոր մասնատման նաև գեղարվեստական արդարացումը: Մյուս կողմից, մասնատման շնորհիվ է, որ համեմատաբար փոքր բլրի վրա տեղ գտած խոշոր շենքը մասշտաբային աններդաշնակություն չի ստեղծում բլրի հետ, չի ճնշում նրան: Այնուհետև, շենքի թևերը տեղամասի խորքը տանելով, հեղինակը հասել է ոչ միայն սենյակների հարմարավետ փոխադարձ կապի և աշխատանքային լավ պայմանների ստեղծման, այլև կարողացել է ապահովել կենտրոնական ծավալի գերիշխող դիրքը, մի ծավալ, որ մեծ չէ չափերով, բայց կարևոր է իր բովանդակությամբ:

Ընդհանուր առմամբ համանման սկզբունքներով են լուծված Հայաստանի գիտությունների ակադեմիայի նախագահության և նրա համալիրում գտնվող գիտահետազոտական ինստիտուտների շենքերը՝ կառուցված նույն մայրուղու՝ Բարեկամության փողոցի վրա (Ս. Սաֆարյան): Սակայն, եթե Հայաստանի կոմկուսի Կենտկոմի շենքը խորքում տեղադրելը հնարավորություն է տվել խուսափել փողոցի երկայնական զգալի թեքության և նրան ուղղահայաց դարգացող առանցքային սիմետրիկ հորինվածքի հակադրությունից կամ, համեմալն այն դեպս, մեղմացնել այն, ապա այստեղ հեղինակը ոչ միայն չի խուսափել այդ հակադրությունից, այլև ընդգծել է այն: Հատակագծի լուծումը պարզ է և սեղմ: Շենքի կենտրոնում տեղադրված նիստերի դահլիճը շրջապատված է ընդարձակ միջանցքներով, ուր միաժամանակ բացվում են աշխատասենյակների մուտքերը: Այսպիսի դասավորությունը, որ զրկել է դահլիճը կողային բնական լուսավորությունից (այն լուսավորվում է ապակեպատ առաստաղից),

Հնարավորություն է ընձեռել խուսափելու ներքին ծավալի կորստից, դրա հետ մեկտեղ ստեղծելու շմասնատված, կուռ և արտահայտիչ կառույց: Սակայն, ընդհանուր առմամբ հաջողված այս շենքի հորինվածքի ոչ բոլոր հանդույցներն են լիովին համապատասխանում նրա շահագործման առանձնատարրություններին:



Մատենադարան

Ետպատերազմյան ժամանակաշրջանի հասարակական կարևոր կառույցներից է Մատենադարանի շենքը Երևանում (Մ. Գրիգորյան): Բաղմադարյան հայ մշակույթի գրավոր հուշարձանների պահպանման, ուսումնասիրության ու ցուցադրման համար նախատեսված այս գիտական հիմնարկի ճարտարապետական կերպարը, հարկավ, պետք է ստեղծվեր ազգային ավանդների զարգացման հիման վրա: Մյուս կողմից, շենքի տեղադրումը Լենինի պողոտայի վերջավորության վրա, սարալանջին, պայմանավորում էր նրա քաղաքաշինական դերը մայրաքաղաքի կառուցապատման մեջ: Այս նախապայմանների կարևորության գիտակցությամբ է մոտեցել հեղինակը նախագծի մշակմանը, ստեղծելով շմասնատված, կուռ կառույց, որ պողոտային է նայում խուլ պատի վրա երկու զույգ խորշերով երիզված միակ կենտրոնական բացվածքով:

Արդևի առողջարանում կառուցված լողարանային շենքի (Չ. Մարգարյան՝ Ն. Բաթբուրի մասնակցությամբ) մտահղացման հիմքը կառույցի ֆունկցիան է: Շենքի տեղադրումը մեծ թեքություն ունեցող տեղանքի վրա թույլ է տվել, ներքին միասնությունը պահպանելով, նրա այդ հատվածներին տալ շահագործման համար նպաստավոր որոշ ինքնուրույնություն: Միաժամանակ, դա թելադրել է տարածական հետաքրքիր լուծում, որը հարստացնում է կառույցի տեսողական ընկալումը:

1954 թվականի դեկտեմբերին Մոսկվայում կայացավ շինարարության հարցերին նվիրված համամիութենական խորհրդակցություն: Նշելով Սովետական Միությունում ծավալված շինարարության վիթխարի հաջողությունները, հատկապես ետպատերազմյան շրջանում, խորհրդակցությունը միաժամանակ բացահայտեց շինարարության գործում առկա թերությունները:

Երկար տարիներ շինարարության տնտեսական կողմը ճարտարապետների ուշադրության կենտրոնում չէր: Քիչ մտահոգվելով շենքի ներքին հարմարություններով, նախագծողները հաճախ իրենց խնդիրը տեսնում էին ճակատները ճարտարապետական ձևերով և մանրամասներով (սյունաշարեր, կամարներ, բարդ քիվեր, զարդարանքներ) շռայլորեն ծանրաբեռնելու մեջ: Նախագծերը հաստատող օրգանները ևս արդյունավետ պայքար չէին մղում նախագծային լուծումների խնայողության համար: Ավելին, որոշ դեպքերում նրանց որոշումները ճարտարապետներին մղում էին դեպի մասսայական շինարարության կառույցներին անհարիր մոնումենտալություն և փարթամություն հաղորդելու պրակտիկան:

Անհրաժեշտ էր ամուր կարգ ու կանոն հաստատել քաղաքաշինության գործում:

Բնակելի կառուցապատման լիարժեք և տնտեսապես շահեկան լուծումը ամենից նպատակահարմար է ազատ տարածության վրա: Այս առումով ուշադրավ է Երևանի Շահումյանի շրջանում, Հրազդան գետի աջ ափին կառուցված նոր բնակելի զանգվածը (նախագծողների խմբի ղեկավար Մ. Մազմանյան): Այս զանգվածը, որը Հայաստանում կոմպլեքսային կառուցապատման առաջնեկն է, սոցիալիստական քաղաքաշինության հաջող օրինակ է: Քաղաքաշինական հաջողություն է նաև Նորքի նոր բնակելի զանգվածի շինարարությունը Երևանում:

Լենինականում գլխավոր հատակագծի հիման վրա (Հ. Իսաբեկյան, Ս. Կարապետյան, Փ. Մանուկյան և ուրիշներ) նոր միկրոշրջաններ են ստեղծվել «Անտառային» կոչվող վայրում, Մարալիկի և Ախալքալաքի խճուղիների շրջանում: Քաղաքի կենտրոնում կառուցվել է Արագածի փողոցը:

Մեծ քիմիայի քաղաք Կիրովականը հանրապետության արագ աճող բնակավայրերից է: «Դիմաց» թաղամասում, ինչպես նաև Մյասնիկյանի, Մարքսի, Շահումյանի և Սովետների փողոցների միջև ընկած թաղամասերում ստեղծվել են բնակելի միկրոշրջաններ, տիպային շենքերի համալիրներ՝ տեղանքի բարեկարգումով: Կիրովականի վերջին գլխավոր հատակագծում, որն արդեն իրագործվում է, մեծ տեղ է տրված քաղաքի գեղատեսիլ բնության օգտագործմանը:

Ճարտարապետական առաջադիմական գաղափարների մարմնացումը առավել ակնհայտ է նոր քաղաքների կառուցապատման պրակտիկայում: Արդեն նշմարվում են Հրազդան և Զարենցավան արդյունաբերական քաղաքների ճարտարապետական ուրվագծերը: Յուրահատուկ ձևով կիրառործվի Աբովյան քաղաքի կառուցապատումը: Համաձայն նախագծի (Ա. Թարխանյան, Ս. Խա-

չիկյան, Հ. Պողոսյան և ուրիշներ), այստեղ կառուցվելիք շենքերը առավել չնայելով կհամապատասխանեն բնակչության կուլտուր-կենցաղային սպասարկմանը: Կառուցվելու են խոշոր համալիրներ, որոնք ընդգրկելու են 8—14 հարկանի մի քանի շենք:

Երևանի կենտրոնը, որը հիմնականում ընդգրկում է քաղաքի խիտ կառուցապատված մասը, համեմատաբար սակավ նախադրյալներ ունի ժամանակակից առաջադիմական քաղաքաշինության սկզբունքներով ամբողջական համալիրներ իրականացնելու համար: Ուստի այստեղ նոր շինարարությունը ընթանում է մեծ մասամբ գոյություն ունեցող մայրուղիների վերակառուցման ճանապարհով: Այսպիսի օրինակներից է Արտվյան փողոցի մի զգալի հատվածի վերակառուցումը, որտեղ իրենց արտահայտությունն են գտել սովետահայ ճարտարապետական-շինարարական պրակտիկային բնորոշ գծերը: Ծարտարապետների կոլեկտիվը Ֆ. Դարբինյանի ղեկավարությամբ, կարողացել է մայրուղում ստեղծել ամբողջական ուրտահայտիչ կերպար, հարստացնել նրա գունային լուծումը և ալն դորձնել ավելի կենսուրախ:

Սովետահայ ճարտարապետության աչքի ընկնող նվաճումներից է Սունդուկյանի անվան թատրոնի նոր շենքը (հեղինակ՝ Ռ. Ալավերդյան, կոնստրուկտոր՝ Ռ. Բադալյան, մասնակցությամբ Ս. Բարխուշյանի և Գ. Մնացականյանի): Այս լավագույն ստեղծագործությունը, որ նախագծվել ու իրականացվել է տեղանքի բարդ պայմաններում, հատկանշական է թատերական շենքի ֆունկցիոնալ լուծման և նրա ճարտարապետական հորինվածքի ներդաշնակ միասնությամբ: Շենքը զարդարում է լայնանիստ ճակատամուտքը (քանդակագործ՝ Ա. Հարությունյան): Ծեմասրահում, նրա ամբողջ լայնությամբ, պատկերված է Մարտիրոս Սարյանի «Հայաստան» եռանկարը (սեղում կատարել է Հ. Սիրավյանը):


Գեղեցիկ տեսարան է ստեղծում թատրոնի ներսի «ձմեռային» այգին: Ուշագրավ են մշտադալար կանաչը, ինչպես նաև ապակին, տուֆի հարթությունն ու մարմարե ավազանը՝ ձկնիկներով, կերամիկայով պատած սյուներն ու աստիճանները: Իր վառ գեկորատիվ բնույթով այս տեսարանն ընկալվում է որպես թատերական բեմադրության մի դրվագ:

Ուսանողական հանրակացարանների խոշոր համալիր է կառուցված Երեվանի Զեյթուն թաղամասում (Գ. Քոչար և Ե. Ազատյան): Մի քանի բազմահարկ շենքերի փոխադարձ ուղղահայաց դասավորումը և նրանց միացումը ընդհանուր աստիճանավանդակներով ոչ միայն համապատասխանում է շահագործման նպատակահարմարությանը, այլև նպաստում է կերպարի արտահայտչականությանը:

Սովետահայ ճարտարապետության նվաճումներից է Սարդարապատի ճակատամարտի 50-ամյակին նվիրված ճարտարապետական-քանդակագործական խոշոր տարածական համալիրը (ճարտարապետ՝ Ռ. Իսրայելյան, քանդակագործներ՝ Ա. Հարությունյան, Ս. Մանասյան, Ա. Շահինյան): Հայրենասիրության գաղափարը այստեղ մարմնավորված է հերոսական շնչով: Անսամբլի հուզական ներգործությունը պայմանավորված է նաև կերպարային լուծման ժողովրդայնությամբ: Դա ոչ միայն կենդանացնում է 1918 թվականի իրողար-

ձությունների պատմությունը, այլև կրում է ժողովրդի կողմից նրա՝ որպես հերոսական անցյալի էջերից մեկի, գնահատման կնիքը:

Հայրենասիրության թեման ուրույն ձևով է արտահայտված Հաղթանակի կոթողում (Ռ. Իսրայելյան): Հայրենական պատերազմի պատմության թանգարանի ուղղաձիգ ծավալը պսակվում է Մայր Հայաստանի պղնձակուի արձանով (Քանդակագործ՝ Ա. Հարությունյան): Հուշարձանի վերսլաց ուրվագիծը,




Սարգսապատի հերոսամարտի հուշարձանախմբի մի մասը

նրա կերպարային լուծումը միանգամայն արդիական է: Միաժամանակ նա հարազատ է աղգային ոճին: Հյուսիսում ու նրբաճաշակ զարդաքանդակները, հատկապես գլխավոր մուտքը երիզող 19 չկրկնվող վարդերը, լրացնում են այս բարձրարվեստ կոթողի գեղարվեստական նկարագիրը:

1915 թվականի եղեռնի զոհերի հուշարձանի (Ա. Քարխանյան, Ս. Քալաշյան, նկարիչ՝ Հ. Խաչատրյան) հոբինվածքը կառուցված է հայ ժողովրդի վերածնունդը խորհրդանշող վերսլաց կոթողի և հատած բուրգի ձև ունեցող ծավալի հակադրության վրա: Դրա հետ մեկտեղ առանձին մեծածավալ քարերից կազմված այդ հուշակառույցը, որի ներսում վառվում է անշեջ հուրը, դիտողին ներշնչում է կերպարային հեռավոր ասոցիացիաներ: Այդ ասոցիացիաները ո՛չ որոշակի են, ո՛չ էլ միարժեք: Նրանք կարող են տանել և՛ դպի գմբեթի կերպարը, և՛ դպի դամբարան, և՛ դպի ժողովրդական ճարտարապետության հնագույն կառուցվածքները: Այսպիսով, հուշարձանի թարմ ու նորարարական հորինվածքը ստանում է իր գաղափարա-գեղագիտական նշանակությունը համապատասխան ավանդույթային երանդավորում:

Վաթսունական թվականներին մայրաքաղաքում կառուցվեցին նաև «Դինամո» ընկերության սպորտային դահլիճը (Կ. Հակոբյան և Ն. Ալավերդյան), պետական համալսարանի կենտրոնական շենքը և նուրբ օրգանական բիմիայի ինստիտուտի համալիրը (է. Տիգրանյան), ժողովրդական տնտեսության նվաճումների հանրապետական ցուցահանդեսի տաղավարները (Լ. Գևորգյան, Ֆ. Դարբինյան, Զ. Թորոսյան, կոնստրուկտորներ՝ Ռ. Մանուկյան և ուրիշներ), Աշտարակի ռադիո-էլեկտրոնիկայի ինստիտուտը (Ս. Գուրզադյան և Մ. Մանվելյան), շինանյութերի և կառուցվածքների ինստիտուտի շենքերի համալիրը Երևանում (Մ. Միքայելյան) և այլն:



Էրեբունի—Երևան

Շինարարության հարցերի վերաբերյալ կոմունիստական կուսակցության և սովետական կառավարության որոշումներում մշտապես ընդգծվել է, որ ճարտարապետների գլխավոր խնդիրը տիպային ռացիոնալ նախագծերի ստեղծումն է:

Հայաստանում տիպային նախագծման գործը սկիզբ է առել Հայրենական պատերազմից հետո: Մասսայական շինարարությունը տարվում է տիպային նախագծով: Այս հանգամանքը կարևոր նշանակություն ունի շինարարության ինդուստրացման համար: Սովետահայ ճարտարապետության պրակտիկայում նոր երևույթ է հավաքովի շենքերի կառուցումը: Ինդուստրիալ շինարարության այդ մեթոդը առաջ քաշեց մի շարք ճարտարապետական բարդ խնդիրներ, որոնց ճիշտ լուծումից է կախված այդպիսի շենքերի ֆունկցիոնալ և գեղադիտական լիարժեքությունը:

Ճարտարապետների և շինարարների առջև նոր խնդիրներ ծառացան նաև արտադրական շենքերի նախագծման և կառուցման բնագավառում: Ելնելով առաջավոր տեխնոլոգիայի և տնտեսական նպատակահարմարության պահանջներից, անհրաժեշտ էր խոշորացնել շենքերի ծավալները, ընդհանուր ծածկի տակ միավորելով մի շարք աշխատամասեր, երբեմն՝ ամբողջ դործարան: Հայաստանի ճարտարապետները կարողացան ավելի մոտենալ գործարանային շենքի ռեալիստական կերպարին, նրա հարմարավետ հատակադրային լուծմանը: Այդ բնագավառի հաջողված գործերի թվին կարելի է դասել,

օրինակ, Երեւանի էլեկտրատեխնիկական գործարանի էլեկտրաշարժիչների մեքենայացված և ավտոմատացված արտադրական տեղամասը, գինեթթվի գործարանը, էլեկտրալամպերի գործարանի վարչական շենքը, էջմիածնի գինու գործարանի թորման արտադրամասը, պանրի սառցա-պահեստը Երեւանում և այլն (կառուցված են «Հայարդնախազիծ» ինստիտուտի նախագծերով)։

Զգալի նվաճում է ացետատային մետաքսի խոշորագույն գործարանի նախագծումն ու կառուցումը Կիրովականում։ Քսան հեկտար տարածության վրա տեղադրված այդ խոշոր ձեռնարկությունը կառուցված է տեխնիկայի վերջին խոսքով։ Միասնական ծավալով լուծված, հիմնականում միահարկ հսկայական շենքն ընդգրկում է գրեթե բոլոր արտադրամասերը, ինչպես նաև կենցաղային սպասարկման սենյակները։

Պատերազմից հետո ծավալված բազմաթիվ մեծ ու փոքր հիդրոէլեկտրակայանների շինարարությունը (Գյումուշի, Երեւանի և այլ կայաններ, Տ. Մարությանի նախագծով) հիմք դարձավ արդյունաբերական ճարտարապետության այդ յուրահատուկ ճյուղի արագ զարգացման համար։

Այսպիսով, հտպատերազմյան տարիներին, կոմունիստական շինարարության ծավալման շնորհիվ, նոր զարգացում ապրեց սովետահայ ճարտարապետությունը։